



Broj: 02-05-1-497/18
Maglaj, 27.02.2018. godine

ZAPISNIK

Sa 15. sjednice Općinskog vijeća Maglaj
održane dana 27.02.2018.godine u 10,00 sati u sali
JU Dom kulture «Edhem Mulabdić» Maglaj

Predsjedavajuća OV, na osnovu člana 59. Poslovnika o radu Općinskog vijeća i zaključaka Kolegija od 20.02.2018.godine i Programa rada Općinskog vijeća za 2018. godinu i ukazane potrebe otvaram 15. redovnu sjednicu Općinskog vijeća.

Na današnju sjednicu pozvani su vijećnici iz parlamentarnih političkih stranaka SDA-a, SDP-a, SBB, DF, HDZ, Stranke za BiH te samostalni vijećnici Buljubašić Musafa, Bešić Mustafa, Fikret Delić i Kanita Bašić.

Poziv za sjednicu i materijal dostavljeni su OSCE-u Terenski ured Travnik, sredstvima informisanja koji prate rad današnje sjednice Vijeća.

Pozvan je Općinski načelnik, rukovodioci općinskih Službi, Općinska pravobraniteljica, predstavnici Javnih ustanova i Javnih preduzeća, kao i predstavnici čiji materijali će biti razmatrani na današnjoj sjednici Općinskog vijeća.

Sve vas pozdravljam i pozivam da svako na sebi svojstven način odamo dužnu počast onima koji su svoje živote ugradili u zemlju domovinu nam Bosnu i Hercegovinu i svim žrtvama rata.

Molim predstavnika Službe Općinskog načelnika i Općinskog vijeća da prozivkom vijećnika utvrdimo broj vijećnika na 15. redovnoj sjednici Općinskog vijeća.

Današnjoj sjednici Općinskog vijeća prisustvuje 25 vijećnika.

Konstatujem da Općinsko vijeće može punovažno raditi i odlučivati i donositi odluke, zaključke i rješenja. Ovim je ispoštovan član 88. Poslovnika o radu Općinskog vijeća Maglaj.

Na današnjoj sjednici izvršit ćemo verifikaciju zapisnika sa 14. redovne sjednice Općinskog vijeća.

Da li ima primjedbi na zapisnik sa 14. redovne sjednice?

Vijećnica Hasanić Šefka, ispred kluba SDA imamo dvije primjedbe. Prva se odnosi kod 1. tačke dnevnog reda, imali smo raspravu na prošloj sjednici. U zapisniku ni jednom rečenicom nije konstatovano da je došlo do greške prilikom prebrojavanja glasova na prijedlog koalicionog bloka, te je rezultiralo da u zapisniku imamo dvaput da je usvojen Program rada Općinskog vijeća.

Na stranici 15. kada sam se javila na ispravku krivog navoda u zapisniku nije navedeno šta je se ispravljalo.

Jednoglasno je verifikovan zapisnik sa 14. sjednice Općinskog vijeća uz sugestije vijećnice Hasanić Šefke.

Prelazimo na prijedlog dnevnog reda za današnju sjednicu Općinskog vijeća. U sazivu za ovu sjednicu dobili ste prijedlog dnevnog reda od 14 tačaka dnevnog reda. Da li ima sugestija za proširenje dnevnog reda ili kakvih primjedbi na predloženi dnevni red.

Vijećnica Hasanić Šefka, Klub vijećnika SDA kako je zahtijevao i u Programu rada Općinskog vijeća predlaže i sada da Prijedlog Odluke o postupku, rokovima i uslovima/uvjetima provođenja izbora kao i utvrđivanju rezultata izbora za članove Vijeća mjesnih zajednica na području općine Magla skine s dnevnog reda. Na prethodnim sjednicama upozoravali smo da ova Odluka nije u skladu sa članom 28. Zakona o principima lokalne samouprave iz tog razloga tražimo da se ova Odluka skine s dnevnog reda. Također predlažemo tačku 10. Nacrta Odluke o obilježavanju značajnih događaja i datuma na općini Maglaj sa Kalendarom. Znači, mi imamo Odluku o obilježavanju značajnih događaja na području općine Maglaj iz 2004. godine, predlažemo da to bude samo prijedlozi i izmjene te Odluke, a ne nova Odluka koja je ovdje navedena u dnevnom redu.

Općinski načelnik Mirsad Mahmutagić, s obzirom da po Poslovniku imam pravo da kandidujem i tačke dnevnog reda. Koristim to pravo i danas i zamolit ću vas da na dnevni red današnje sjednice stavite i Nacrta Odluke o davanju u zakup građevinskog zemljišta u državnoj svojini, to bi mogla biti jedna tačka pod a,b,c i Program zauzimanja javnih površina za postavljanje ljetnih bašti. Ovo u stvari čini jedan komplet a radi se o nacrtu tako da ide u javnu raspravu. Vjerovatno ima i nedostataka u materijalu i imat ćemo vremena da i kroz javnu raspravu i vijećnička djelovanja odluku popravimo i da na slijedećoj sjednici dođu u vidu prijedloga da nas ne koči u daljem ratu. Radi se o nacrti i molim vas da se stavi na dnevni red i da ovaj nacrt stavimo u dalju proceduru u javnu raspravu da ne gubimo vrijeme između dvije sjednice.

Predsjedavajuća OV, ukoliko Vijeće tako odluči nakon usaglašavanja na prijedlog Općinskog načelnika možda bi bilo dobro to svrstati kao sedmu tačku dnevnog reda da ide uz ove nacрте.

Predlažem kratku pauzu za usaglašavanje dnevnog reda koalicioni blok.

Nakon usaglašavanja koalicionog bloka, ja bih zamolila za jednu kratku pauzu za Kolegij OV radi usaglašavanja dnevnog reda.

Na kratkoj sjednici koju je održao Kolegij mi smo se usaglasili da prihvatimo prijedlog Općinskog načelnika, a većina u kolegiju je odlučila da se zadrže tačke 4 i tačka 7. na dnevnom redu, ali da će se nakon diskusija koje se budu vodile po ovim tačkama napraviti pauze tako da će vijećnici odlučivati za, protiv, uzdržan po određenim tačkama dnevnog reda. Jednoglasno smo prihvatili Načelnikom prijedlog da se uvrsti u dnevni red i predlažem da to bude sedma tačka dnevnog reda.

Vijećnica Šefka Hasanić, Klub vijećnika SDA ostaje pri svom stavu i zahtjevu da se skine tačka dnevnog reda vezano za mjesne zajednice, kao i Odluka o obilježavanju značajnih datuma. Ja ću samo još pročitati ono što smo dobili u materijalu u obrazloženju razlozi za donošenje ove Odluke u kojem stoji. Komisija za obilježavanja značajnih događaja i ličnosti iz historije Maglaja je na prvoj sjednici održanoj 15.03.2017.godine donijela zaključak da se pristupi reevidiranju postojeće Odluke o obilježavanju značajnih datuma i događaja od značaja za općinu Maglaj iz 2004.godine, obzirom da se u novijoj historiji općine javljaju značajni datumi koje je potrebno obilježiti i uvrstiti u Kalendar. Prijedlog komisije je bio da se donese reevidiranje Odluke, a ne donošenje nove Odluke. Iz tog razloga smatramo da bi ova tačka trebala biti «Izmjene i dopune postojeće odluke».

Predsjedavajuća OV, obzirom da je Kolegij o tome već diskutovao i zauzeo svoj stav, ja ću iznijeti prijedlog dnevnog reda za 15. redovnu sjednicu koji je u prijedlogu Kolegija. Koji bi glasio kako slijedi:

DNEVNI RED

1. Izvještaj o radu Općinskog vijeća Maglaj za 2017. godinu;
2. Prijedlog Odluke o razrješenju člana i predsjednika Općinske izborne komisije;
3. Prijedlog Odluke o objavljivanju Javnog oglasa za imenovanje članova i predsjednika Općinske izborne komisije Maglaj;
4. Prijedlog Odluke o postupku, rokovima i uslovima/uvjetima provođenja izbora kao i utvrđivanju rezultata izbora za članove Vijeća mjesnih zajednica na području općine Maglaj;
5. Prijedlog Odluka o usvajanju izmjene Regulacionog plana Centar Maglaj-južni dio «Herceg « d.o.o. Maglaj;
6. Prijedlog Odluke o pristupanju izmjene Regulacionog plana «Centar Maglaj-sjeverni dio» Biljinac Bekrija;
7. a) Nacrt Odluke o davanju u zakup građevinskog zemljišta u državnoj svojini;
b) Nacrt Odluke o privremenom korištenju javnih površina sa programom zauzimanja javnih površina za postavljanje ljetnih bašta;
8. Program održavanja gradskog zelenila sa finansijskim pokazateljima za 2018. godinu;
9. Nacrt Programa poticaja u poljoprivrednoj proizvodnji općine Maglaj za 2018. godinu;
10. Nacrt Programa utroška sredstava - Poticaj u zapošljavanju mladih poduzetnika za 2018. godinu;
11. Nacrt Odluke o obilježavanju značajnih događaja i datuma na općini Maglaj sa Kalendarom ;
12. Zaključak o davanju saglasnosti na ranije donesenu Odluku Općinskog vijeća Maglaj broj: 02-05-1-2636/15 od 29.12.2015. godine za provođenje postupka dodjele koncesije po zahtjevu Ministarstva za poljoprivredu, šumarstvo i vodoprivredu ZE-DO kantona - saglasnost za provođenje postupka dodjele koncesije za crpljenje i zahvaćanje vode sa izvorišta „Rakovac“;
13. Informacija o provedbi Odluke o organizaciji organa uprave Općine Maglaj i Strategija upravljanja ljudskim resursima na općini Maglaj;
14. Informacija o rješavanju upravnih predmeta za 2016. godinu;
15. Informacija o kretanju zapošljavanja i nezaposlenosti na području općine Maglaj za 2017. godinu;

Vijećnik Safet Jašić, nije odluka Kolegija bila jednoglasna.

Predsjedavajuća OV, tako sam i rekla i vidjet će se u zapisniku.

Stavljam na glasanje predloženi Dnevni red od strane Kolegija.

Glasalo 13 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Elvir Vehabović (S BiH), Hajrudin Ferić (DF) Mustafa Bešić, Kanita Bašić samostalni vijećnici, Josip Jurišić (HDZ).

Konstatujem da prijedlozi SDA nisu dobili potrebnu većinu.

Glasalo 11 glasova uzdržano: Adis Abdurahmanović, Selma Avdić, Mirsad Bežić, Delić Edib, Hasanić Šefka, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić samostalni vijećnik.

Glasalo 1 protiv: Josip Jurišić (HDZ).

Predsjedavajuća OV, ukoliko ima zainteresovanih za raspravu po pojedinim tačkama dnevnog reda prijave možete uzeti i prijaviti se, diskusije po pojedinim tačkama su 3 minuta, molim da se pridržavate tog vremena.

AD – 1 Izvještaj o radu Općinskog vijeća Maglaj za 2017. godinu;

Predsjedavajuća OV, prilikom analize dostavljenog materijala uočena je jedna tehnička pogreška u mandatnom periodu, greška je naknadno ispravljena i radi se o mandatu 2016-2020. godina. Moram ukazati na još jedan sitan

propust kod formiranih klubova, tamo smo izostavili ko nije formirao klub, osim vijećnika HDZ, te samostalnih vijećnika Buljubašić Mustafe i Bašić Kanite, treba dodati u tekstu i vijećnik DF gospodin Hajrudin Ferić.

U samom pregledu u ovom Izvještaju, on sadrži kompletne dnevne redove svih deset redovnih sjednica Općinskog vijeća, Tematske sjednice, kao i navode kada su održane svečane sjednice i naravno ono o čemu se vodi računa jeste učešće vijećnika u diskusijama u pokretanju inicijativa, ili broju postavljenih vijećničkih pitanja, te to u tabelarnim prikazima imate sve jasno prikazano.

Kada su u pitanju sugestije za poboljšanje rada Općinskog vijeća, ja mogu samo ponoviti ono što se nalazi u materijalu, a to je da službe još uvijek treba da ažurnije dostavljaju materijale kako bi se sjednica Općinskog vijeća adekvatno pripremale, naravno prateći Program rada Općinskog vijeća i trebamo težiti kao vijeće modernizaciji svoga rada, kako po pitanju uvođenja modernih tehnologija tako i vezano za samu edukaciju vijećnika o nadležnostima općinskih vijeća, upoznavanja sa nekim novim izmjenama zakonskih regulativa, procedura itd.

Otvaram raspravu

Vijećnik Josip Jurišić, želim da kažem možda umjesto ove riječi izvješće o radu Općinskog vijeća, možda da bude informacija ili neka statistika. Ne znam hoćemol mi poslije glasati i usvajati ovo izvješće. Znači podnosimo izvješće sami sebi. Ne vidim tu baš nekakve logike. Znači da ubuduće biti ili informacija ili statistički prikaz.

Vijećnica Šefka Hasanić, s obzirom da smo u materijalu dobili da je to izvještaj, tako će se i Klub očitovati prema ovoj tačci dnevnog reda.

Klub vijećnika SDA ne prihvata Izvještaj o radu Općinskog vijeća Maglaj za 2017. godinu, te naglašavamo da komisije Općinskog vijeća u ovom periodu nisu radile, većina tih komisija je održala po samo jednu sjednicu. Nekoliko odluka koje su donesene na ovom Općinskom vijeću voljom većine su u sukobu i protivne pozitivnim zakonskim propisima, a nekoliko odluka je doneseno glasovima koji su bili u sukobu interesa, poštujući Zakon o sukobu interesa.

Predsjedavajuća OV, u konsultaciji sa dopredsjedavajućim vezano za sugestiju od strane gospodina Jurišića da li je to izvještaj ili informacija, izvještaj se podnosi u smislu da građanstvo može da ga proprati i da učestvuje u diskusiji i da ukaže na neke nedostatke, ili možda čak i pohvali rad Općinskog vijeća, pa u tom smislu je izvještaj.

Vijećnik Safet Jašić, kad je ovaj materijal u pitanju našto se najviše u proteklom periodu udaralo je komisije Općinskog vijeća. U ovoj tabeli vidimo da je ovo daleko gori rad u 2017. godini bio, nego kompletan onaj rad u ranijem periodu. Na sva zvana i na sva usta se govorilo da komisije ne rade. Jedina komisija koja je nešto radila je komisija za privredu. Kritika naša iz Kluba SDA je velika kritika na rad Komisija, a niko iz SDA ne učestvuje u radu komisija. Sve se znalo da će to tako biti, niste imali ni kvalitetnih ljudi za toliki broj komisija itd. I to je upravo ono o čemu mi stalno govorimo, nema konsenzusa, nema dogovora, nema fleksibilnosti u svemu ovome, nego kako se zamisli, tako se i dobili smo ovo što imamo. Meni je drago što je ovo prikazano pa nek ljudi vide kako rade komisije. Što se tiče Općinskog vijeća mislim da nikad nije lošije radilo Općinsko vijeće od postojanja. Ovdje je napravljeno preturanje, pravljenje klubova, ovakvi, onakvi itd. što ne donosi dobro ni radu Općinskog vijeća ni građanima općine Maglaj.

Loše je krenulo negdje od treće sjednice kada je bio Izvještaj o radu Općinskog vijeća za 2016. godinu. Drvlje i kamenje, ništa se radilo nije. Najveći udari su bili upravo na ovo što sam malo prije govorio to su komisije. Na petoj sjednici je donesena odluka o osnivanju Poslovne zone Novi Šeher. Zamolio bih nekoga da nam kaže dokle se došlo sa tom poslovnom zonom?

Na istoj sjednici donesena je odluka što je najbitnije pomenuti i godinu i po se i bavimo samo o tome. Odluka o razrješenju predsjednika i članova Upravnih odbora i nadzornih odbora. I druga Odluka o pokretanju procedura izbora i imenovanja u reguliranim tijelima općine Maglaj. To su te komisije. Godinu i po smo se bavili smjenjivanjem ljudi iz upravnih odbora, smjenjivanjem direktora. Evo šta smo dobili od komisija i to je rezultat rada Općinskog vijeća i ne čudi stav gospođe Hasanić koji je iznijela.

Na šestoj sjednici je donesena Odluka prijedlog programa utroška sredstava – poticaj u zapošljavanju mladih poduzetnika, to je za pohvalit. Volili bi da znamo ko su ti ljudi koji su dobili i nemamo protiv ko god da je dobio, samo da vidimo da li ti ljudi još uvijek rade i da li se bave tom djelatnošću zašto su nagrađeni određenim sredstvima. Trebali bi imati informaciju šta je s tim ljudima.

Razmatranje izvještaja o održavanju i sanaciji javne rasvjete sa finansijskim pokazateljima, imali smo i to i dobro se sjećate da smo imali izvještaj da je 18.000 KM bilo predviđeno i 18.000 KM potrošeno i javna rasvjeta održavana možda i bolje nego sa 80.000 KM koje sada, a velike su kritike bile i neka je i 80.000 KM i to se prihvata, ali kad zamolimo da je pregorila sijalica da ne idemo deset puta i da moramo ići vezama ne bi li riješili problem.

Na osmoj sjednici gledajte, Izvještaj o radu mjesnih zajednica za 2016. godinu i Program rada mjesnih zajednica. 7.7.2017.godine je bila održana sjednica, nikad uvijek su izvještaji i planovi i programi MZ dolazili u martu i aprilu, nikad nije u ranijem sazivu. U sedmom mjesecu plan i program, kome to služi zašto, samo da napišemo jer su projekti prošli. Projekti se rade u januaru, februaru i martu i aprilu, eventualno ako nešto ostane za peti mjesec. Znači blamaža mjesnih zajednica.

Na istoj sjednici nacrt Odluke o dimnjačarskoj djelatnosti na području općine Maglaj koja je unijela zaista pomatnu ovdje. Kakva je sudbina te odluke? Neko je proguro ko i sve ostalo ovo što se sad radi, što slijedi u dnevnom redu i sve to tako na taj način ide. Meni je žao nekih vijećnika. Ovdje ima zaista korektnih vijećnika, ali ovo kako se radi, ovo je nečija samovolja.

Na devetoj sjednici zaključak po obustavu postupka po zahtjevu RVI za dodjelu zemljišta zbog odustajanja i poništenja. Zašto i ta odluka još i danas dan, tada je donesena pa poništena. Mislim dva puta uzastopno se radilo i šta imamo od te odluke. Nemamo ništa. RVI nemaju prostor željeni itd.

Prijedlog Odluke o davanju naziva Kino sali Doma kulture. Mislim da nigdje nema na svijetu da Dom kulture novi ime «Edhem Mulabdić» i da se pod ime nekom daje domu ili sali. Mislim da je i to isto rezultat rada Općinskog vijeća i da nije bilo logike nikako, ali eto snaga ruku i to se tako donese. Naše je da poštujemo.

Nije začuđujuće stav je iznijela gospođa Hasanić i iz tog razloga Klub SDA ne prihvata Izvještaj o radu Općinskog vijeća.

Vijećnik Elvir Vehabović, prvo ću se osvrnuti na rad komisija. Komisija se sazivaju u skladu sa dnevnim redom kad nema komisija treba da zasjeda. Ja sam član Komisije za obrazovanje, nauku, kulturu i sport i ne mogu zasjedati pred svaku sjednicu Općinskog vijeća jer nema potrebe. Kad je bilo potrebe sazivana je komisija i održavala se sjednica.

Što se tiče napomenuli ste da smo se bavili smjenama direktora, pa bih ja molio vas da kažete koje smo to direktore smijenili. Bilo je isticanje mandata, pa su neki drugi ljudi dobijali mandat, kao i ja, a niko nije smijenjen.

Treća stvar, ako nije navest ću vam primjer Doma kulture i Kino sale, pa ću navesti jedan veći primjer. Upoznati smo Kulturno sportski centar «Skenderija», a dvorana u kojoj se igra košarkaška utakmica zove se «Mirza Delibašić».

Vijećnik Nedžad Lokmić, želim uputiti korekciju navoda gospodina Jašića. Tačno je da oni nisu imali svoje članove u komisijama, ali je zaboravio napomenuti da su oni odbijali rad i učešće u tim komisijama. I vijeće ih je molilo i Načelnik par puta dakle, svjesno su izbjegavali rad u tim komisijama. Drugo nije tačno da su u komisijama nestručni ljudi i kako reče da mi nemamo kadrova. I te kako stručnih, školovanih, pismeni ljudi sa iskustvom rade u tim komisijama, a jedino s čim bih se složio da zaista pojedine komisije nisu zasjedale više od jedan puta ako se ne varam njih sedam. Gospodin Vehabović je rekao neke i nisu imale potrebe da zasjedaju, a većina dakle i uvažavam kritiku i ja joj se pridružujem mogli su malo češće da zasjedaju.

Vijećnik Mustafa Bešić, što se tiče ovih komisija, ja sam bio vijećnik u prošlom sazivu i uputio bih gospodinu Jašiću radi javnosti. U prošlom mandatu sam bio u istoj komisiji kao i ovoj. Komisija za društvene odnose, vjerske zajednice i boračko invalidsku zaštitu, za prošli mandat 4 godine imao sam 3 komisija. Za ovu isto samo jednu sam imao i nije dovoljno. Treba se raditi pogotovo oko boračkih pitanja ima puno prostora, gdje ima i kategorije boračke. Međutim, u nekim situacijama postavimo ljude koji neće da sazovu sjednicu. Možda smo i mi krivi i postavimo čovjeka koji neće da radi. Postavili smo penzionera a radi se o boračkim pitanjima. Ima nekih stvari koje trebamo uraditi, treba dograditi ali nije ništa bolja situacija bila ni prethodne četiri godine možda i gore. Mi ćemo ovaj Izvještaj podržati, samo sam sugerisao neke stvari.

Vijećnik Safet Jašić, replika, ja razumijem i realno je da se komisije sastaju po potrebi, ali tako je to bilo i ranije, ali je udar bio na komisije ništa ne rade.

O ne prihvatanju Kluba SDA u radu komisija nije tačno. Ne može nama niko određivati, znamo kako se određuje broj komisija po procentu. Šta su osvojio to ćeš i dobiti. Mi smo to korektno dijelili sa SDP i drugim partijama dok smo mi bili pozicija. Nama se davalo nećete vjerovati u rangu stranke koja ima jednog ili dva vijećnika. Davalo nam se 11 ili 13 mjesta u komisiji. To su dobili i penzioneri i bilo koje druge stranke sa jednim vijećnikom. Mi smo Klub koji je u to vrijeme imao 11 vijećnika. Tako da iz tog razloga SDA nije prihvatio učešće u radu komisija.

Vijećnica Selma Avdić, samo ću se nadovezati na ovu priču od strane mojih kolega i sa jedne i sa druge strane. Što se tiče ovih komisija. Imamo dobro znate da je SDA dobila 42% glasova na lokalnim izborima. Na osnovu tih glasova trebali smo dobiti toliko mjesta u općinskim komisijama. Nije istina da vijećnici SDA niti rade, niti žele da rade, jer ne žele da rade ukoliko nije po zakonu i ukoliko nije onoliko koliko bi trebali dobiti mjesta jer u svim prethodnim mandatima, ja sam bila predsjednik Komisije za privredu dva mandata i radila sam kao što rade i ove kolege danas. Međutim, reći ću da nije fer i korektno da se kaže da vijećnici SDA ne žele da učestvuju u ovome. Mi smo željeli učestvovati onako kako smo se mi prije ponašali prema ostalim našim kolegama, prema njihovim procentima koje su dobili na prethodnim izborima. Bili smo fer i korektni svi su dobijali mjesta i za predsjednike i za učesnike u radu tih komisija. Tako da vas molim ubuduće ukoliko bude bilo ko spominjao vijećnike SDA koji ne žele da rade, da javnost zna, željeli smo da radimo ali da dobijemo 42% koja smo dobili od naših građana na ovim izborima.

Vijećnica Svjetlana Zamboni, ne mogu da ne reagujem na ovu diskusiju koja se vodi po pitanju rada komisija Općinskog vijeća. U pregledu koji imate pred sobom a koji vam je dostavljen u vidu materijala za ovu sjednicu imate pregled samo za 2017. Godinu. Nemate pregleda šta se još uradilo 2016. Godine, jer izvještaj pokriva samo 2017.godinu, a ubuduće ću vam stavljati i dodatne informacije koliko je i u prethodnom periodu održanih sjednica, tako da imate uvid u kompletnu situaciju kao cjelovitu. Moram reagovati na ove izjave vezano za postotke o kojima kolegica Avdić govori. Prilikom predlaganja sastava komisija SDA se nudila 100% učešće u radu komisija, dakle da vaši vijećnici ili članovi budu u svakoj od komisija Općinskog vijeća. Interpretacija sastava komisija je rađena na način na koji vi to i sada pokušavate uraditi da trebate imati 42 %, ja ni tada a ni sada ne znam gdje to piše, pa vas molim kad se pozivate na određene procenete i određene stavove citirajte onda i zakone i propise koji regulišu te oblasti koja kaže da zastupljenost u komisijama Općinskog vijeće treba parlamentarnim partijama da odgovara, ne procentima osvojenim na lokalnim izborima. Tačno je da ste zbog toga odbili učešće svoje, niko nije rekao da vi nemate koga da stavite u komisije ili da bude član komisije, nego ste vi nezadovoljni procentom o kojem vi govorite odbili ste rad i učešće u tim komisijama. Stavove komisija nekada prihvatate, nekad odbijate, nekada ih hvalite, nekada kritikujete ovisno o tome kako to odgovara Klubu SDA. Na samom početku imali ste stav da nećete priznati rad komisija, da biste na jednoj od narednih sjednica rekli da se nećete očitati o određenom materijalu zato što nemate stava komisije. Tako da vrlo često je teško i prepoznati kakav je to zapravo stav koji vi imate po pitanju rada komisija. Kada gospodin

Jašić pravi osvrt na tačke dnevnog reda Općinskog vijeća i kažete da biste voljeli da imate određene informacije, te informacije ste isto tako mogli predlagati kada smo govorili o Programu rada Općinskog vijeća koje su mogle biti i dio redovnih informacija u Programu rada OV, pa da znate gdje se i šta učinilo. Mada smatram da se nakon donesenih odluka na Općinskom vijeću a pogotovo kada je utrošak sredstava iz Budžeta u pitanju mislim da su sve informacije i medijski praćene i da su i te kako transparentne za građane naše općine. Što se tiče Kino sale, smatram da možemo biti ponosni na imenovanje Kino sale i pokazati svoju zahvalnost Francuskoj ambasadi za sve ono što su učinili za Dom kulture općine Maglaj nakon majskih poplava 2014. Godine.

Vijećnik Safet Jašić, replika ja moram reagovati na ovo izlaganje predsjedavajuće. Istina je da je nuđeno nama ne znam koliko ima komisija, ali u svakoj komisiji po jednog člana. Ne može niko raspoređivat kako će to bit. Zna se u proteklom periodu ko su bili nosioci komisija, predsjednici i sve se odredilo po izbornom rezultatu. Nije tačno ovo da smo mi rasporedi ovog na ono, rasporedi ovog na ovo. Znamo mi šta se htjelo pod tim.

Na kraju želim reći kad sam izašao o transparentnosti Vijeća. Sve je transparentno gdje je većina, ali neka i to, ako smo dobili od institucije Ombudsmena za ljudska prava objašnjenje o postavljenju direktora KJD, ako je direktor svaki imenovanom na ovom Općinskom vijeću, ja mislim da svaka daljnja pritužba ili objašnjenje, nepravda ili objašnjenje treba da dođe ovdje na Vijeće.

Vijećnik Hajrudin Fermić, drago mi što danas imamo prisutnih i veći broj gostiju na sjednici Općinskog vijeća i možda je to i jedan od razloga što sam se i javio po ovoj tački iako nisam planirao da učestvujem u diskusiji. Malo me ponukala diskusija kolega iz Kluba SDA. Naime, ja hoću samo da kažem nekoliko rečenica kad je u pitanju rad Općinskog vijeća u 2017. Godini zbog ovih ljudi koji su tu prvi put i koji će otići sa tim utiscima sa ove sjednice OV. Da napomenem da jedan od najvećih neću reći kritičara, nego onih koji su puhali u jedra rada općinskog vijeća sam bio ja u 2017. Godini sa više prijedloga, čak i održavanju tematskih sjednica kolegija sa ciljem sa pokušajem da se još više unaprijedi rad Općinskog vijeća, odnosno njegovih stalnih radnih tijela. Održavane su tematske sjednice i mi smo to imali u ranijim izvještajima krajem prošle godine, odnosno početkom ove za te periode u onim redovnim informacijama i izvještajima o radu OV. Ono što zapravo želim da napomenem jeste činjenica da niko realan i objektivan ne može da bude u potpunosti zadovoljan radom OV Maglaj u 2017. godini, ali treba da se postavi pitanje i da se odgovori na ta pitanja, zašto nije mogao biti još bolji, kvalitetniji i uspješniji rad. Ovo ljudi iz Kluba SDA sad izlaze je zapravo samo jedan nastavak te politike, te tzv. tihe opstrukcije rada i radnih tijela OV i samog OV. Nikad ni jedne riječi na toj tematskoj sjednici Kolegija nije pomenuo predstavnik Kluba SDA niti je diskutovao niti je kritikovao, niti je sugerisao, ni predlagao šutio je i evo tu su svjedoci koji su bili na Kolegiju zajedno sa šefovima službi, da je na naše prijedloge doneseno niz zaključaka koji treba da pospješuju ovaj rad. Ono što ja također želim da iznesem da je taj rad OV Maglaj u 2017. godini po mojoj ocjeni dobio prolaznu ocjenu kako god to zvučalo i ako god to značilo. Svjestan svih onih naslaganih problema iz prethodnog perioda koji su najprije zahvatili, zadesili općinsku administraciju odnosno OV Maglaj zapuštenosti u pogledu pravne regulative i potrebe ubrzanog rada na usklađivanju sa aktuelnim zakonima onog što se tiče ove lokalne zajednice. Dakle, ja sam slobodan da kažem da ni jedan općinski akt u Maglaju kojeg smo mi naslijedili krajem 2016. Godine nije bio usklađen sa zakonima, nije bio po zakonu, možda će me neko ispraviti, ali najveći broj 90% nije usklađeno nije praćeno i nije OV pratilo taj rad. Naravno, zato što u općinskoj administraciji i bivšim načelnikom nisu puno ni obraćali pažnje na to, niti ih je to puno interesovalo da usklađuju. Ono što je urađeno sa Programom rada OV za 2017. Godinu svi smo se složili da je bio preambiciozan, ali je to i simbolični pokušaj da se pokaže građanima koliko zapravo pred nama postoji posla u donošenju novih akata u usklađivanju sa zakonom, i na kraju krajeva donošenjem odluka koje će tretirati potrebe, interese i život građana u skladu sa savremenim nekakvim trendovima. To je zaista, tu su vrlo često ljudi govorili, diskutanti na ovim govornicama, sjednicama OV da nama samo nije dovoljno četiri godine da mi to sve stignemo i prestignemo, ali trudimo se i ima ta namjera i sigurno je da ćemo u toj namjeri postići i odgovarajuće rezultate. Razlika između ranijih saziva OV je u tome, što sam ja vrlo često govorio ta transparentnost o kojoj vi govorite je dobila i te kako na značaju u 2017. godini pa ću ja opet ponoviti šta smo mi sve imali, što su građani mogli da učestvuju u javnim raspravama. Recimo Program poticaja poljoprivredne proizvodnje, Program Startap, Program za mlade, Programi održavanja, rekonstrukcije, sanacije cesta, higijene, zelenila, počelo se raditi na prostornom planu i tu se dobro na tom strateškom krupnom planu dobro odmaklo u radu. Za razliku od prethodnog saziva kada ništa osim što je donesena odluka, ništa se nije pipnulo, a vjerujte da je to za razvoj općine Maglaj i te kako važan i bitan strateški dokument. Radi se i u podmakloj fazi je. Mi ne smijemo zaboraviti da je ovo OV donijelo jednu ozbiljnu Strategiju poljoprivrede, da smo pri kraju da regulišemo pitanja bezbjednosti saobraćaja i tu smo dosta stvari učinili na području cijele općine Maglaj i ja mogu još između ostalog ovdje da iznosim, ali nemam dovoljno vremena sve ono šta smo pokrenuli, šta je u toku i šta nam slijedi dakle, u prošloj 2017. godini. Slažemo se da je bilo propusta, slažem se da i ja nisam zadovoljan, očekivao sam više, ali sa ovim što smo uradili i te kako je puno u odnosu na one prethodne periode. I te kako je puno i to građani i sami znaju. Ono na čemu mi trebamo u narednom periodu u 2018. godini da radimo jeste da općinska administracija puno ozbiljnije prihvati činjenicu da postoje radna tijela OV koja se moraju konsultovati u prethodnim fazama donošenja, da se poštuje Poslovnik o radu kad su u pitanju rad OV i sve te nadležnosti i naravno da nam se dostavljaju programi koji su na dnevnom redu ovog OV. Ove odluke koje smo zavrtili u prethodnom periodu one su kvalitetne, one su za pozdraviti i na njima treba samo da insistiramo i to je ono što će sigurno donijeti dobrobit ovim građanima.

Vijećnica Šefka Hasanić, replika ispred Kluba SDA ne možemo ostati i gluhi i nijemi i slijepi na konstataciju dopredsjedavajućeg OV gdje kaže da je Klub vijećnika SDA radi na tihopstrukciji rada OV. To je jedna neistina. Klub vijećnika SDA u svakom svom izlaganju nastoji da ukaže na nezakonitost, pozove općinsku većinu u ovom OV

na poštivanje zakona. Navest ću vam rebalans Budžeta, Odluka o mjesnim zajednicama, Odluka o imenovanjima direktora, ni jednom se niko ni predsjedavajuća, ni dopredsjedavajući zapitali imamo li mi tu sukoba u skladu sa Zakonom o sukobu interesa. Imenovali smo direktore i niko nije postavio to pitanje niti se dovelo u situaciju, znači Klub vijećnika SDA nastoji djelovati zakonito. Ja sam bila vijećnik prethodna dva mandata iz opozicije nikad nismo imali primjedbu da je Načelnik donio nekakvu nezakonitu odluku, da je vijeće donijelo nezakonitu odluku. Nažalost u ovoj situaciji, svaku sjednicu Klub vijećnika SDA izlazi za ovu govornicu i vijećnici iz Kluba i upozoravaju na takve stvari, pa molim vas da se povede računa o tome.

Vijećnik Mirza Bradarić, moram se i javiti po pitanju ove tačke dnevnog reda. Prvo ću krenuti sa gospodinom Jašićem kad je rekao da komisije ne rde ništa da se ne sastaju. Ja ću javno reći ja sam predsjednik Komisije za izbor i imenovanje u koji je na početku samog mandata bio i kolega Edib Delić iz Stranke demokratske akcije, nakon toga podnio ostavku. Ja zaista ne znam, ako znate koje su nadležnosti komisije za izbor i imenovanje, onda ne vidim svrhu postavljanja vaših pitanja i postavljanja takvih kritika. Molim vas mimo tih stvari šta to Komisije za izbor i imenovanje još treba da radi, svaki mjesec da se sastaje itd. Kolegica Selma je rekla da se nije radilo po zakonu. Zaista ne znam šta se nije radilo po zakonu, evo kolega Deliću šta se nije radilo po zakonu, bili ste svjedoci, bili ste na početku tih sjednica. Slobodno izađite za govornicu i javno nama svima prisutnima i kamerama recite šta to mi nismo radili po zakonu, ako nismo.

Što se tiče rada Vijeća, kolega Jašić je rekao citiram „nikad gori“ saziv OV. Ovo kolega Fermić je već prije mene i neću ponavljati ovo što je on rekao da boli ta stvar. Boli ta činjenic ada se ovdje o svakoj tački i raspravlja i priča i pozicija i opozicija, za razliku od prethodnih mandata gdje ću ovo zvanično reći. U proteklom mandatu u kojem sam ja bio vijećnik opozicija je pričala, pričala, i zaista ima jednu veliku minutažu u svojim pričama, dok je pozicija izlazila i samo govorila prihvatamo izvještaj, prihvatamao ovo, prihvatamo ono. Jel to bio efikasan radi naravno nakon svih naših priča iz opozicije jednostavno došlo se do glasanja gdje su određeni ljudi rekli, šta nas briga nek pričaju šta hoće zna se ko je većina. Kolega Fermić je nabrojao par projekata koji su već pokrenuti u 2017. godini, isto tako pokrenut je i projekat gradskog groblja koji mnoge građane općine Maglaj, boli unazad 10,20 pa čak i 30 godina. Evo ovaj saziv OV je počeo taj projekat i ako Bog da ovaj saziv OV će to i završiti. Naravno boli i iz jednog razloga zato što vi unazad 20, 30 godina, reći ćemo samo zadnjih 12 godina nikada niste htjeli ni pričati o tome a kamoli bilo šta pokrenuti.

Još ću se samo osvrnuti na vašu konstataciju gdje kažete da je ovo nečija samovolja, vi konstantno spominjete taj pojam nečija samovolja. Naravno ja ću ovdje samo reći to se očigledno aludira na Načelnika. Načelnice što se tiče ovog vremena u ovom periodu u kojem ste vi Načelnik, ja ću vama javno za govornicom čestitati jer vidi se i posao koji radite i da vam kažem Načelnice, slobodno radite i dalje tako kako ste krenuli raditi jer to nije Vaša samovolja, Vi imate sigurnih 13 vijećnika u Općinskom vijeću koji stoje iza Vas i podupiru u Vašim odlukama.

Vijećnik Safet Jašić, replika rad pozicije i opozicije je takav kakav jeste i u ranijem sazivu i u ovom. Međutim, gospodine Bradariću ne možete vi znati našto mi aludiramo i šta je u našim glavama. Mislim da je to pogrešno i nvođenje Načelnika da misli drugačije.

Vijećnik Hajrudin Fermić, ispravka krivog navoda – da su ovdje donijete neke nezakonite odluke, ja garantujem i tvrdim da Odluka koja reguliše pitanje izbora članova UO, Odluke gdje smo davali suglasnost na imenovanja direktora nisu bila nezakonita, niti ova Odluka koja je tek sada na dnevnom redu kad su u pitanju izbori u mjesnim zajednicama nije nezakonita i niko nije utvrdio da je nezakonita i zvanično postoje zakonski okviri. Molim vas da ne uzđimamo te krupne izraze i kvalifikacije da je nešto doneseno nezakonito, što nije tačno.

Vijećnik Josip Jurišić, vezano za zakonite i nezakonite odluke, cijelu prošlu godinu kuburimo s tim. Volio bih da zbilja neko stručan kaže, ili da ubuduće nekoga zadužimo ko je stručan za te zakonite i nezakonite odluke. Ovdje se provlači ista teza za jedne je zakonito, za druge je nezakonito. To je vjerovatno tako bilo i prije, ali tko smo mi evo ja prvi, imam li ja ingerencije da kažem jel nešto zakonito ili nije. Naravno ja mogu interpretirati i o tome se i radi što mi svaki zakon i stav interpretiramo onako kako mi mislimo da je i tako će biti sad i u ovoj Odluci o mjesnim zajednicama. Ista stvar. Još jedno vezano za ovo izvješće, ovo je od prilike bilo hvalite me usta moja. Mi smo trebali zato sam rekao možda da bude informacija, pa da ostavimo tamo građanima da oni putem maila, pisanim putem ili ne znam kojim oni ocijene nas, ali ne da se mi ovdje hvalimo kako smo nešto napravili dobro.

Predsjedavajuća OV, vezano za zakonitost ili nezakonitost odluke koje se donose na OV sprovode se u djelo, da su nezakonito vjerujem da bi mnogi koji postupaju po tim odlukama završili na sudovima i da bi bile tumačene od strane onih koji trebaju da tumače zakone. Do sada takav slučaj nismo imali, tako da znam zasigurno da ni jedna naša odluka nije pala po pitanju njene zakonitosti.

Vijećnica Šefka Hasanić, ja ću samo reći da je Klub vijećnika SDA citirao i članove zakona i ono što je u suprotnosti sa zakonom. Za ubuduće imamo slučaj imamo materijal pred sobom. Imamo Odluku o mjesnim zajednicama gdje je Služba dala sasvim kontra obrazloženje u odnosu na sadržaj odluke. Općinski pravobranilac se izjasnio da nije nadležan za tumačenje zakonitosti odluke, pa molim vas ko će nam na OV dati stručno mišljenje da li je odluka zakonita ili nezakonita. U ovom mandatu te osobe nemamo koja će čvrsto stati iza odluke i reći ja stojim, ja sam zadužen za tumačenje zakona i zakonitosti i da znam načisto gdje smo i šta smo.

Vijećnik Hajrudin Fermić, zaista želim da pojasnim neke stvari i gospođa Čakrama kada je ovdje sjedila u prethodnim sjednicama pominjala je nešto. Komisija za propise ima svoju nadležnost da kaže da li postoji pravni osnov da bilo koji akt dođe na OV. To je njena nadležnost. Govorimo o vijećničkoj komisiji. U pripremama stručne Službe i drugim odgovarajućim zakonom propisani predlagači dužni su da vode računa o zakonitosti. Dužni su da vode, prije svega, služba, administracija itd. Kad se donese jedan akt, tada on ode po posebnom postupku

eventualnog utvrđivanja nezakonitosti i to će vam sigurno bolje objasniti pravници, pravobranilac ili bilo ko iz Službi. Dakle, pokreće se ponovo drugi poseban postupak za utvrđivanje nezakonitosti i to je formalno pravni postupak upravo i zbog toga govorim da u političkim kvalifikacijama ne koristimo nešto što niko nije utvrdio do sada. Što se tiče formalno pravnih pretpostavki da ovdje bude Komisija za propise je i te kako kvalifikovana da u onoj preambuli utvrdi da li po nekom zakonu, po nekoj odluci OV je nadležnost da o tome raspravlja.

Predsjedavajuća OV, zaključujem raspravu, da li gospodin Jurišić još uvijek ostaje pri svom prijedlogu da se Izvještaj mijenja u Informaciju da se o tome izjašnjavamo, ili da stoji ovako kako jeste da Izvještaj podnosimo više radi javnosti i građana općine. Za ubuduće neka bude informacija.

Stavljam na glasanje

ZAKLJUČAK

1.1. Usvaja se Izvještaj o radu Općinskog vijeća Maglaj za 2017. godinu.

Glasalo 14 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Elvir Vehabović (SBiH), Hajrudin Ferić (DF), Mustafa Bešić, Kanita Bašić samostalni vijećnici, Josip Jurišić (HDZ).

Konstatujem da prijedlozi SDA nisu dobili potrebnu većinu.

Glasalo 11 glasova protiv : Adis Abdurahmanović, Nedžad Alispahić, Selma Avdić, Mirsad Bežić, Delić Edib, Hasanić Šefka, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić samostalni vijećnik.

AD – 2 Prijedlog Odluke o razrješenju članova i predsjednika Općinske izborne komisije;

AD – 3 Prijedlog Odluke o raspisivanju Javnog oglasa za popunu članova Općinske izborne komisije Maglaj;

Predsjedavajuća OV, obrazloženje u materijalima ste dobili obavještenje koje je došlo od strane CIK-a da su gospodin Elmira Mustabašić i gospođa Tatjana Tovarišić podnijeli ostavke CIK-u datuma 06.02. i 13.02.2017.godine. Na osnovu uputstva koje je dostavljeno od strane CIK-a na Općinsku izbornu komisiju Maglaj oni su ušli u proceduru pripreme po uputstvu onoga što je slijedilo. Međutim, 17.02. su na snagu stupila Uputstva o izmjenama postojećih uputstava za razrješenje da citiran Uputstvo o izmjeni uputstava o utvrđivanju kvalifikacija, broju, razrješenja i imenovanja i obuci članova izborne komisije, osnovne izborne jedinice u BiH, te je sačinjen drugi prijedlog od strane Službe koji ste naknadno dobili a usuglašen sa svim izmjenama koje su napravljene u novom uputstvu. S tim u vezi mi bismo se morali danas izjašnjavati o prijedlogu materijala koji ste dobili naknadno jer je to materijal koji je usuglašen sa novim Uputstvom a ne onaj koji smo dobili nakon održanog kolegija. Ja ovdje imam i Uputstvo i izmjene koje su nastale vezano za Uputstvo.

Otvaram raspravu

Vijećnik Mirza Bradarić, obzirom da smo iz CIK-a dobili ovaj akt vezano za razrješenje i imenovanje članova OIK-a u kojem stoji da su gospodin Elmira Mustabašić i gospođa Tatjana Tovarišić podnijeli pismene ostavke CIK-u na ovim mjestima i ispred koalicionog bloka mi prihvatamo ovu Odluku o razrješenju članova OIK-a.

Vijećnica Smajlović Dženita, Klub vijećnika SDA je suzdržan kod prijedloga Odluke o razrješenju članova OIK-a iz razloga što očito nisu navedeni pravi razlozi podnošenja ostavke od strane članova ove Komisije. Pošto je ova tačka vezana za treću tačku za Javni oglas za popunu OIK-a izjasnila bih se odmah da smo mi suzdržani i po ovoj tački dnevnog reda.

Vijećnik Safet Jašić, malo je čudno u ovo vrijeme kad je praktično predizborno vrijeme da ostajemo bez kompletne izborne komisije. Mi iz Kluba bi volili da vidimo zaista koji su to razlozi zašto ljudi, dočemo u jedan cajtnot s vremenom do izbora, hoćel se to sve provesti na vrijeme ili neće, a komisija bi već trebala da radi. Koji su to zaista razlozi? Znamo za ovu jednu članicu, ali za ovo dvoje nije mi jasno, možda smo trebali imati te njihove ostavke pismene pa da vidimo i da se odredimo da znamo tačno pravo stanje u izornoj komisiji. Ono što sam ja iz razgovora sa nekim od njih mogao doznati jeste, kaže da su čak nedavno tek plaćeni zakupi za privatne prostore gdje se održavaju izbori i da oni iz tog razloga kad su obavili razgovore sa vlasnicima da oni više ne dozvoljavaju i da će doći u pitanje u većini mjesnih zajednica koje nemaju vlastite prostore održavanje izbora. Sve to da zajedno riješimo ovdje i možda ljudi ili da ostanu ili da se ide u to, ali da radimo i ove stvari uporedno. Vrijeme će nas stići i nećemo završiti najvažnije stvari.

Predsjedavajuća OV, samo još jedno pojašnjenje, oni nisu ponudili svoje mandate u članstvo OIK-a na razmatranje, nego su podnijeli ostavke u OIK-u Centralnoj izornoj komisiji koja je nas obavijestila o tome. Nisu stavili svoje mandate na razmatranje nego su podnijeli ostavke.

Vijećnik Mirza Bradarić, obzirom da imam informaciju da vi kao Predsjedavajuća imate nekakav dopis od gospođe Tovarišić, da nam pojasnite konkretno šta je i da li u tim dopisima postoje konkretni razlozi zašto su oni dali ostavke.

Predsjedavajuća OV, ovdje nemam ništa gospođine Bradarić imam materijal koji je došao u sazivu za sjednicu OV.

Vijećnica Šefka Hasanić, Klub vijećnika je iznijeo stav, ja bih imala samo jedno pitanje prije nego većina donese Odluku o razrješenju članova OIK-a. Da nam se dostavi spisak osoba koje su angažovane na prethodnim izborima lokalnim 2016. Godine i potvrda da su im uplaćeni pripadajući iznosi ili naknade za rad na taj dan ili dva dana koliko su radili.

Vijećnik Josip Jurišić, ja ću se izjasniti vezano i za 2 i 3. Tačku. To je osobna stvar svakoga podnijeti ostavku na bilo koju funkciju, pa tako i na člana OIK-a. Ja tu ne vidim razloga zašto je ne bih prihvatio. O razlozima zašto su oni to dali, vjerovatno imaju svoje nekakve razloge. Nadalje ovo što je neko spomenuo malo prije, jest istina je da se ljudima nisu platili zakupi prostora po godinu dana i više. I u mojoj mjesnoj zajednici imate ćete problem gdje naći prostor upravo iz tih razloga.

Vezano za raspisivanje ovog javnog poziva, možda bi bilo dobro buduću da i Dragici Antolović ističe mandat krajem trećeg mjeseca, da bi možda u paketu odmah raspisivali i za to.

Predsjedavajuća OV, obzirom da ste načeli i treću tačku dnevnog reda u svojim diskusijama, kao dio ove informacije imamo i da gospođi Antolović 31.03. ističe mandat. Ovo Uputstvo koje imamo za imenovanje, nalaže da se 30 dana prije isteka mandata člana OIK-a mora donijeti Odluka o raspisivanju javnog oglasa, tako da je ovaj datum zapravo i odličan za raspisivanje javnog oglasa i da nije bilo ovih ostavki. Obzirom na ove ostavke, ako već raspravljamo i o toj odluci o raspisivanju javnog oglasa, onda ćemo raspisati javni oglas za članove OIK-a. Da li želite da nastavimo diskutovati i o drugoj i trećoj tački dnevnog reda?

Vijećnica Svjetlana Zamboni, Službi u Općini Maglaj, koja u svojoj nadležnosti ima i rad sa OIK-om sugerisala bih da još jednom po Uputstvu možda se sagleda mogućnost proširenja OIK-a na pet članova obzirom da općine gdje ima preko 20.000 registrovanih glasača mogu imati i pet članova OIK-a, mada znam da sada ide pročišćavanje ovih spiskova i koliko će se ljudi skinuti sa izbornih spiskova, ne znam da li je CIK objavio konačne brojeke, pa s tim u vezi kad se uđe u tu proceduru možda da se razmišlja i o tome koliko nam brojevi dozvoljavaju da imamo pet članova OIK-a opet naravno za sve moramo dobiti suglasnost CIK-a i kao što nalaže Uputstvo. Možda da idemo i na tu opciju da OIK broji pet članova, a ne tri, jer trenutna brojka čini mi se po statistici iznosi 20.300 i nešto registriranih birača, bez da je prečišćen spisak sa onima koji su umrli, a vodili su se još uvijek na posljednjim izborima. Jedna sugestija za provjeriti tu informaciju prije objavljivanja ovog oglasa ako već diskutujemo i o trećoj tački dnevnog reda. Gospođi Antolović ističe mandat 31.03.2017.godine, za to mjesto svejedno bi se objavljiao konkursa a za ova dva člana, kako reče gospodin Jurišić imaju pravo na svoje mandate podnijeti ostavku, pa se trebamo očitati i o tome.

Na sugestiju dopredsjedavajućeg OIK nije na vrijeme podnijela zahtjev na proširenje broja članova, broj je utvrđen već od strane CIK-a tako da općinu Maglaj slijeduju 3 člana OIK-a.

Vijećnik Nedžad Lokmić, u ime koalicionog bloka zamolio bih kratku pauzu nakon diskusija a prije izjašnjavanja.

Općinski načelnik, s obzirom da je pomunuto plaćanje zbog javnosti pojasniti. Situacija i ponašanje bivšeg načelnika je bilo tako da je se moglo isplatiti nekom za zakup a nemaš nikakvog papira. Da je se moglo kad sam došao tamo da se pojavi radnika grupa koji kažu mi imamo pravo na naplatu. Dajte mi jedan papir po kojem imate pravo niko nema papir. Evo ovdje čovjek sjedi i radio je i ja znam da je radio, ali se mora naučiti da postoji sistem. Jeste prijašnja vlast je bila takva, rekli su mi ćemo raditi šta hoćemo, ponašat ćemo se kako hoćemo, tako ćemo prostore zakupiti, tako ćemo isplaćivati ljudima naknade. Ne, ko god radi produženo, ovo je vid angažovanja tokom vikenda treba da dobije papir na kojem stoji kada se angažuje, u kojem periodu, kojim satima, koliko i na kraju da li će to naplatiti ili će biti preraspored radnog vremena. Toga niko nije imao. Dakle, nemaš papir nemaš novca. Imaš papir imaš novac. Svi koji su dostavili za zakupe njima je plaćeno. Skoro je bio jedan slučaj dostavljen je papir i plaćeno je. Ne možemo se igrati da se ponašamo ko kauboji. Mora se potpisati ugovor za koliko novca se daje prostor i u kojem periodu i na koji žiro račun će mu biti isplaćeno. To je suština svega. Nema kabadahijskog poslovanja, nego zakonskih poslova. Slijede izbori ove godine, svako mjesto koje bude biračko imat će papir i znat će se ko plaća i u kojem periodu plaća. Svaki uposlenik općinski koji bude angažovan znat će se na koji način će biti angažovan i šta ga slijedi za to. Da li ga slijedi preraspored radnog vremena pa će koristiti radne dane kao slobodne ili će dobiti novčanu naknadu. Čisto i jasno, a ponašanje hoću i mogu kako ja hoću kod mene ne može.

Vijećnik Safet Jašić, samo da kažem može se reći ispravka krivog navoda. Ni jedan načelnik, ni onaj ni ovaj sad ne treba da traže prostore gdje će se održati izbori. Niti su tražili. Za ovu stvar koliko ja znam je zadužena OIK. Nikad ni jedan načelnik nije tražio prostor, i nikad nije pravio nikakve mušefere, niti će ovaj praviti sigurno, prema tome nemojte skretati problem na neku drugu stranu. Ovdje je odgovornost OIK-a, kako je odradila, jel dobro odradila protekle izbore ili nije imat ćemo priliku možda i o izvještaju govoriti u nekom narednom periodu itd. U svom programu imaju da su oni obavezni da nađu poslovne prostore. Niko se nije ponašao kabadahijski, nema ni jedan načelnik vremena da se bavi ovim stvarima.

Općinski načelnik, ispravka krivog navoda. Nije mi jasno da neko može biti vijećnik skoro 20 godina i da ne zna osnovne stvari. OIK može naći prostor može ugovoriti sve, ali mora doći papir na osnovu kojeg se vrši isplata. Isplata iz Budžeta ne ide bez papira. Dakle, OIK nije odradio svoj posao, ako su isplate ranije bile na taj način nije ni načelnik odradio svoj posao. Članovi uposlenici Općine, nisu članovi OIK-a nego su uposlenici Općine. Ako su članovi OIK-a ona im isplaćuje i planira, a pošto su uposlenici Općine, a ne članovi OIK-a onda trebaju dobiti papir na osnovu kojeg će raditi u tom periodu i da se zna kako će biti nagrađeni.

Vijećnica Šefka Hasanić, replika je moje vijećničko pravo i molim vas da uvažavate to moje pravo. Nemate potrebe da pravite grimase, to je moje pravo i molim vas poštujujte ga.

Izašla sam vezano za repliku na izlaganje Općinskog načelnika. Evidentno je da su ti ljudi radili tih dana. Neko ih je angažovao, ko je neka odgovara. Ali i ti ljudi su bili, radili i imaju pravo na naknadu.

Pauza za koalicioni blok 5 minuta.

Vijećnik Mirza Bradarić, stav koalicionog bloka vezano i za 2 i 3. tačku dnevnog reda. Mi prihvatamo Odluku o razrješenju članova OIK-a Maglaj i prihvatamo i Odluku o raspisivanju javnog oglasa za popunu članova OIK-a. Isto tako moram naglasiti obzirom da je ovdje rečeno da će Komisija za izbor i imenovanje sprovesti ovaj postupak nakon

javnog poziva, ja mogu garantovati da će Komisija za izbor i imenovanje to odraditi legalno i zakonski sve po propisima.

Predsjedavajuća OV, zaključujem raspravu i prvo stavljam na glasanje ad.2. i predlažem

Z A K L J U Č A K

2.1. Donosi se Odluka o razrješenju predsjednika i člana Općinske izborne komisije Maglaj.

Glasalo 14 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Elvir Vehabović (SBiH), Hajrudin Ferić (DF) Mustafa Bešić, Kanita Bašić samostalni vijećnici, Josip Jurišić (HDZ).

Konstatujem da prijedlozi SDA nisu dobili potrebnu većinu.

Glasalo 11 glasova uzdržano: Adis Abdurahmanović, Nedžad Alispahić, Selma Avdić, Mirsad Bežić, Delić Edib, Hasanić Šefka, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić samostalni vijećnik.

Predsjedavajuća OV, dajem na glasanje ad-3 i predlažem

Z A K L J U Č A K

3.1. Donosi se Odluka o objavljivanju javnog oglasa za imenovanje članova i predsjednika Općinske izborne komisije Maglaj.

Glasalo 14 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Elvir Vehabović (SBiH), Hajrudin Ferić (DF), Mustafa Bešić, Kanita Bašić samostalni vijećnici, Josip Jurišić (HDZ).

Konstatujem da prijedlozi SDA nisu dobili potrebnu većinu.

Glasalo 11 glasova uzdržano: Adis Abdurahmanović, Nedžad Alispahić, Selma Avdić, Mirsad Bežić, Delić Edib, Hasanić Šefka, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić samostalni vijećnik.

AD – 4 Prijedlog Odluke o postupku, rokovima i uslovima/uvjetima provođenja izbora kao i utvrđivanju rezultata izbora za članove Vijeća mjesnih zajednica na području općine Maglaj;

Predsjedavajuća OV, za ovo tačku imamo i prijavljene goste za diskusiju, te ih molim da svoju diskusiju ograniče na tri minuta. To su gospodin Hasib Sejmenović, gospodin Jusufdbašić Munib i gospodin Hasanić Aziz, ali nakon što vijećnici završe sa diskusijama.

Otvaram raspravu

Vijećnik Mustafa Bešić, što se tiče ove Odluke, ja sam izašao i drago mi je što se odazvao veliki broj građana i predstavnika mjesnih zajednica. Ovo je za nas jako bitno za naš klub. Ovdje želimo da saslušamo sve ljude, da vidimo i donesemo najbolju odluku što je moguće. Ne bi želili da učestvujemo u nečemu što nije u redu i što je nelegalno. Znači naš klub će postupiti onako kad saslušamo sve ljude i najbolje rješenje ćemo naći. Javit ću se i kasnije.

Vijećnik Josip Jurišić, vezano za ovaj prijedlog Odluke, izašao sam i kao član grupe koja je bila obvezna da pripremi puno stvari vezano za mjesne zajednice, a ne samo ovu odluku. Imali smo tamo po stavkama 5 stavki, da analiziramo stanje, da vidimo gdje se to točno nalazi. Koordinator nam je bila šefica Službe koje sad ovdje nema. Ona je bila koordinator i onda smo trebali donijeti sveobuhvatno jednu odluku o cjelokupnom reorganiziranju mjesnih zajednica, a ne samo Odluku o postupku, rokovima, uvjetima provođenja izbora. Dakle, i kao član radne grupe dužan sam to reći ovdje pred svima. Od početka, samo je prvi sastanak protekao onako kako bi i trebao proteći jedan sastanak radne grupe, gdje smo se dogovorili ko šta, gdje i kako i zakazali novi sastanak i onda smo na novom sastanku trebali malo podijeliti ko će šta uraditi.

Međutim, već od tog drugog sastanka, odnosno trećeg se počelo razilaziti. Što se tiče ove same Odluke, istina je da sam u ovoj odluci, bitno drugačiju nego kakva je ovdje ja dobio od gospodina Ferića jer smo nas dvojica bili zaduženi da napravimo prijedlog našoj radnoj grupi ovu Odluku, pa da se poslije izjasnimo ko šta ima još reći i da ide odluka zajednička od svih članova radne grupe. Bila je nešto izmijenjena, nije bila ovakva ja sam dva-tri amandmana dao na tu odluku i u biti nemam ništa protiv te odluke i tad, međutim, kako je odmicalo vrijeme i do dana današnjeg se puno toga oko ove odluke, pa kad je išlo i u nacrt isprepretalo, opet zakonitost, nezakonitost. Ja se neću uplitati u zakonitost i nezakonitost mada bih mogao kao i svi i imam svoje mišljenje i pravo je usklađeno ili nije usklađeno sa zakonom. Mene što se tiče ovdje usklađeno sa zakonom možemo interpretirati i ovako i onako, ja bih opet volio da nam netko ko zbilja ima ingerenciju da kaže je li ovo usklađeno sa zakonom ili nije. Mene zanima, konkretno da mi netko pojašni ovaj član 12. stav 1. alineja 33. Statuta Općine Maglaj u kakvoj je vezi taj član i ta alineja 33 sa prijedlogom ove Odluke. Nadalje ono zbog čega ja neću prihvatiti ovaj prijedlog je slijedeće. Što je ovaj prijedlog odluke identičan kao i nacrt samo je u preambuli nešto promijenjeno, a dobili ste ovdje sve u materijalima koliko se mjesnih zajednica izjasnilo po pitanju nacrta. Ja ću samo napomenuti mjesnu zajednicu iz koje ja dolazim to je MZ Radojčić. Pogledajte tamo koliko je prijedloga stiglo na nacrt, ništa uvaženo nije. Ništa. Nadalje, javna rasprava ljudi

su došli ovdje 25-30 km udaljeni, sjedili iznosili prijedloge i opet ništa nije prihvaćeno niti jedna sugestija. I samo iz tog razloga, neću se toliko upuštati u zakonitost i nezakonitost, ali volio bih da mi neko tačno kaže je li zakonito ili nije. Mene malo više smeta sama procedura ovoga kako je stigla na OV ova Odluka i ne uvažavanje 15 mjesnih zajednica apsolutno ništa. Naravno neke su samo rekly mi se ne slažemo i završena priča. Međutim iz moje MZ je došlo puno prijedloga tzv. amandmana gdje bi se moglo ovo poboljšati. Ništa nije usvojeno i ne vidim razloga da podržim ovo.

Vijećnik Hajrudin Fermić, nakon pet mjeseci mi treba danas da damo konačnu odluku o prijedlogu ove odluke. Da kažemo šta mislimo o njoj. Za ovih pet mjeseci zaista je bilo nekoliko faza kako reče kolega Jurišić, koje su pratile sam tok izrade, rasprave, utvrđivanja konačnog ovog prijedloga. Ono što je meni simptomatično je zapravo uloga Službe za društvene djelatnosti i opću upravu, odnosno osobe koja vodi tu Službu i koja je bila član ove mješovite radne grupe. Ovo govorim, zato što prvo danas bez obzira da li je opravdano ili ne opravdano, nije prisutna, ali bi mogla puno toga da pojasni i da kaže ili na kraju krajeva da iznese mišljenje, pa i mišljenje o ranijim iskustvima kada je u pitanju ova oblast što bi jako puno značilo. Ovo što je Jurišić primjetio je u preambuli zaista simptomatično da je to radila stručna služba i radila stručna osoba i da je čak i nakon intervencije Komisije za propise da promijeni preambula imate u mišljenju u svim onim stavovima na kraju, to nije učinjeno tako da stoji ovaj član 12. koji apsolutno nikakve veze nema sa ovom odlukom, a imate dole u obrazloženju koja preambula treba da stoji, šta je Komisija za propise, statutarne pitanja utvrdila i predložila općinskom vijeću. To je jedno od onih pitanja koje je zaista simptomatično.

Drugo pitanje, tu su ljudi koji su učestvovali vidim tu su i gospodin Aziz Hasanić i Munib Jusufbašić, Josip, ja, Jasminko Kapić i doktor Vehabović. Na prvoj sjednici te mješovite radne grupe zadatak je bio predstavnika stručne službe, odnosno koordinatora te mješovite radne grupe da nam za narednu sjednicu dostavi sve propise koji regulišu pitanje funkcionisanja mjesnih zajednica. Ono što smo dobili za narednu sjednicu je bilo: Izvod iz Ustava FBiH, Zakon o principima lokalne samouprave, Izvod iz Statuta Općine nekoliko članova, Statut MZ i to je sve. Ono što je kasnije ponavljano na jednoj od ovih sjednica mješovite radne grupe, pitali smo zašto nam nisu dostavljeni svi akti. Odgovori su bili svakakvi, nemamo, u poplavama je, ne znamo gdje je itd. Svi akti koji ovo regulišu. Međutim, igrom slučaja ja sam uspio da prikupim ama baš sve kad se tiče ove pravne regulative funkcionisanja mjesnih zajednica i zbog toga stojim čvrsto iza ovoga što ću reći. Imam pisani materijal i ja bih da ga iščitam.

Već duže vrijeme postoji prisutan problem funkcionisanja mjesnih zajednica kao oblika funkcionisanja mjesne samouprave gdje mještani kroz n/m i svoju MZ treba da rješavaju zajedničke probleme i unapređuju svoj život od komunalnih, infrastrukturnih, građevinskih, socijalnih, bezbjedonosnih, kulturnih i tradicionalnih vrijednosti. Ovako važan segment funkcionisanja ustavno pravnog i političkog sistema se decenijama ubijao i marginizirao, tako da višim nivoima vlasti uglavnom pasivizacija građana u mjesnim zajednicama odgovarala jer su mimo konsultacija sa građanima mogli sami da kupuju podobne i poslušne glasače, da provode svoje ciljeve i vrše ulaganja u odabrane, često preko svojih aktivista na terenu i da peru novac. U većini mjesnih zajednica postojalo je pitanje prestiža i mjera sposobnosti rukovodstva mjesne zajednice, koliko je ono blisko aktuelnoj općinskoj ili kantonalnoj vlasti, ili nekom drugom od ministarstava na bilo kom nivou. S druge strane pojedinci, građani su ignorišući ovakve redovne puteve, dijaloge i komunikacije, preskakali i nejaka, ili korumpirana rukovodstva mjesnih zajednica i pokušavali su građane ličnim, pisanim ili ne pisanim komunikacijama da realizuju svoje potrebe sa višim organima vlasti. Tako i u Maglaju. Uz dužno poštovanje dugogodišnji rukovodioci mjesnih zajednica a ima ih i po deceniju i po na čelu su nekako obavezno bili i bliski vladajućoj strukturi na općinskom i kantonalnom nivou, ali što je interesantno kapitalni projekti koji su vođeni u ovim mjesnim zajednicama se takođe vode godinama, pa i decenijama gdje se investiraju sredstva od nekoliko desetina do nekoliko stotina hiljada KM, a konačnog rezultata za mještane nema. To se odnosi prije svega na pitanja vodosnabdijevanja, putne infrastrukture, kanalizacije, ulične rasvjete i sl. Ono što je važno naglasiti da i mještani uglavnom učestvuju svojim radom i sredstvima u sufinansiranju i to sa povisokim ulozima, a takvih je bezbroj primjera. Ne treba pominjati da su u najvećem broju rukovodstava mjesnih zajednica u posljednjem krugu izbora, uglavnom onom krugu iz 2014. Godine rukovodstva izabrana u drugom ili trećem krugu. Takvi su Liješnica, Kopice, Kosova, Bradići, Ulišnjak, Brezove Dane, Novi Šeher, Čobe, a kasnije 2016. Godine Jablanica, Bijela Ploča, Moševac i sl. Radi javnosti i nas samih tako je u Novom Šeheru 3,2% ukupnog broja građana ove mjesne zajednice koji imaju pravo da biraju izabralo rukovodstvo mjesne zajednice sa 53 glasa od 1524 koliko ih ima pravo glasa. U Liješnici je 2016. Godine 3,5% birača izabralo rukovodstvo mjesne zajednice, a u Čobama i Kosovi oko 6%. Ove brojke iznosim samo da se kao argument legitimnosti ovih izbora dovedu u pitanje. Zamislite da na općini Maglaj na predstojećim izborima izađe na glasanje 615 birača, procentualno kao što je to u Novom Šeheru i glasa za 600 kandidata za Skupštinu kantona, 200 kandidata za Parlamentarnu Skupštinu BiH, 200 u Parlament FBiH i desetak kandidata za članove predsjedništva. Nas 600 građana mogu da biraju i da sasvim legitimno mogu da budu priznati ti izbori. Prema demokratskim standardima svijeta i prema važećem zakonodavstvu rezultati su važeći i u ovakvom slučaju i to niko ne osporava.

Dakle, ova predložena Odluka koja je na dnevnom redu predviđa faktično priznavanje postojećeg stanja u pogledu odziva građana i ukida koncenus od 10% prisutnih za punovažno odlučivanje o izboru. Ponavljanje izbornog zbora postala je uglavnom praksa u svim većim mjesnim zajednicama, a pod većim podrazumijevam one koji imaju 500 i više punoljetnih građana i u onim gdje su mjesna područja geografski nešto udaljenija jedna od drugih. Izbori po ovako važećem modelu, dakle ovom postojećem podrazumijevaju više vremena, traže više finansijskih sredstava, traže više energije pa i više nerava. Izbori po ovako važećem modelu traže i veću partijsku disciplinu i napore i da se ne lažemo i to onih jakih partija u tim mjesnim zajednicama, a čast izuzetcima. Da je to samo po sebi nepravda prema

onima koji nisu stranački simpatizeri velikih partija govore niz primjera od Kopica do Kosove od Bradića do Oruča. Nedorečenost Statuta mjesnih zajednica. Statut mjesne zajednice u članu 19. kaže: „Građani na zboru biraju i opozivaju članove Vijeća mjesne zajednice.“ Odredba koja faktički generiše pasivnost, tromost, nerad pojedinih članova jer je rijetkost ili nikako prisutnost prešla u stvarnom životu što čini rad Vijeća MZ krnjim, ili ga nema. Ako hoće da se neko opozove, ako hoće neko da se smijeni, ako hoće neko da se kooptira mora se sazvati Zbor. To je regulisano i članom 23. stav 4. Statuta mjesne zajednice. Član 20. stav 3. u MZ Kopice, koliko imam informacija provedeni su prije nekoliko dana izbori za organe mjesnih zajednica. Mene zaista interesuje da li je ispoštovana statutarna odredba člana 20. stav 3. Statuta mjesne zajednice da su izbori vršeni u koordinaciji sa nadležnom službom. Izbori se moraju vršiti u koordinaciji sa nadležnom službom. Član 30. Statuta izbor članova Vijeća mjesnih zajednica vrši se na zboru građana javnim glasanjem ili pismenim izjašnjavanjem. O predloženim kandidatima glasa se onim redoslijedom kojim su predlagani, a izabrani su oni kandidati koji su dobili većinom glasova prisutnih građana na zboru ako imaju pravo glasa. Fantastična stvar za manipulacije koje su se dešavale i dešavaju. Predsjednik koji vodi taj zbor predloži svoje ljude i onda poslije toga da riječ onom kome on želi i koji također predlaže i poslije ljudi glasaju za tih 5,7 ili 10 kandidata, a da se ne glasa poslije i to se zaista dešava u većini mjesnih zajednica. Dakle, o predloženim kandidatima glasa se onim redoslijedom kojim su predlagani. Predsjednik svoju funkciju koristi i predlaže prvi. Tako je bilo, pa između ostalog i u Misurićima. Član 35. Pogledajte ovog apsurdna inicijativu za provođenje postupka opoziva predsjednika/ca, zamjenika predsjednika/ca, članova vijeća MZ može pokrenuti zbor građana i najmanje 10% birača od ukupno upisanih birača u birački spisak MZ. Dakle, ovamo biramo sa 50 ili 30 ljudi koji su prisutni na zboru, a da bi se pokrenuo postupak treba da bude 10% od ukupnog broja. Zar nije malo apsurdno, smiješno i nelogično u postojećem Statutu MZ. Pogledajte mogućnosti između faktičkog stanja 3,2 i 10%. Tajno glasanje posebno poglavlje. Da bi se ove manjkavosti izbjegle, predložena je odluka koja je pred vama. Tajno glasanje je najdemokratskiji čin svugdje i svagda i mi trebamo težiti tome. Imamo odgovornost da građanima u datoj sredini konkretno MZ omogućimo stvarnu slobodu i kandidovanja i slobodu odlučivanja onima u koje vjeruje i za koje smatra da su sposobni i hrabri i da se bore³ za svoj kraj i interese svog kraja i građana. Tajno glasanje demokratsko dostignuće u skoro svim općinama FBiH, bez obzira u kojem dijelu se nalaze ili gdje je većina. Da li to bili Bošnjaci većina, Hrvati ili Srbi. Od 79 općina u FBiH u više od 60 je sistem tajnog glasanja. Ja ću pobrojati samo neke Velika Kladuša, Orašje, Busaž, Živinice, Konjic, Gradačac, Kakanj svih devet općina sarajevskog kantona, Bihać, Zenica, Široki Brijeg, Busovača.

Predsjedavajuća OV, Mislim da je gospodin Bešić u svom izlasku bio vrlo jasan da ljudi žele da saslušaju argumente i jednih i drugih. Obzirom da se radi o Odluci koja se tiče najniže jedinice lokalne samouprave mislim da joj trebamo posvetiti dugo vremena. Gospodin Fermić je zamolio za malo više vremena kako bi mogao iznijeti sve stavove.

Vijećnik Hajrudin Fermić, pravni osnov ono što je možda najvažnije Zakon o principima lokalne samouprave u vlastite nadležnosti jedinice lokalne samouprave utvrđuje da je posebno dakle, spadaju u nadležnosti: uspostavljanje organizacije mjesne samouprave. Isti Zakon daje ovlaštenje i Općinskom vijeću da donosi odluke o organizaciji mjesne samouprave. Statut MZ mora biti u skladu sa Statutom jedinice lokalne samouprave. Statut jedinice lokalne samouprave, Statut Općine Maglaj u članu 102. kaže: „Vijeće ima pravo raspustiti Vijeće MZ ili razriješiti dužnosti predsjednika vijeća, raspustiti izabrane organe MZ, naložiti izbor novih organa MZ, ako utvrde da rade suprotno zakonu, ovom statutu, Statutu MZ i drugim pozitivnim propisima. Ukoliko usvojimo ovu odluku ona je pozitivni propis.

U pravu je gospodin Jurišić, zbog toga ću predložiti samo neke izmjene, odnosno dopune ove odluke. U članu 3. Ove Odluke koja je tu, umjesto riječi „obavezno“, treba da stoji u „pravilu“. Član 5. Ukupan broj članova vijeća MZ i broj članova vijeća po mjesnim područjima utvrđuje se shodno odredbama člana 99. Statuta Općine Maglaj. Izborna komisija i dalje taj tekst slijedi. Član 6. Stav 3. Mandat članova izborne komisije traje koliko i aktuelni saziv OV Maglaj. Član 7. Stav 1. Izborna komisija treba brisati u stavu 1. „imenuje biračke odbore“, a umjesto njih, njihov definisati izdaje uputstva za rad biračkog odbora. Dodati stav 2. Koji glasi funkciju biračkog odbora obavlja radno predsjedništvo izbornog zbora građana MZ. Radno predsjedništvo se bira shodno odredbama Statuta MZ. Dodati stav 3. Koji glasi: „Izborna komisija će u Uputstvu utvrditi mehanizam osiguranja provedbe principa o nacionalnoj i mjesnoj zastupljenosti. Dodati član 4. Članovima biračkog odbora pripada naknada za rad u odboru. Visinu naknade određuje Načelnik općine. Član 8. Koji glasi“ izbori za članove vijeća MZ provode se na zboru građana sa statusom izborni zbor. Član 11. U stavu 1. Nakon riječi „za mjesno područje“ dodati riječi po abecednom redu prvog slova prezimena kandidata. Član 16. Dodaje se stav 2. Koji glasi“ članovi izborne komisije nakon provedenog postupka izbora sačinjavaju zapisnik kojeg i potpisuju najmanje dva člana izborne komisije moraju prisustvovati cjelokupnom izbornom postupku. Član 22. Mijenja se i glasi: „U roku od 30 dana od dana stupanja na snagu ove Odluke“ i to su prijedlozi izmjena i dopuna ove odluke, a ja sad dodatno predlažem odluke koje bi išle uz ovu odluku ili jedna odluka. Da se izbori u organe mjesne zajednice provedu za sve mjesne zajednice u periodu od 13. do 28. aprila 2018. Godine. Da funkciju Izborne komisije obavlja Komisija za izbor i imenovanje OV Maglaj, kao i predstavnik SDA koji bi ušao u tu komisiju i predstavnik općinske administracije koju odredi Općinski načelnik. Da izborna komisija u roku od 30 dana pripremi Uputstvo za rad biračkih odbora i isti dostavi predsjednicima Vijeća MZ. Da rukovodstva MZ kojima je istekao ili ističe mandat do dana održavanja izbora za organe MZ nastavljaju sa radom do provođenja novih izbora, a da zbog statutarnih odredbi sva vijeća MZ kojima ističe mandat u periodu nakon datuma objavljivanja izbora, također podliježu odredbama ove Odluke.

Vijećnik Edib Delić, ja sam kao predsjednik Vijeća MZ Moševac i kao vijećnik imao potrebu da se uključim u ovu tačku dnevnog reda, jer se ona direktno tiče kako mene, tako i mojih građana. Od samog nacrtu ove Odluke bio sam

aktivno uključen davao prijedloge i određene sugestije, međutim one nisu pile vode koliko vidim u ovoj Odluci koja je nama ponuđena kao prijedlog danas. Ja sam učestvovao također aktivno u javnoj raspravi na kojem je bila odlična posjećenost. U prijedlogu ovog materijala imamo zaključke svih mjesnih zajednica koje su imale obavezu da dostave svoje prijedloge, međutim poslije svega toga pitam se valjda će se neko udostojiti da odgovori na ovih par postavljenih pitanja.

Mene zanima šta je javna rasprava, da li je to zakonska odredba ili je to samo pro forme radi da se održi i da se njeni rezultati ne uzmu u obzir prilikom donošenja konačnog akta.

Da li ćemo mi eventualnim usvajanjem ove Odluke riješiti sve probleme u mjesnim zajednicama? U samom izlaganju ja se moram osvrnuti na kolegu Fermića koji je ovdje vas zabacao nekim malim procentima oko izbora u MZ, to je činjenica da je u skoro svim MZ mali odziv prilikom biranja tijela u MZ. Zaboravio je činjenicu da je on isti na proteklim izborima imao oko 120 glasova i kao takav ušao u Vijeće u kojem sad sjedi. I što je gora tragedija postavljen je za podpredsjednika ovog vijeća. I on sad došo ovdje i nama drži predavanje. Evo desna strana vijećnika svaki pojedinačno ima više glasova nego njegova politička partija koja je osvojila glasove na ovim lokalnim izborima. Ja ovo moram reći jer govorim u okviru ove tačke. Hoću da povežem da je gospodin Fermić idejni tvorac ove odluke. Ja sam to rekao i na javnoj raspravi koja nije po meni nije trebala ni da se održi. Gubimo vrijeme, gubimo sve ostalo 15 ili 14 mjesnih zajednica je dostavilo svoje prijedloge, a ni jedan prijedlog nije ušao u sastav ove Odluke. Znači iz samog ovog proizilazi činjenica da je đaba rasprava i održana. Niko ne prihvata ništa, a ovdje se ubismo hvaleći kako je ovo javan rad, kako je transparentan rad, kako je zakonit rad i sve ostalo. Ne stoji gospodo. Vi mene tjerate da ja radim u svojoj MZ. Ja neću čekati da me neko odavdje iz Maglaja natjera kako bi ja radio u svojoj MZ. Evo vam problem ne radi MZ Maglaj-grad, pa što se niste posvetili njoj. Godinama ne radi, pa sprovedite ovu Odluku ovdje pa izaberite ljude ovdje. Niko ne spominje glavni problem, nego daj gurajte i da se slome i one MZ koje imalo rade. Uvodite politiku u MZ, što je katastrofa. Nema politike u MZ svim, MZ treba da bude interes MZ u kojoj žive i rade, to treba da bude interes a ne hoćel u vijeću biti član SDP, SDA, DF ili SP/U. Pogrešno razmišljamo idemo u pogrešnim pravcima. Nemojte misliti da se mi bojimo izbora u MZ, niko se ne boji, nego samo tražimo zakonitost u donošenju odluka. Niko ne kaže da je idealan Statut MZ, uvijek se može popraviti i može se doraditi, ali se on mora uskladiti sa Statutom Općine. Ne sa Odlukom, a nek Statut Općine ostane kakav jest, ne može tako. Nek neko se opredijeli da li ćemo izbore u MZ provesti u skladu sa Izbornim zakonom ili sa Zbora građana. Ovdje ova Odluka ne može nam to reći samo nas zbunjuje. Do jednog člana je Odluka takva, do drugog je drugačija. De usaglasite se, ponudite nam kvalitetan dokument i de odradite one stvari koje trebaju da se odrade u skladu sa pozitivnim zakonskim propisima. Mi ništa drugo nećemo. Ša idemo korak unaprijed, donesemo odluku, ja kao predsjednik Vijeća MZ imam obavezu u roku koliko se dogovorimo ponudim ove promjene Statuta na zboru, šta ako zbor ne prihvati ove promjene, šta ćemo onda. Onda ćete opet reć eno iz izlobirali ljude neće da se provede. Hoćel bit tako, hoće. Nemojte nas tjerati, hoćemo ovdje, ja se slažem da ima problema u MZ, ali ovo nije način i postupak kako se trebaju rješavati ti problemi. U startu idemo pogrešnim putem, pokazuje javna rasprava na kojoj smo svi bili prisutni. Evo vidim ima kolega mojih i iz drugih MZ pa će i oni reći neke stvari kako se kod njih radi u MZ. Najlakše je kritikovat a niko neće da stavi se u poziciju onih ljudi koji crnče i koji rade za dobrobit svoje MZ. Ja bih bio najveći idiote kad ne bih radio za interes i boljitak svoje MZ. Ne treba me niko sa strane tjerat. I to smo pokazali svojim dosadašnjim radom da hoćemo raditi samo tražimo normalan odnos po vertikali i ništa više.

Vijećnik Hajrudin Fermić, ispravka krivog navoda. Već sam ranije negdje čuo da sam dobio 120 glasova, samo da ispravim dobio sam 197 glasova. Želim da ispravim krivi navod, dakle nije tačno sa prijedlozima koje sam na kraju iščitao uvrštene su primjedbe koje su došle iz MZ Jablanica, Radojčić Rakovac i Kosova. Sa ovim što vi niste slušali valjda se pripremali za ovo da me napadnete. Što se tiče Statuta Općine, ja bih samo volio da kažete šta u tom Statutu nije u redu. U Statutu Općine kaže da se izbori za organe MZ obavljaju na Zboru, a ovdje u ovom prijedlogu što sam iščitao zbor se saziva koji ima funkciju izbornog zbora i zaista mi nije jasno šta je to u Statutu što je drugačije rećeno.

Vijećnik Edib Delić, replika ja znam da je Fermić ovo dobro iščitao i da on vješto manipuliše zbog javnosti. Hvata se članova Statuta koji mu pašu. Al evo šta kaže član 100. Kojeg niko ne spominje nigdje. Kaže Vijeće MZ biraju građani sa područja MZ koji imaju biračko pravo i prebivalište na teritoriji MZ. Izbor članova Vijeća MZ vrši se na Zboru građana u skladu sa Statutom MZ. Dalje mandat traje 4 godine. Za članove Vijeća MZ mogu biti birani građani sa prebivalištem na području MZ, upisani u birački spisak iz MZ i kaže zadnja stavka, ostala pitanja o načinu i postupku izbora za članove Vijeća uredit će se Statutom MZ i u skladu sa ovim Statutom, misli se na Statut Općine. To mi tražimo, da se promjene koje trebaju se izvršiti u Statutima MZ to uradi i u Statutu Općine i ništa više.

Vijećnica Šefka Hasanić, u izlaganju kolega Jurišića i gospodina Fermića imali smo konstataciju da član 12. Stav 1. Alineja 33. U preambuli ove odluke nema veze sa temom ove Odluke. Međutim, ni jedan ni drugi nam nisu ponudili rješenje šta je alternativa ovom. Znači utvrdili smo već u startu da to nije u skladu sa zakonom. Ono što ću još navesti ova Odluka nije u skladu sa članom 28. Zakona o principima lokalne samouprave, gdje se kaže da je mora poštovati najviši akt Općine a to je Statut Općine, a sve ostale odluke i statuti moraju biti usklađeni s tim. Ova odluka u ovom slučaju usklađena sa Statutom Općine. Kada budemo imali konstruktivan prijedlog, ja vjerujem da će i Klub SDA podržati izmjene Statuta i zaista postavljam zašto se nije krenulo u izmjene Statuta Općine i da i to bilo zakonito. I Klub SDA će podržati ako budemo imali dobar prijedlog izmjena Statuta Općine. Napominjem da je Statut koji je donesen i koji je važeći donesen sa 25 glasova, znači svih 25 vijećnika je glasalo za taj Statut. Imamo mišljenje Službe, imamo napisano u materijalu tok javne rasprave. Mišljenje Služba je kontradiktorno sadržaju odluke. Da li je Služba ta koja nama treba reći da li je ovo zakonito ili ne. Služba je predložila niz koraka koje smatraju da su zakoniti, da bi ova odluka ugledala svjetlo dana. Služba je predložila 5.000 KM za rad Izborne komisije koja će provesti izbore

u MZ. Gospodo to je 5.000 KM za izbore, to je novac budžetskih korisnika i sredstva od 5.000 KM su za izbore veća nego finansijska sredstva koja Općina dodjeljuje bilo kojoj MZ, a svi kažemo MZ trebaju raditi, rade, ne rade, dodjeljujemo ili predlažemo da se dodijeli 5.000 KM ne dodijeli se ni jednoj MZ 5.000 KM u toku budžetske godine.

Vijećnica Ermina Muminović, ja sam htjela pitat oko člana 10. Malo mi je nejasno. Prava kandidovanja članova vijeća imaju građani sa prijavljenim mjestom prebivališta u konkretnoj MZ, predstavnici udruženja građana i nevladinih organizacija kao i politički subjekti koji djeluju na području općine Maglaj. Da li to znači da u MZ mogu biti i imaju pravo bilo ko sa područja općine Maglaj, koji djeluje na području općine Maglaj?

Vijećnik Hajrudin Fermić, samo da repliciram kolegi Deliću da se politika uvodi na mala vrata. Ja imam pred sobom jedan plakat Vijeće MZ Ravna obavještava mještane da će u utorak 13.02. u 18 sati održati se sastanak u zgradi MZ, a sastanku će prisustvovati predsjednik SDA gospodin Muhamed Osmić. Pozivamo sve građane itd.

Što se tiče ovog odgovora naravno da imaju pravo svi politički subjekti, udruženja građana, nevladine organizacije da predlažu koji su registrovani na području općine Maglaj, da predlažu naravno one kandidate koji imaju prebivalište u konkretnoj mjesnoj zajednici osim građana koji žive u toj mjesnoj zajednici.

Vijećnica Ermina Muminović, vezano za plakat. Jeste to je bio ogranak SDA i bio je predsjednik SDA Muhamed Osmić. Uopšte nije bio izbor članova Vijeća MZ. Kada je bio izbor članova vijeća MZ Muhamed Osmić nije bio prisutan, čak nije ni bio u gradu Maglaju.

Vijećnik Mustafa Buljubašić, prvo što se tiče ovog materijala sav sam iščitao. Da bi se proturilo nešto što treba da se proturi. Ja mislim da sam ovdje najstariji i mogu vam reć rad MZ kad nismo imali dovoljno pismenih ljudi pravili smo kanalizacije, vodovode, asfalte sterali i ostalo da bi danas kazali da su ljudi u ovom vremenu nepismeni, ili oni pismeni ne daju ove rezultate, pa tako i ovaj materijal koji sam ja pregledao. Ovaj prijedlog Odluke mi se ovdje pod tačkom 2. Kaže da se odluke donose tajnim glasanjem, pa evo mi ovdje sve odluke donosimo javno. Šta je to jače Vijeće MZ ili zbor nego OV. Pa sv e donosimo ovdje javno, nema nikakvog straha i dobro je da se ide javno, a ne da to ide tajno pa ćemo mi onda raditi kako mi hoćemo i ko će sve predlagat i ko će u koje tijelo otići. Radi toga je to tajno. Ovo što sam ja zapazio ovdje po ovoj tački smo raspravljali na prošloj sjednici OV i dato je da ovo ide u javnu raspravu. Javna rasprava se morala prihvatiti onakva kako su ljudi htjeli da bude. Htjeli su da bude tako. Molim vas ako mora Statut MZ biti usaglašen sa Statutom Općine, onda i općinski mora biti s kantonalnim itd. Nema od toga posla, ovo su najniži oblici u ovom društvu i naravno da oni trebaju da iznesu ono. Ko je to mogao skupiti više od 10% glasova u MZ, vi znate kako je svijet nezainteresovan, u kakvim uslovima živi, ne interesuje ga više ništa samo da preživi i vi ćete sad postaviti da to nije legalno. Kad neko sazove jedan i potroši pare, ko će platiti drugi zbor, treći itd. A onda ćemo ići pa koliko dodje. Oni ljudi koji su došli oni su zainteresovani da rade i oni trebaju da biraju, oni koji nisu došli ne možemo mi to ponavljati. Svaki sastanak takav ima određene troškove. Ako se na javnoj raspravi nisu uvažile primjedbe i prijedlozi predstavnika MZ onda je postojao veliki razlog da ova tačka ne ide u dnevni red. Ako se u prijedlogu ništa nije promijenilo i uvažilo, a tako je bilo. Imali smo javnu raspravu i ona je trebala da bude, bila je i pokazala je nešto sasvim drugo od ovog ovdje. Koliko znam na ovaj materijal je primjedbe dalo 14 predstavnika i 14 MZ, znači nisu prošle, nisu uvažene, šta radimo mi hoćemo da nešto silujemo. Bojim se da ovaj način ne dođe do nesuglasica među samim mještanima u MZ, pa da nam bude kasno ispravljati krive navode. Lokalna zajednica treba da učestvuju građani sa punom slobodom sa što manje uplitanja politike, što nije slučaj. Rezultat ovog materijala tek će se vidjeti u samoj provedbi u vremenu koje dolazi i na terenu, pa će oni predlagači ovog materijala imati priliku da vide, dokle su došli, gdje se nalaze jel ispravno ono što su predlagali. Vidio sam i osjetio kako se to misli uraditi i sad tvrdim onda će biti problema. Sve je po zakonu, a moram ovo da kažem a ipak zakone donose ljudi i mijenjaju ih, niko drugi. Ljudi ga donesu vide da ne valja i ljudi ga promijene. Ako je neko dao ovaj prijedlog ljudi ga ne prihvate velikom većinom, treba da ga promijenu, u čemu je tu problem. Ja mislim da tu nema problema. Ja kao neovisni vijećnik ovaj prijedlog neću prihvatiti i ovdje se izjašnjavam, jer mi ništa ne garantuje bolje, samo mi garantuje gore i ono što me je strah da ne pokvare međuljudske odnose u samim MZ. Tvorac ovog materijala imat će priliku da ovim procentima o kojim je govorio sa prethodnih izbora, govori i u narednim sjednicama kad se provedu ovi izbori koliki su procenti i koliko je ljudi učestvovalo. Da vidimo jel tu trebalo nešto novo tražiti ili je trebalo ovo prihvatiti. Kad je predlagač toliko pametan, zašto nema organa MZ u dijelu grada ili u gradu gdje on živi, a živi godinama i oni koji to podržavaju. Pa se onda dešava da na MZ ruralnog područja ljudi moraju dati marku na marku za put, za vodu, za kanalizaciju itd. Ovdje nema MZ država njima treba napraviti sve itd. Ne mislim da na ljude nego na zakon koji to dozvoljava da se radi. Eto šta nam to donosi. Predlažem da kad krene i ako krene izbor organa u MZ pod 1. Da vidimo sad imamo snage, vijeće predloži i prihvati ovaj prijedlog, da prvi skup MZ i izbor vijeća bude u gradu MZ Maglaj-grad, koja će dat sigurno upute i savjete kako će biti i u drugim MZ, onda ćemo vidjeti koliko vrijedimo. Pustite MZ koje rade da rade, nemojte u njih unosit smutnju. Tamo ne treba politike, tamo se ljudi znaju i poštuju i ne pitaju ko je koja stranka, međutim mi ih tjeramo na podjele. Dosta je podjela.

Vijećnik Hajrudin Fermić, poslovnička intervencija, obzirom da je došlo na neki način do zabune što se tiče ovog materijala gospodin Jurišić je pomenuo evo i vi sad pominjete. Dakle, ovo što smo mi dobili u sazivu to je onaj sirovi friški materijal koji je izašao sredinom decembra. Nakon toga je provedena javna rasprava i uz taj sirovi materijal mi smo danas dobili i sve što se tiče prijedloga, sugestija i primjedbi sa javne rasprave. Mi imamo danas potpun materijal, imamo sirovi prijedlog, imamo ovo što je poslije toga došlo sa javnih rasprava i tu i jesmo da uvažavamo argumente i da govorimo koji su to na javnoj raspravi argumenti, činjenični dobri, važni da dopunimo ovu odluku kako treba a koji nisu. Ovo što je gospodin Jurišić iznosi da su to one određene primjedbe u odnosu na sirovi materijal sa mojim prijedlogom dajem konstruktivan prijedlog, predložio sam uvažene su između ostalog sve konstruktivne primjedbe koje su došle sa javne rasprave. I MZ Radojević, Jablanica, Kosova, a isto tako i Bijejele Ploče. Između ostalih znam da

su uvažene sve. Mi sad raspravljamo o tome kako da na osnovu javne rasprave, naših mišljenja i političkih stavova da ovu odluku izbrusimo i bude kako treba.

Vijećnica Ermina Muminović, slažem se da bi trebali raspravljati o izboru članova vijeća MZ. Međutim, ja sam izašla postavila pitanje po pitanju člana 10. Vi ste odmah pomenuli moju mjesnu zajednicu i ogranak SDA, mislim da nije u redu, nije korektno.

Vijećnik Elvir Vehabović, pokušat ću da neke detalje sumiram i kažem svoja zapažanja. Broj glasova ko će ući u OV određuje CIK, na osnovu izbora kaže se koji je prag i kako ko može ući u OV. Hoćel neko proći sa tri glasa ili tri hiljade to se ne zna. Postoje pravila igre. Ja bih najviše volio da na slijedećim općinskim izborima izađemo svi ko pojedinci, da nas ne gura nikakva stranka, partija, savez ili nešto slično, pa da se pred svoje mještane imenom i prezimenom, pa da vidimo koliko će ko imat glasova, pa nek onda ljudi broje glasove. Da ne idemo sa zastavama političkih stranaka bez obzira koje stranke. Onda možemo baratati koliko ko od nas lično vrijedi, a koliko ne vrijedi. Kažu ovdje kad su izvještaji MZ to je teško raditi, to ne može se raditi, to nije, to mi ne možemo, to mi vako, to mi nako, ja kad nešto ne mogu odradit podnesem ostavku. U čemu je problem? 15-20 godina jedni te isti ljudi govore da se ne može raditi, podnesete ostavku izađete. Bio sam predsjednik UO NK „Natron“ kad mi je nestalo para u džepu podnio ostavku. Bio član NK „Vis“ Kosova, kad sam vidio da to nije to, podnio ostavku i izašao. Kad nešto ne ide, kad nam je nešto teško podnesemo ostavku ima neko drugi će doći. Nemojte kukat na izvještajima da vam je teško a ovdje se toliko borimo za to. Šta je problem što će se izaći i glasat tajno glasat, ne razumijem. Problem 5.000 KM, evo za ovom govornicom ako nema u Budžetu, pošto ja svoj vijećnički paušal dajem svojoj MZ obezbijedit ću i tih 5.000 KM za provođenje izbora, ako je problem 5.000 KM.

Vijećnik Edib Delić, ispravka krivog navoda – ja moram replicirat doktoru, nije tačno da on svoj paušal daje mjesnoj zajednici Moševac.

Vijećnik Elvir Vehabović, replika – gospodine Edibe Deliću MZ nisam mislio na Vijeće MZ i rukovodstvo, nego na svoje selo koje se zove MZ Moševac, a ne na rukovodeće organe. Ja svoj novac dole ulažem, pa uložio sam fino i ne kajem se zbog toga i uložiti ću još. Znači ne dajem MZ, nego novac dajem svom selu a ne organima uprave, dajem svom narodu. Pa to svi znamo, kad se kaže MZ, ja nisam rekao dajem vijeću ni predsjedniku MZ, ja sam rekao dajem u MZ Moševac. Nazovite ga kako hoćete, replicirajte, dabogdo i vi radite isto.

Vijećnik Mustafa Bešić, ja sam namjerno izašao prvi uz kratki osvrt znao sam da će ovako bit od prilike. Ovo je negdje na pola puta. Hoću malo da svedemo račune. Ono što mi je zaparalo ovdje zbog čega nema ovdje šefice Službe ili nekog zamjenika. Ako je ona bolesna ili nije zbog čega nije došla. Mislim da je ona nama najbitnija osoba koja bi mogla puno toga kazati. Gledam A i B stranu, imamo stručnu osobu, mi smo ovdje svi vijećnici volonteri i ne bi želili sigurno niko od nas da donese neku pogrešnu odluku. Volio sam da bude ovdje i trebala je da bude predstavnik Službe za rad u MZ. Zbog čega nije došla neka nam neko ovdje objasni?

Predsjedavajuća OV, i Ramiza Šišić i Azra Čakrama su na bolovanju.

Vijećnik Mustafa Bešić, Što se tiče ovog toga ima dosta naroda koji su došli da prisustvuju. Niko ovdje ne ide da uradi nešto pogrešno. Ja sam predsjednik MZ nisam se izjasnio na početku vodim MZ 4 godine i ono što pričaju, ušao sam u MZ zato što nam je bila teška situacija gore i pokušao sam sjedio sam u Vijeću dao sam svoj doprinos i mislio sam da mogu više pomoć, samo zbog toga sam ušao. Govorim sa svog gledišta, bio sam u prošlom sazivu opozicija i bio sam predsjednik MZ. Niko nije uticao gore na ljude, kako su ljudi došli glasali su i ne može niko pobit nikog. Ko ima volju građana i ko će ga izabrat, nek dođe ko hoće. Ovi izvještaji što dođu sa terena i sve će se znati koliko ko vrijedi. Ono što mi je žalosno i moram napomenuti, stvarno MZ Maglaj-grad ona ne funkcioniše već deset godina. Mislim da je to sramota, mi se svi borimo u svojim MZ da dovučemo nešto, snijeg, zima svašta radimo, a njima ovdje ne treba ništa sve imaju neko će za njih uraditi. Ja bih volio da grad MZ napravi da vidimo kakav će oni imat odziv da vidimo oni bi trebali imati 1000 ljudi koliki je grad prema nama mještanima kolike smo mi MZ da dođe na zbor. Molio bih stvarno na pola puta smo, naš klub mi ćemo saslušati i donijeti na kraju naš konačan stav. Želimo ispravnu odluku donijeti za naš Maglaj i za naše MZ. Ne bi želili nikom nanijeti nikakav problem i tako ćemo raditi.

Vijećnica Edina Jašić, pošto smo pomenuli već šeficu Službe, ona nije tu prisutna ja bih zbog gostiju i javnosti da pročitam mišljenje Službe. Predloženi nacrt Odluke koja je iznjedrena od strane djelimičnog članstva mješovite radne grupe je izuzetno dobar u uslovima kada su ispunjene naprijed navedene pretpostavke, odnosno uslovi. Kada su izvršene izmjene postojećeg Statuta i Pravilnika, nebitno da li se radi o jednom ili dva ili četiri člana. Kada su oba temeljna dokumenta paralelno usaglašena. Kada su obezbijedena finansijska sredstva u Budžetu Općine za izbornim poduhvatom u mjesnim zajednicama. Ono što nas zabrinjava je činjenica kako obezbijediti učešće u rukovođenju mjesnih zajednica od strane pripadnika drugih konstitutivnih naroda pored bošnjačkog, odnosno kako osigurati ravnopravnost u smislu nacionalne pripadnosti, ali i u smislu manje zastupljenog spola kao i mladih u jačanju lokalne demokratije. Krucijalno pitanje je uloga Zbora građana pri izborima u mjesnim zajednicama. I na kraju smo mišljenja da bi bilo važno zatražiti od mjesnih zajednica podnesu zahtjeve za izmjene postojećeg Statuta mjesnih zajednica u dijelu koji se odnosi na izborni proces za određene članove Statuta. Npr. Podnošenje ostavke izabranog člana u Vijeću MZ i kako postupati dalje. S ciljem usklađenja dokumenata, a potom obezbijediti malo više vremena za donošenje kako bi dokument koji se eventualno usvoji bude i provodiv na terenu. Praksa je pokazala da se radi o izuzetno teškim ili otežanim uslovima rada na izbornim zborovima bez obzira po i pod kojim nazivom će ubuduće angažovan na ovim provedbenim radnjama što dakako ne smijemo zaboraviti.

Vijećnik Safet Jašić, evo možemo vidjeti u kom pravcu idu diskusije, bilo je i krivih navoda i svašta nešto. I ja sam iščitao ovaj materijal do kraja i ima čak i stav Službe. Da ne čitam, kaže iz svega naprijed navedenog Služba smatra da nemamo ispunjenje preduslove za provedbu ovakve odluke na terenu obzirom na činjenicu da sve mjesne zajednice

nemaju prostorije za rad, nemaju referente ili stručne saradnike koji ih u osnovnoj djelatnosti opslužuju. Nemaju dovoljno sredstava za redovan rad, imaju otežane uslove sazivanja zborova počev od opće nezainteresovanosti samih mještana pa dalje. Namaju nikakav stimulativni poticaj za svoj rad. Ovo je mišljenje Službe. Naprijed navedeni kratki osvrt nije bez razloga napisan, on se može smatrati kratkim uvodom za mišljenje Službe koje je slijedeće, a mišljenja smo da bi bilo neophodno, prioritarno, hronološkim redom donijeti, pa imaju tri stavke. Odluku o osnivanju mjesnih zajednica za općinu Maglaj u kojoj bi glomazne i neefikasne mjesne zajednice izdijelili na manje sa novim nazivima. Nakon formiranja mjesnih zajednica sa nazivima gdje je to potrebno i stvarno stanje na terenu zahtijeva sa obavezanim zadržavanjem ustrojstva onih koje su efikasne. Pod 2. Pristupili bi izmjeni Pravilnika o unutrašnjoj sistematizaciji organa uprave, te u tom pogledu trajno riješiti problem sa opsluživanjem mjesnih zajednica. 3. Odlukom o izmjeni Statuta bi definirali članove koji pobliže uređuju i u normama mjesne zajednice i izborne procese urađene, isplanirane do najsitnijih detalja, gdje bi sve mjesne zajednice imale isti Statut za upotrebu koji je u konačnici njihov temeljni dokument usaglašen sa Statutom Općine. Ovo je mišljenje stručne Službe, koju smo uvijek poštovali i sad poštujemo i niko ne može biti iznad nje. Prema tome, ima ovdje napisano trebalo je do kraja pročitati pa ćete vidjeti da je to tako. U nekim izlaganjima se čak provlači da se izbori moraju održati od 13 do 28. To je provlačenje materijala. Ja bih se zahvalio gospodinu Jurišiću to je jedina mjesna zajednica sa većinom hrvatskog življa koji je učestvovao u svemu ovome i na kraju je rekao ono što je rekao da ovo nije ono o čemu je radna grupa radila da bi došla do ovog dokumenta, da je došlo sasvim nešto drugo.

Stav Kluba vijećnika SDA je razmatrao ovaj prijedlog Odluke o postupku, rokovima i uslovima/uvjetima provođenja izbora kao i utvrđivanju rezultata izbora za članove Vijeća mjesnih zajednica na području općine Maglaj, te smo stanovišta da ponuđeni prijedlog Odluke nije na pravcu rješavanja problematike mjesnih zajednica, nego napro9tiv ukoliko bi se mjesnim zajednicama nametnulo ovakvo rješenje došlo bi do dodatnog usložnjavanja procedura izbora vijeća mjesnih zajednica. Nametanjem nekog novog tijela kao izborna komisija, birački odbori koji mogu poništiti izbor Vijeća mjesne zajednice, znači u svakom slučaju tamo i stoji u jednom članu odluke, kaže nisu legalno održani izbori mi to poništavamo. Došlo bi do direktnog uticaja na sam rezultat izbora suprotno volji građana mjesne zajednice, čime bi se devalvirao dostignuti stepen demokratičnosti pri izboru Vijeća mjesne zajednice, propisan važećim Statutom mjesnih zajednica. Dalje u članu 22. Prijedloga Odluke stoji: Vijeća mjesnih zajednica dužna su da provedu usklađenja Statuta mjesnih zajednica do 1. marta 2018. godine sa odredbama ove Odluke u dijelu koji opisuje izborni proces u mjesnim zajednicama što je svojevrsna direktiva odnosno naredba za promjenu Statuta mjesnih zajednica kojom se ponovo derogira volja građana mjesnih zajednica i pokušava nametnuti nečija volja a da ne pominjemo koliko vremena je ostalo do 1. marta 2018. godine. Bitno je spomenuti i to da radna grupa za izradu ove odluke uglavnom nije radila u punom sastavu, što je vidljivo iz obrazloženja odluke, a posebno je zanimljiv momenat kada je nacrt odluke ugledao svjetlo dana. Sjednica na kojoj nisu prisustvovali članovi radne grupe predloženi iz SDA. Kako se ponuđeni prijedlog odluke nije bavio konkretnim izmjenama u pojedinačnim odredbama Statuta MZ, niti je usaglašen sa članom 28. Zakona o principima lokalne samouprave u FBiH niti sa odredbama Statuta Općine Maglaj, članovi 91-96 kojima je uređeno pitanje mjesne samouprave nije moguće amandmanski djelovati na isti. Prijedlog ponuđene Odluke je u odnosu na ponuđeni nacrt Odluke bez bitnih izmjena usaglašenih sa važećim Statutom Općine Maglaj i Statutom MZ, te se može jedino posmatrati kao inicijativa za izmjenu i dopunu važećeg Statuta mjesnih zajednica i u skladu s tim i ponašati tj. Onako kako je propisano u odredbama članova 51., 52., 53. važećeg Statuta mjesnih zajednica. Član 51. Statuta mjesne zajednice inicijativu za donošenje novog ili izmjenu i dopunu važećeg Statuta može pokrenuti Općinsko vijeće Maglaj, kao i građani na Zboru građana i organi mjesne zajednice. Inicijativa se podnosi Vijeću mjesne zajednice, Vijeće mjesne zajednice razmatra inicijativu i o zauzetom stavu obavještava podnosioca. Član 52. Ako Vijeće mjesne zajednice prihvati inicijativu iz prethodnog člana preduzima mjere za izradu prijedloga novog Statuta, odnosno za izmjene i dopune važećeg Statuta. Prijedlog Statuta razmatra i utvrđuje Vijeće mjesne zajednice nakon provedene rasprave, na Zboru građana, a nakon toga konačnu saglasnost daje Općinsko vijeće Maglaj. Prijedlog je usvojen ako se za njega izjasni 2/3 članova Vijeća mjesne zajednice, ako prijedlog ne bude prihvaćen ne može se pokrenuti novi postupak za promjenu Statuta po istim pitanjima a prije isteka roka od 6 mjeseci. Član 53. Izmjene i dopune Statuta mjesnih zajednica vrše se Odlukom i na način i po postupku predviđenom za njegovo donošenje. Što znači da o ovome odlučuju građani na Zboru građana, a Općinsko vijeće daje svoju saglasnost na volju građana, naravno ukoliko je i ta volja građana u zakonskim okvirima. Informacije koje imamo za provedene javne rasprave nedvojbeno ukazuju da predložena odluka nije prihvatljiva za većinu mjesnih zajednica, te se može reći da predložena odluka, ni kao inicijativa za izmjene i dopune Statuta MZ nije pozitivno ocijenjena od strane Vijeća MZ kojima je bila dostavljena prije provođenja javne rasprave na očitovanje. Da je ponuđena odluka u suprotnosti sa članom 28. Zakona o principima lokalne samouprave u FBiH i Statutom Općine Maglaj upozoravali smo već kod ponuđenog nacrta i predlagali da se ide u izmjenu statuta Općine Maglaj, a nakon toga na usklađenje Statuta MZ kao nižeg akta sa Statutom Općine Maglaj. Ukoliko dođe do usvajanja ovakve odluke i provođenja iste na terenu, dovest ćemo MZ u situaciju da bi u tom slučaju imali Statute mjesnih zajednica koji nisu usklađeni sa Statutom Općine Maglaj.

Zbog svega navedenog Klub vijećnika SDA neće podržati prijedlog Odluke o postupku, rokovima i uslovim/uvjetima za provođenje izbora kao i utvrđivanju rezultata izbora za članove Vijeća MZ na području općine Maglaj, te predlažemo da se odluka povuče iz procedure. Ukoliko se danas usvoji sporna i po nama nezakonita odluka bit ćemo prinuđeni pokrenuti postupak preispitivanja zakonitosti kod nadležne institucije. Nije ovo nikakva prijetnja ovo će sigurno se i dogoditi aktuelnim vijećima MZ sugeriramo da se ne upuštaju u provedbu nezakonite odluke, a ukoliko postoji potreba za izmjenu Statuta MZ onda to treba uraditi poštujući važeće zakone i procedure.

Ukoliko se usvoji odluka koja je u suprotnosti sa pozitivnim zakonskim propisima tražimo da se ista ne provodi do okončanja drugostepenog postupka koji treba predvidjeti u ovoj odluci. I na kraju Klub vijećnika SDA će u svakom slučaju podnijeti krivičnu prijavu protiv predsjedavajuće, dopredsjedavajućeg OV, svih vijećnika koji budu glasali za ovu odluku i protiv svih lica i organa koji su učestvovali u procesu donošenja ove odluke, ali i onih koji su u okviru svoje nadležnosti trebali biti uključeni u proces donošenja ove odluke, a nisu se uključili u istu. Klub vijećnika SDA će podnijeti prijavu i tražiti zaštitu zakonitosti kod nadležnog kantonalnog i federalnog ministarstva. Bit će podnošene prijave kod svih nadležnih institucija iz oblasti pravosuđa i CCI i ostalih institucija u čijoj je nadležnosti zaštita zakonitosti, demokratičnosti, ljudskih prava i slično.

Vijećnik Hajrudin Fermić, replika i ispravka krivog navoda. Obzirom da u ovim stavovima koje je iznio šef kluba SDA pomenuto na neki negativan način mogućnost poništenja izbora ili izbornih rezultata u suštini Vijeća kako je to predloženo ovom Odlukom, ja ću samo podsjetiti na postojeći Statut Općine i taj ponovo famozni član 102. A taj član 102. kaže: „Nadzor nad radom organa MZ obavlja Vijeće u skladu sa zakonom, ovim Statutom i na način utvrđen Statutom MZ. Vijeće ima pravo da raspusti Vijeće MZ ili da razriješi dužnosti predsjednika, da raspusti izabrane organe, naloži izbor novih organa MZ ako se utvrdi da rade suprotno zakonu ovom Statutu, Statutu MZ i drugim pozitivnim propisima“. Dakle, već postoji u Statutu mogućnost da OV poništi izbore. To je što se tiče jedne. Samo još pitanje. Zakon o principima lokalne samouprave ponovo govorim u svojim članovima kaže da je izričita autonomna oblast, općine, jedinice lokalne samouprave, organizovanje mjesne samouprave. Sve je to prepisano u Statut. To je druga stvar. Treća kako li to u ovih 60 i nešto općina se provode izbori tajnim glasanjem, a samo kod nas i u još dvije tri općine ne mogu nikako da se provode tajnim glasanjem. Samo da na kraju postavim pitanje, ko se boji tajnog glasanja. Četvrto moram to da napomenem, nisam htio, u važećem Statutu MZ svi oni koji su u drugom i trećem krugu izabrani su nelegalni. Dakle, vi imate nelegalne mandate. Ovom odlukom taj problem bi se razrješavao. Ne daj Bože da se postavi pitanje legitimnosti, legalnosti, pa i onih potpisa i svega ostalog kad bi se to potjeralo i ganjalo. A pogledajte šta piše u Statutima.

Vijećnik Safet Jašić, niko se ne boji tajnog glasanja, to je samo odgovor na ovo izlaganje gospodina Fermića. Ko se boji javnog glasanja. Šta je transparentnije, šta je poštenije hajde da budemo ljudi i da kažemo. Tajno glasanje je prostor za manipulaciju. Ljepše, demokratičnije je kad ljudi na zboru gleda te u oči i neće dignut ruku za tebe. Ovo je prostor za manipulaciju neki ljudi. Ja ne okrivljujem sve političke partije, ali ovo je istina svi se borimo za nešto javno, transparentno, a ovdje što se vi bojite javnog. Ja govorim da je tajno poštenije, transparentnije i to je naša tradicija i na kraju krajeva rekli su ljudi de napravite u gradu MZ tajno ili javno, napravite je, al nemojte razvaljivati ono što je naše. Ako treba da politika uđe i da političari i da vijećnici, mi ćemo se boriti u mjesnim zajednicama neka uđu sve političke partije u mjesne zajednice. A ne da nam neko natura u Vijećima MZ, nego i građanima. Mi ćemo sad govoriti u svim mjesnim zajednicama, nije problem. Nećemo ključ i kazat ćemo hajde da se dogovorimo kako ćemo napraviti mjesnu zajednicu. Ne treba nam niko drugi praviti.

Vijećnik Hajrudin Fermić, rekoh ja da su svi oni koji su drugi, treći krug ne statutarni, pa samim tim nezakoniti, nelegitimni. To je jedno, drugo, ja bih volio da mi se da odgovor na koji način je proveden izborni postupak u MZ Kopice, jer prema mojim informacijama neprovjerenim tamo je bilo negdje između 80 i 95, a obaveza prema CIK-ovim biračkim spiskovima trebalo je da bude 104 člana. Dakle, taj sistem javnog glasanja podrazumijeva i kojekakve moguće manipulacije sa prisutnim ljudima.

Vijećnik Safet Jašić, moram dati odgovor da vas upoznam. U MZ Kopice je u svakom mandatu na vrijeme odradila izbore. Ovo je dokaz da u MZ Kopice je mandat istekao 16.02. i da mi nismo proveli izbore, onda bi rekli vidite vi kako MZ Kopice ne radi. Znači u februaru eventualno u martu sve su MZ i ranije bile obavezne da provedu izbore. MZ je to uradila. Sazvali smo Zbor građana 7 dana redovno uredno plakativali i na taj dan zakazali smo u 14,30 sati. U 15 sati je bila dženaza jednoj nani i ja sam misli da neće ni bit ništa od zбора, pa sam kontao da to bude ko prvi zbor za izborni izbor, međutim, otišao sam dole bio sam na dženazi i došao sam dole nabrojao sam u prvom mahu 87 ljudi. Neko je drugi izabrano radno tijelo, sve išlo onako kako Statut propisuje. Brojali smo do 106 i nudili smo drugim da broje da ne bi bilo upravo ovoga ko vama dolaze i slušate ih, a ne slušate i drugu stranu. Sud kad sudi saslušava dvije strane. Znači 106 je bilo prisutnih i još je pristizalo naroda, ja sam uz sugestiju građana pitao da krenemo sa zborom, oni su rekli da krenemo. Što je neko napravio nesvjesno kvorum stajao po strani to nas nije briga. Oni su došli prisutni bili i jednoglasno izglasali da se javno bira Vijeće MZ, sve je napravljeno po Statutu MZ, odnosno Statutu Općine Maglaj. Prema tome, ja MZ radi, ako treba da poništimo, poništiti ćemo ih da uđu čestiti ljudi iz svih partija, ali je neko obećao građanima nekim, neko im je obećao MZ da će dobiti, da će im dati MZ. Ne daje se tako MZ. Na MZ treba dovesti pohode, treba dovesti 100 ljudi, a između ostalog i nane su prisustvovala itd. Znači, to je Zbor građana pravi i uvijek je legalno održan sa punim kvorumom. Prema tome uopšte nije bitno ko je tamo i ne zna se ko je iz koje partije imamo troje omladinaca izabrano, imamo jednu ženu i samo su dva člana ostala iz starog sastava. To je jedna idealna MZ, gdje ja ne bi ni radio dva mjeseca odlučio 11 kandidata je bilo i po broju glasova su ljudi ušli i tako su evidentirani. Za dva mjeseca sam mislio da ne radim više u MZ da uđe slijedeći i da preuzme MZ i tako ću i uraditi. Ali ovo 100% da bi ja dobio prije izbora na četiri dana plakativanje poslije izbora Odluku da se ne sazivaju zborovi. Ja sam morao u mene je mandat već istekao. Ja sam sve po zakonu uradio, sve po Statutu budite sigurni i ja sam spreman da idem iz MZ, neka rade ova djeca koja jesu tamo. Ja ću se povući odmah ako treba, ako sam ja problem, a nisam problem. Znamo šta je prošli sistem uložio u ovakve MZ najdalje ništa. I ponosim se što sam bio gore i svaki građanin u Kopicama bilo kojoj partiji da pripada je zaslužan za ono što je gore urađeno. Nikad nisam prepisivao samo sebi.

Vijećnik Fikret Delić, nisam se mislio javljati za riječ i nije mi potreba, nije ovdje mjesto da se raspravljam sa predsjednikom MZ odakle ja dolazim. Samo ću reći jednu istinu. Sve je rekao istinu i slažem se sa njim taj dan je bila

dženaza. Sa dženaze mnogi su možda i krenuli kući i vjerujem da nikad nije toliki odziv bio. To oni i sami priznaju, ali je bila dženaza pa je bio malo veći broj, ali ja Delić Fikret sam izbrojao 91. Predlagan sam u Vijeće MZ odbio sam imam Statut MZ, znači nije bio i ja sam upozorio samo nemamo ovdje kvorum, i nismo imali tvrdim. Ne pada mi na pamet da ovdje govorim to gledam u kameru a radi javnosti i mojih mještana iz moje MZ odakle dolazim, a ne bi se javljao da nije ovako počelo. 91 s tim tvrdim da je bilo iz drugih mjesta i bilo je maloljetnih 2,3,5 nije bitno. Znači nije bio toliki broj. Nisam prihvatio da idem u Vijeće MZ samo iz razloga što nije bilo dovoljno, znači moram ponovi deset puta izbore, ali da jednom se poštuje Statut MZ. Znam da nikad nije prije to bilo 50, 60 i možda Kopice i najviše dođe mještana se odazove. Ali taj dan tvrdim da nije bio dovoljan broj i stojim iza svake svoje riječi, gdje sam upozoravao i odbio sam da idem u Vijeće MZ, ali eto oni su proveli, kako su proveli neću u to da ulazim. Ne kažem da ne bi oni bili izabrani isti ti, bili bi vjerujem da bi. Imali su većinu. Ali ne vidim razloga da li se neko boji kutije, tajno glasanje i da ide. Ne vidim ništa u ovoj Odluci čega bi se ja bojao ili kolega i nije bitno to. Ako je nešto nezakonito nek me pozovu i ja ću odbiti to. Neću glasat protiv ove odluke, ako je to sve po zakonu, Statutu, normalno da ću to prihvatiti. Možda sam mislio biti suzdržan ali sad ću glasat za ovu odluku o Vijeću MZ.

Općinski načelnik, trebalo bi malo smiriti situaciju, ali nisam siguran da ću to uspjjeti. Sjedim i šutim i možete me i optužiti. Reći ću direktno, ali ne mogu slušati više laži. Laž za novac, laž za održavanje Zbora u Kopicama. Malo prije se kunete u Službu nadležnu, stoji vam u Statutu kako se provodi, pod čijim nadzorom. Od Službe ste dobili blagovremeno uputstvo da ne vršite izbore u MZ s obzirom da na Vijeće dolazi nova Odluka i nije vam Služba bila na Zboru i niste dobili saglasnost. I nemojte zavaravati ljude, nemojte s neistinama se igrati. Ja znam šta vas boli, završit ću ovog trenutka, ali ako budete izlazili dalje sa neistinama onda ću ovdje izaći i iznijeti kamare onih prljavština što radite po mjesnim zajednicama. Gledam vas ovdje sve. Evo čovjek koji je dolazio kod Načelnika, ne smije više doći dok Načelnika, sad hoda po mjesnoj zajednici i priča neistine zbog partijskog šefa. Ako bude trebalo izaću pa ću reći pred svima. Ja vas molim razumijevam da je vaše demokratsko pravo da se ne slažete da ne podržite, molim i ovu stranu isto, molim i rukovodstvo, ali nemojte izlaziti s brutalnim lažima, toga se trebate stiditi.

Vijećnik Edib Delić, pošto je gospodin Načelnik prozvo direktno mene, ja ovdje tražim i zahtijevam šta sam to ja i šta ja to radim u mjesnoj zajednici pogrešno ili pričam protiv njega ili ne znam protiv nekoga drugog. Tražim da se za govornicom kaže šta je.

Vijećnik Safet Jašić, ja mislim da je vrijeme da se prestane govoriti kako mi sve lažemo. Četiri dana poslije plakatiranje za zbor u mojoj MZ sam dobio odluku i to žao mi je nemam ove odluke da vam dokumentujem. Četiri dana poslije plakatiranja. Služba je dužna da obavijesti svaku MZ za istek mandata i da organizuje sve. Znači mi smo, Služba je ta koja treba da obavijesti svaku MZ o prestanku mandata i da 30 dana prije isteka mandata krene sa aktivnostima za izbore u MZ.

Vijećnica Šefka Hasanić, nisam htjela reagovati na Načelnikovu reakciju kad sam izlagala materijal. Gospodine Načelnice, ja sam samo konstatovala ono što smo dobili u materijalu Služba je predložila pod tačkom 3. Finansijska sredstva koja su potrebna. Ja ni jednom rečenicom nisam rekla da su ta sredstva planirana u Budžetu, naravno da znam da nisu planirana za ovu godinu.. Znači Služba predlaže 5.000 KM što sam ja konstatovala da je to iznos koji je veći nego što i jedna MZ dobije sredstava iz Budžeta Općine. Znači opet ponavljam nisam rekla, nego sam pročitala i raspravljamo o materijalu koji sam dobila uz saziv OV.

Općinski načelnik, replika - vijećnice Hasanić ja vas neću ubjeđivati šta ste rekli, imat ćete priliku medijski da poslušate šta ste rekli, ali vas moram malo podučiti kako se bude vijećnik. Bio sam 12 godina učio sam se. Dakle, ovaj sirovi materijal koji imate ovdje vezano za odluku o MZ, doslovno je dopredsjedavajući jedno pet puta pomenuo da je to sirovi materijal. Da ste u sklopu toga dobili i onaj dio sa javne rasprave. Ja vas podsjećam a učite se biti korektan vijećnik, ja vas podsjećam da je ovaj sirovi materijal stariji od Budžeta. Budžet je donesen 27.12. ovaj materijal je stariji. U njemu je stajao šefa Službe prijedlog od 5.000 KM i nije ušao u Budžet. I onda tendenciozno ovdje iznosite kako se razbacuje novac za nešto, a ne daje se tamo gdje treba. Pogledajte šta ste rekli. Drugi put vas upozoravam prijateljski iza govornice, da malo čitate materijale, da pazite na rokove, na datume. Tako sam vas nedavno upozorio brkate dva dokumenta, dva različita datuma, sad ste pobrkali skroz. Pogledajte materijal sirovi od kada je, pogledajte Budžet od kada je i pogledajte kako se šta završilo. Nemojte obmanjivati javnost.

Vijećnica Šefka Hasanić, gospodine Načelnice, meni ne trebaju lekcije, predavanja i prijetnje i ne znam već šta. To je moje vijećničko pravo i ja insistiram da se poštuje, pregledat će se snimat, ja ni jednom prilikom nisam rekla da je to usvojeno u Budžetu. Raspravljamo o sirovom materijalu i to je tačka koja je napisana u ovom sirovom materijalu, finansijska sredstva. Zašto ne spomenuti ono što piše u sirovom materijalu.

Vijećnik Nedžad Lokmić, u ime Kluba SDP-a samo nekoliko stavova, primjedbi, pa i ispravki krivih navoda još od ranije. Mi ovaj materijal, ovaj prijedlog Odluke vidimo nešto što je već 5-6 puta rečeno kao sirovi materijal, kao dobru podlogu za budući rad mjesnih zajednica. Za poboljšanje rada mjesnih zajednica, za uokvirivanje, odnosno ubacivanje u okvir zakona rada mjesnih zajednica, neko reče i izbacivanje politike iz rada mjesnih zajednica. Mi smo na Bijeloj Ploči, možda u Jablanici i još nekim zajednicama osjetili najbolje politiku u mjesnim zajednicama još prije 4-8 godina kada sam i tada bio u Vijeću MZ Bijela Ploča. Dovoljna je činjenica da samo do prije godinu i pol bili bez gradske vode a 500 metara udaljeni od centra grada. I tada sam bivšeg načelnika molio dopisivali se da se poradi na tome, međutim kada ti neko na tom nivou kaže dok je vas takvih dole nećete nikad ništa uspjjeti dobiti itd. Neko reče da je gospodin Ferić idejni tvorac ove odluke, to nije tačno odluka je starija od Budžeta još od prošlog ljeta sa tim problemom se bavimo, pokušavamo uokviriti sve to i svi smo upućeni u sve to. Dakle, nije tačno da je gospodin Ferić sam radio na tome. On je možda najviše eksponiran i mi umjesto da mu ovdje skinemo kapu da mu čestitamo

da ga pohvalimo na uloženom trudu, evo napadamo ga. U potpunosti podržavamo sve što je gospodin Ferić istakao u svom uvodnom izlaganju i podržat ćemo ovakav prijedlog.

Vijećnik Safet Jašić, replika – uzajamno se moramo poštivati. Ja sam od početka govorio i to ću činiti uvijek tako sam odgojen u tom duhu i ima 60 godina i ne zaista je ružno da neko svake sjednice nas poziva na neku edukaciju. Mi smo ovdje u totalno podređenom položaju, ovdje su lideri političkih partija, mi se ovdje ponašamo kao vijećnici opozicije, ali na svako naše pitanje, mi dobijemo tri konta pitanja. Gospodin Načelnik nek bude i nek na kraju sjednice svede sve ovo što treba da se ne ponašaju neki, ja mogu razumjet gospodina Ferića, on je sam i on je predsjednik stranke i lider čovjek izlazi i može. Ali Načelnice, budi gospodin saslušaj nas i uvijek na kraju sjednice svima kaži to je završeno i nema više diskusija i nema priča, poslije svih tačaka dnevnog reda. Imam osjećaj da ponekad ljudi govore ispred političkih partija, ne kao s pozicije koju obnašaju. Prema tome, mi imamo pravo, mi smo opozicija, mi tražimo pravičnost, vi izglasajte pa vidjet ćemo kako će se to sve završiti. Ali ova stalna edukacija, poduka mi smo takvi kakvi jesmo. Ima vijećnika SDP-a kvalitetnih, ima i drugih vijećnika kvalitetnih nek izlaze i nek repliciraju nek postavljaju nam oni pitanja i kontra pitanje itd.

Općinski načelnik koliko čovjek u datim trenucima može biti gospodin to zavisi od trenutaka. Ja vjerujem da sam za vas ovdje gospodine, gospodine Jašiću. Pod 2. Kad pomenute Službu, ja sam šef službama, ovdje ste iznijeli laž, a ja sam šef i Službe koja se tiče mjesnih zajednica i treba da reagujem. Kad pomenute ovdje Budžet ja kao šef Budžeta treba da reagujem. Nemojte očekivati da vam neko replicira za Budžet iz ovog reda ili tog, pa niste za 20 godina naučili ništa o Budžetu i nemojte očekivati da vam ja to ne repliciram. Naravno ono što se tiče službi, što se tiče općinskog Načelnika, ja ću vam to replicirat sigurno. Što se tiče ostalih sadržaja vijeća eto vas tu svi i ja bih najsrećniji bio da ja ovdje ne trebam biti i da radim svoj posao drugi, koji bi sigurno bolje iskoristio funkciju Načelnika, nego što ga iskoristim ovdje sjedeći sve ovo bezlično što je danas ovdje izneseno.

Pauza na zahtjev Kluba samostalnih vijećnika Delić i Bešić.

Vijećnik Mustafa Bešić, imam stvarno ozbiljnu namjeru da ovo uradimo ozbiljan i pošteno. Očekujem od ljudi ovdje da izađu za govornicu i da mi obrazlože ono što su mi neki dan pričali šta ovaj dokumenat donosi. Ako ne izađu i ne obrazlože ono što su mi govorili ja neću moći podržati drugačije nego ovaj dokumenat. Znaju ovdje ljudi o kome se radi.

Hasanić Aziz – MZ Misurići – koliko već slušamo vas vijećnike, samo jednu krktiku da uputim. Nije mi jasno ako smo već imali komisiju zašto niko nije nama danas poslao poziv da budemo mi kao članovi ove radne komisije koja je trebala ovo sve da uradi. Raspravljamo o odluci koju nije komisija uopšte donijela, nismo se ni izglasali, neko je poturio takva kakva je. Mislio sam da ćemo mi kao komisija, kao jedna radna grupa imati stav po odluci i o kojoj ćete vi samo glasat ili ne glasat. Ali vi uporno raspravljate o svemu tome, a u stvari nas tu i nema. U stvari mi smo ti koji smo trebali vama da pripremimo takvu odluku koja bi sve ovo uzela u razmatranje i koja bi ovo sve ujedinila neke stvari. Poslije toga imamo javnu raspravu, javna rasprava je rekla svoje, međutim slušam kolegu iz Kopica, sad neću namjerno. Znači jednostavno hajde nema veze nek prođe kako prođe nije ni bitno. Ja sam tu i hoću da se izjasnim kao član radne grupe. Ja neću da budem odgovorom za ovo što se desilo i ko je pripremio i kako je pripremio. Znači na prvom našem sastanku Radne grupe tako smo ušli u te neke aktivnosti da nam je bilo toliko drago da se jednom sjedne svi zajedno i da to počnemo malo da mjesne zajednice stavimo na neke ljestvice, da se poboljša rad u mjesnim zajednicama. Tako smo se na prvoj sjednici dogovorili, tako smo bili fini, na drugoj već sjednici smo i na toj sjednici rekli, svi smo bili saglasni da ne uvodimo politiku da mi to napravimo neku odluku koja će stvarno poboljšat rad u mjesnim zajednicama i izbore i rad Vijeća MZ i ljude koji tamo rade i to je tako lijepo zvučalo. Međutim, već na drugoj sjednici od gospodina Ferića smo dobili da jednostavno tu politika mora biti i nema tu više kako je bilo. Evo u redu slažem se. Znači ovu odluku nije donijela komisija, nismo mi se izjasnili po ovoj odluci. Ja dolazim iz MZ, predsjednik sam u MZ, otišli ste od teme skroz one koje treba. Znači ovdje više uopće Ferić se tako polako izmiče iz onog prvobitnog već je ove dvije tri stvari polako bježi od onoga gore. Znači jednostavno takva odluka kakva je pripremljena mi se nismo imali pravo ni izglasat.

Druga stvar komisija nije ni u jednom sazivu radila u punom sastavu, evo kolege znaju ko je u komisiji i neka kažu ko je koliko bio. Ja sam mislio da ćemo mi danas prvo da izađemo mi iz komisije i da damo svoje neke te stavove svi iz komisije pa da kažu, možda ja nisam u pravu, možda je kolega neki drugi u pravu ili neko treći. Nas je bilo tamo pet. Svi smo imali pravo, zašto nas nije niko pozvao, zašto nema danas šefa Službe i to je sigurno nešto od znakova nekih. Znači imamo tamo pojašnjenja iz Službe i svih tih ljudi, šta je to u MZ. Nije poenta, bacaju nam lopticu u oči kažu javno kutija, ma koja kutija. Bacajte je u korpu u vreću, nije to bitno, stvar je što tamo više neće biti Zbor građana koji će odlučivati o svojim izborima u svojoj mjesnoj zajednici. Znači treba da se formira jedna vijećnička komisija koja će voditi zborove građana u MZ i koja će tamo fino stoji, znači prije 8 dana svako onaj ko hoće da bude kandidat treba da se prijavi. Mi nećemo sad da se prijave ljudi, šta će sa ovim malim MZ, ja ne znam kako će se provesti izbori. Ja 1.-og ističe mi mandat u MZ, ja već 2.-og nisam predsjednik i ne može me niko natjeratda budem predsjednik. Ja sam polijepio jučer plakate da ispoštujem rok za slijedeću onu tamo u drugu nedjelju. Znači svi koji hoće imaju sve da donesu i možemo da se dogovorimo. Očekivao sam da na Zboru ako je zapisničar i dva člana da kažete treba biti 5, pa neka bude 10 jest to bitno. Ali mi tamo da to odradimo u svojoj mjesnoj zajednici, naravno Služba nas koliko prati, toliko i ne prati. Kad se obratimo prati, nismo mi ti neki koji smo imali podršku ni od koga, sami se borimo po MZ i na kraju ispadnemo najveći lopovi, najveći kriminalci, ne znam po pitanju čega. Šta smo mi to uradile nešto zloupotrebe neke. Radimo volontiramo, svih 7 ljudi u mojoj MZ nikad nije dobilo ni jedan dinar, ni deset maraka za svoju dnevnicu ili za svoj jedan sastanak. Predlaže se neka komisija, evo nije tih 5.000 prošlo, uredu. Doktor kaže ja ću platiti ili naći ćemo ta sredstva. Ama što da se plati komisija a ja tamo sjedim četiri godine besplatno, a dođe neka

komisija uzme svoje dnevnice odradi nam ko zborove, a ja mu trebam ko predsjednik MZ da mu priprelim da bi on to ispoštovao, a njemu se plati. Mi smo bili vijećnička komisija i niko nije ni spomenuo plaćanje niti bi ja naplatio, znači ja sam bio u ovoj radnoj grupi, trebao da dam od sebe ono što sam mislio, međutim, otišlo je sve krivim tokom. Nebitno je sad kako će to biti, ili ovako ili onako, ali prvobitno odluka koja je nama ponuđena tamo donesena je i takva. Ovo sad nije ni blizu te odluke. Sve se poizmjenjivalo, ja ne ulazim u članove ja to ne znam, ali ima neko ko to zna i treba da kaže. Slažem se sa kolegom iz HDZ kad kaže imal neko da nam kaže što je nezakonito. Ko sam ja ili ko je neko pojedinac da kaže jest to je zakonito ili nije. Znači nema ga imamo mišljenje Službe. Mi u MZ znamo šta je raditi u MZ, kad je zbor organizovati, napraviti sastanak, a dobijamo za uzvrat toga svega projekti svi koji se rade, rade se svi mimo Vijeća MZ. Sve iza naših leđa se uradi mi ne znamo ni da se čak radi. Pitaju ljudi mene koji više znaju od mene, da me bar obavijesti neko. Jesmo napravili nešto radna grupa mislio sam da će to biti odluka koju ćete vi ovdje danas izglasati ili ne izglasati, pošto ne može sad niko reći da nismo imali ljude iz svih stranaka, svi smo bili tu, sve stranke mogli smo sjesti i donijeti odluku da vi samo kažete jest tako je u redu ili nije u redu. Vi svi raspravljate i svi znate više, čast kolegama koji rade u MZ ili oni koji su prošli MZ, ali svi vi više znate i vijećnici i s jedne i s druge strane nego mi koji radimo u MZ. Tako vi to fino znate, a kad sazovemo mi da dođete na te sastanke, kažu ma ko je mjesna zajednica, ko je Aziz, ko je onaj da mi to radimo. Hiljadu je tu problema. Tako da neću da učestvujem u nečemu što nisam donio. Mi smo imali priliku da izglasamo ovu odluku, ni jedan put komisija nije zasjedala ni blizu punog sastava i odluka kakva je donesena to je odluka nekog ko je htio preko komisije da mi budemo odgovorni za nešto što će se desiti da se prebaci loptica na nas. Ja neću da budem u tom pravcu odgovoran, ja nisam taj ko je glasio za ovakvu odluku, ona je donesena, ja neću da kažem da je to napravio Fermić ili neko, ali nismo se mi kao komisija izglasali. Nismo imali priliku da kažemo jesmo za to ili nismo. Znači ona je nama samo prosljeđena. Druga stvar što se tiče MZ Misurići, ja sam stavio da ću govoriti i ispred Komisije i ispred Vijeća MZ, pa ću iskoristiti ako može da kažem za svoju MZ.

Ja ne znam šta vi sad hoćete od nas da napravite bilo ko, ni ova ni ona strana, mi u svojoj MZ, tu je kolega Muhamed, tu su ljudi iz SDP-a, tu su ljudi iz svih stranaka mi tako fino u svojoj MZ sjednemo, pričamo i o problemu, ni nikakav problem nemamo sa sobom, nego vi hoćete da nam napravite problem. Što mora više biti Aziz, ama neće Aziz više ne bit, ali dajte nam da mi sami sebi izaberemo ljude. Nek prati, pošaljite Službu ili ne znam koga. Mi smo 11. marta zakazali Zbor. Ja ga moro zakazati zato što meni ističe 1.3. mandat. Imate 15 dana, ne možete reći iza 12. Ili 13. Nisu regularni u Misurićima. Evo imamo 15 dana da vidimo hoćel to biti regularno, ja cijenim sve ljude svi oni koji hoće dobrobit u svojoj mjesnoj zajednici, ja sam radio mi smo jedna od MZ, na kraju smo svi mi ko neki lopovi, al vjerujte kako sam došao u MZ ni jedne ulične rasvjete nismo imali, ni jednog stuba ulične rasvjete, kanalizacija tek se u fazama krenula, vode nismo imali. Gradske vode smo imali prije 30 godina, priključak gradske vode. I sad da neko kaže vidite vi nemate gradske vode. Ne možemo mi rješavati gradsku vodu sa vrha Misurića, mi moramo rješavati vodu od fabrike vode, odakle projekat ide. Projekat vode je došao do po Poljica. Što se tiče MZ, jedna smo od mjesnih zajednica bili smo svi u poplavi znate svi šta smo uradili za sve. To je mislim da smo jedna od MZ da smo radili, a da nam sad neko kaže niste vi regularni. Ja sam zakazao Zbor za 11. mart. Zamolio bih sve one koji hoće da rade u MZ da dođu da sjednemo i da se ko ljudi dogovorimo i da nam neko ko nije u našoj mjesnoj zajednici, da nam ko on soli pamet. Ljudi smo da se dogovorimo i da to odradimo.

Munib Jusufbašić - MZ Čobe - što se tiče ove Odluke koja je u prijedlogu danas, kad su me ljudi pozvali da budem član ove Komisije, rečeno mi je treba se doprinijeti radu mjesnih zajednica, ja sam rekao obzirom da sam tu u radu MZ, ja ću to objeručke prihvatiti. Nisam ni pitao ni ko će biti tamo, ni šta će biti, jednostavno to je nešto što je moj život, živim gore na tom kraju, radim s tim ljudima i postoje stvari koje treba doprinijeti, poboljšati i ušao sam s tim ciljem u komisiju, bez ikakve naknade. Znači nemam pojma da li će biti i ako će biti ja bih zamolio da mene ne računate ni u kakvu naknadu, ja nisam ušao u komisiju ni za kakvu naknadu, ušao sam kao čovjek koji poznaje tu tematiku i htio sam da doprinesem kako svojoj MZ, tako i svima. Učestvovao sam na svim sastancima sam bio prisutan, samo na jednom sastanku nisam bio prisutan kad je bilo otvorenje dvorane u Novom Šeheru i javio sam šefici Azri da neću biti prije na pet dana. Međutim, kasnije sam dobio informacije da je održana komisija. Što se tiče ovog nacrtu odluke koja je u planu mi to kao komisija nismo donijeli. Znači nismo donijeli, ako smo trebali tamo biti neki kvorum, onda je ljudski trebalo nam kazati da smo mi neki kvorum tamo da se broji da smo prisutni tu, ali to nek kaže druga strana, ja govorim za sebe. Ja nisam nigdje kvorum, niti ću biti kvorum, niti panj, ja sam čovjek koji ima svoje mišljenje, svoj stav i u toj komisiji sam dao svoje prijedloge, znači u interesu svih MZ. Prvu sjednicu smo imali fantastičnu i druga je bila dobra i u trećoj smo počeli i tada sam vidio da se zadire u promjenu Statuta MZ. Prijedlozi su naši bili da poboljšamo rad MZ, da pa smo tražili, istina Azra šefica je rekla da je ona nama samo koordinator, što je vrlo bitna stvar za ovaj skup ovdje, da je ovdje vješto izbjegnuta služba. Koliko znam ovaj Statut postojeći na njemu je rađeno dvije godine. Sve MZ su učestvovala po naosob. Javne rasprave sve prošlo i na OV u tadašnjem mandatu je donijelo jednoglasno odluku. Zašto je to vijeće u tom mandatu donijelo jednoglasno odluku, koliko znam i u tom mandatu su bili jako dobri ljudi, a i sad. Ljudi su analizirali taj Statut pročitali ga od vrha do dna. Tražili su da to bude Statut koji će prihvatiti sve MZ i on je kao takav prihvaćen. Ovdje se famozno priča o nekom tajnom glasanju, javnom glasanju. Po mom Statutu koji ja imam Beša, Safet, Edib i svi ovi predsjednici MZ tamo fino stoji tajno i javno i kad je Zbor građana pitate građane da li su za tajno ili javno glasanje. Građani kažu javno ili tajno. U ovom Statutu to postoji, nemojte sad ovdje se priča o nekom tajnom glasanju, znači da je to neka novost, to postoji i u ovom Statutu. Znači postojećem Statutu koji trenutno imamo na snazi. O članu 100. O članu 28. I ostalim članovima to je rekao zakon i rekli su ljudi pravници koji rade u onoj tamo kući i danas dan rade, oni to nek tumače i nek kažu šta kaže član 100.28. lokalna samoupravna i ostali članovi kad je u pitanju Statut MZ, vjerovatno će ljudi to kazati kako treba. Meni je žao

što nema šefice danas ovdje, ona je magistra prava i mislim da bi neke stvari išle u drugom smjeru, zašto nije tu, evo dobili smo informacije da je bolesna. Na toj komisiji u kojoj smo mi radili, tražili smo da nam šefica dostavi informaciju po svim mjesnim zajednicama koje rade, i koje ne rade. Zaista šefica nam je dostavila i mogu ovdje kazati Bešina MZ, ja, Edib, Safet, Kole, Enes ima 7-8 MZ koje su ocijenjenje kao MZ koje su zaista radile. Ima MZ koje su pasivne i ima MZ koje ne rade. I mi smo na tom sastanku govorili hajmo riješiti problem u ovim MZ koje ne rade. Šta je razlog što ljudi neće radit, jednostavno šefica je rekla da ima MZ koje ona po dva, po tri mjeseca zove prije isteka završnog računa, da mora molit ljude da dođu da naprave završni račun. Hajmo popraviti te MZ, šta uraditi njima, kako da ih stimulišemo. Hajmo uraditi da sve MZ se uradi projektna dokumentacija za prostor gdje će raditi ljudi. Ja slučajno ima gore području školu pa sazovem gore i to dobijem dozvolu od škole u Šeheru, ali nemamo prostor MZ, a volio bih da ga imamo. Volio bih da ga imaju sve MZ i da sjedimo i razgovaramo kao ljudi. I to smo davali u prijedlogu da se prvo izradi projektna dokumentacija da se tamo naprave projekti. Hajmo povećati stavku u Budžetu, koliko se može da li je to 1.000 KM po svim MZ, hajmo povećati tu stavku, hajmo povećati neke stavke za aplikaciju projekata, da jednostavno uvedemo sufinansiranje projekata. Ja sam tad i rekao da imam gore projekat razrađen, zbog plana koji smo imali sa IZ mi smo dvije godine taj projekat obustavili zbog izgradnje džamije. Mi smo donijeli gore odluku da sabiramo pare od građana po 200,00 KM i malo ću provokacijski, jaranski, zamolit ću Fermu obzirom da mi ćemo krenuti sabjerat pare, a gospodine dopredsjedavajući ja ću vas lično nazvatii da učestvujete sa 200,00 KM da podržite taj projekat u Čobama za rasvjetu. To je nešto što smo mi doprinosi radu na tim sjednicama. Potrudio sam se da budem korektan razgovarao, ali kad sam vidio da se ide u srž problema izmjene Statuta, tad sam rekao ja nisam za tu opciju u tome neću učestvovati, nisam za tu varijantu. Sve što treba doraditi u tom statutu ja sam rekao on je dobar zakon, njega treba malo dotjerat što treba, ali on je fantastičan. Svaki zakon je dobar ali se on mora sprovoditi, pitanje je koliko ljudi žele sprovesti neki zakon, a koliko ne žele. Gospodin Ferma reće za nekakav kriminal. Ja stvarno ne znam u MZ da postoji kriminal, ako postoji nešto što nije po zakonu, ima vlast, ima institucija, imaju ljudi koji rade taj posao pa neka dođu nek provjere i nek rade. Mi smo završne račune završili, ovdje je šefica finansija i ona odmah može izaći za govornicu i reći u toj MZ je kriminal. Šefica je finansija doktor za ekonomiju i neka kaže ovdje jel to to. Mi smo to sv e na vrijeme završili. Izvještaj o radu odradili na vrijeme, finansijske pokazatelje, plan i program rada, pripremamo sami neke projekte kad je u pitanju taj dio, znači s ciljem smo išli da MZ dobiju jedan epilog jedne institucije kao prvi stepen države u našoj BiH. Ja sam takav, ja ne bježim ni od kakve odgovornosti, a ne bježim ni od kritika. Svako neka mi kaže i kritiku, ja i primam kritike i dajem kritike. Jednostavno što se tiče meni je žao što ovdje nije uvažena javna rasprava. Tada mogu da tražim sredstva ako mogu što sam došao na javnu raspravu. Samo za to tražim sredstva nek mi neko plati. Što sam došao na javnu raspravu, ovdje sam sjedio bila je puna sala, iznosili smo prijedloge ko i sad . Razgovarali o svemu, pričali normalno znači to je ovako. Insistiram, ako mogu da dobijem pare za to što sam došao, ja tražim pare samo za tu javnu raspravu zato što vidim da ta javna rasprava uopšte nije uzeta u razmatranje. Prijedlozi MZ na toj komisiji smo se dogovorili na jednom od sastanaka tamo gospodin Ferma nije bio da ide u sve MZ da se očituju, da se održi javna rasprava da se uključi šira masa ljudi i mediji i prostori i svašta nešto da doprinesu tome. Ja vidim da ovdje nije u interesu da se doprinese radu MZ, nego naprotiv da se uljuljaju MZ, i da se poljulja sve i ono malo što valja. Teško je raditi u tim organima, znači treba napraviti gore sistem da se radi. Ako neko misli da se lobira za nekoga, ja znam da nikad u životu to nisam radio. Imamo na tabli po 18 ljudi i onaj koji dobije najviše glasova javno, pet ljudi koji ulaze u Vijeće MZ i ja gledam svog komšiju, on gleda mene i to je to. To je mjerilo koje ne može niko pobit. Demokratsko pravo je zbor, još veće demokratsko pravo je referendum. Građani koji imaju referendum, znači za neka pitanja koja su bitna za građane svake mjesne zajednice je referendum, koji teško ko može pobit. Referendum građana na tom prostoru gdje žive, znači oni su ti koji odlučuju šta će biti i da li će se dešavati neke stvari. Članovi Vijeća MZ i ljudi koji rade u MZ to su za mene ljudi heroji, svaka im čast za onog ko radi za svoju MZ po bilo kom osnovu. Nek kaže predsjednik MZ i član Vijeća MZ koji ima fening od toga, platu ili neku dnevnicu ili nešto. Ono što dobijemo od Općine, to su fina sredstva a mogla bi biti veća. Mi to od prilike gledamo da li sufinansiranjem ili nešto čuvamo ta sredstva. Moram o tome nešto kazati. Sačuvao sam hiljadu i nešto maraka od prošle godine sa ciljem da ih uložim u javnu rasvjetu. Pitao sam šeficu mogul ih prenijeti i šefica je rekla da može. Nisam potrošio nigdje, nisam svoje jarane koji rade u MZ ni odveo na ručak nigdje ih nisam odveo ni na sok. Ako smo se dogovorili imamo tih para ostavit ćemo to za rasvjetu to nam je bitan projekat, ili put nebitna stvar. Tako da, nešto što mi je teško palo poslije te javne rasprave to me toliko iritalo i provociralo. Jeste da smo i mi bili nas 50 je bilo tu i onda je gospodin Ferma kao glavni i odgovorni urednik Maglaja uzeo kameru i dao izjavu. To je krajnje nekorektno sa strane profesije, ja nikad neću zaboravit, gori asfalt, gori beton, to je nešto što niko Fermi ne može oduzet, to 100 godina unazad i unaprijed, će svako pamtiti, ali to je nešto što je bila profesija gospodina Hajrudina Fermića. A ovo je krajnje nekorektno što je uzeo televiziju i dao sam izjavu. Znači od nas 50 niko nije mogao ni jednu jedinu riječ da kaže, vi ste iščitali sve što ste imali za televiziju Maglaj, jer vi odlučujete o ovoj kameri. To nije za mene profesija, to nije bilo korektno i javnost medija je ta koja treba širu masu ljudi uključit. Vi ste iskoristili svoje pravo i mislim da to nije korektno i zato sam principijelan i zato sam ljut na tu javnu raspravu što s ne uvažava i zato tražim naknadu od te javne rasprave. Ko će platiti ne znam, ali jednostavno smatram da javna rasprava je morala biti uključena, ako nije uključena javna rasprava po MZ, onda gospodo vijećnici vi ste ovdje vas 25 pokrenite inicijativu da više ni jedna javna rasprava na općini Maglaj, nema jer ona nema smisla. Sutra će biti bilo kakva javna rasprava koja će možda proći ili ne proći. Zašto ova nije prošla? Zašto se nije uzelo u razmatranje? To je samo trebalo da bude proforme radi ukinite sve javne rasprave. Izglasajte 25 ruku gore i recite da nema javne rasprave. Što se tiče odluke ovih famoznih 5000 KM koja su predviđena ja stvarno ne znam zašto je neko predvidio 5.000 KM. Ja hoću sprovesti izbore u svojoj MZ meni ne treba ni fening, ko će biti predsjednik MZ sutra, nebitna stvar. Sazvat

ćemo zbor ljudi kažu taj je i ja znam da ja neću definitivno, jer ne želim da učestvujem u nečemu što po meni nije demokratski. Znači, javna rasprava, 5000 KM, neko je razmišljao o tome nije to Azra mogla napisat tek tako, neko je moro to njoj sugerisat da napiše 5.000. Dajte tih 5.000 KM bilo kojoj MZ koja gravitira na prostoru općine Maglaj, slobodno im dahnite, meni ne treba ni fening. Jedino ako mi hoće dati za rasvjetu 5000 KM to prihvatam. I vi svi vijećnici ako hoćete učestvovat u ovim sredstvima za javnu raspravu u Čobama, bit će velike plakate i dobit ćete zahvalnice i bit će sve. Ja sam iznio svoj stav kao čovjek koji dolazi s terena, ne želim nikog vrijeđati, ni potcjenjivat, rekao samo ono što mislim iz duše i to je 100% iskreno.

Vijećnik Hajrudin Fermić, replika moram replicirat nekako mi miriše na ona prethodna saopštenja koja su dolazila iz OOSDA, puno mi miriše ova rasprava, diskusija gospodina Jusufbašića. Moram da kažem radi javnosti da sam na javnoj raspravi kad je bila u pitanju ova odluka došao u funkciji prije svega vijećnika, člana mješovite radne grupe, a taj prilog je napravio moj kolega Faruk Zupčević koji je u tom momentu kao direktor bio novinar terenac i to je njegov autorski prilog. Prema tome, nemojte da obmanjete javnost i dajete kvalifikacije.

Hasib Sejmenović – MZ Kosova – ja sam prvi put u životu na jednom ovakvom sastanku, sjednici i vjerujte ako neko ko živi 55 godina na ovoj teritoriji općine i dođe prvi put ovdje i vidi ljude koji nisu ovdje izabrani da misle o građanima, nemo o svojim političkim partijama i sve ono što su prethodnici rekli za rad u MZ a veza je sa ovom tačkom dnevnog reda, ako je sve kako gospodin Fermić kaže i ti demokratski principi uz sve to za demokratske principe moraju biti neke odluke. Sad kad ste se izjašnjavali svi po ovim prethodnim tačkama dnevnog reda, najdemokracičnije kako reče gospodin Fermić je tajno glasanje, a one tačke koje ste vi izglasali danas, na tajnom glasanju ne bi mnogi vijećnici koji su sjedili s druge strane odglasali onako kako su odglasali ovdje, nego se neko danas boji ovdje svojih gesta, pozicija ili ne znam čega. Vi trebate svojom glavom razmišljati, ne glavom političke partije nekog danas šefa, nekog načelnika, da li šefa službe ili bilo koga. Vi trebate po svojoj savjesti da glasate između ostalog i o aktu koji nama u seoskim područjima mnogo znači u tom dijelu da nam ne ometa i onaj rad koji smo uspjeli dole napraviti, da nam pokušate kroz politike koje vi ovdje danas zastupate da svim članovima tih stranaka kažete sjedite dole, sjedite sa svojim komšijom, prijateljem, pokušajte dogovoriti ono što je najvažnije za vas dole. Ko će biti u MZ, ja sam nekakav privatnik, sve što imam štete u svom životu je zato što sam u MZ. Sve ono što ljudi mogu meni zamjeriti je zato što u određenom trenutku pokušavam ne dobijajući podršku iz organa koji bi trebali, pokušavam da možda zavačem ruku u njihov džep izvučemo koji dinar da bi mogli u MZ sufinansirati projekte koje nećemo dobiti ni od koga kako kažu nemate svog učešća. Ovo je samo korak unazad u radu MZ, ovo što se danas predlaže. Toliko toga ima relaksirajućeg koje se može uraditi i ovo vaše ovdje Vijeće. Pa vi ste ovdje ko neki protivnici, ko treba se boriti onaj protiv onog, onaj protiv onog. Vi danas radite iz ovog bloka ovamo, izgleda ono što su radili oni tamo, ali izgleda sad ko će nadjačat koga. Ko će biti gori od onog što nije valjo, interes je zajednički, vidite šta je interes nas građana pa da ja imam i kanalizaciju, kao ovaj čovjek u Maglaju, da ja imam i rasvjetu pomozite nam tu. Pomozite nam gdje trebamo dovući ljudima vodu, pomozite sve ono što mi nemamo na selima a ljudi imaju u gradu. To pomozite, hoćete li biti u kojoj partiji, kome se dodvoriti, volio bih da svi vi stanete u nevladine ili volonterske poslove i da dođete tamo gdje živite, da ocijenite i da svi ocijene vaš rad i kakvi ste ljudi. Iza političkih partija se svi kriju, ne vidim ni jednog vijećnika koji je sa svojim znanjem, iskustvom ili doprinosom došao u ovo Vijeće. Sve su vas izglasale političke partije, između ostalog ja znam, ja pripadam SDA, ali nikad mi nije bio u radu MZ prioritet stranka. Svojim komšijama kažem naš zajednički interes je Kosova, ne Maglaj znaju se oni dobro i bez nas gore tuč, ali kad mi ne govorimo nema inicijativa od nas. Kad ja i moj komšija ne govorimo a onda svima onima koji bi trebali da misle o nama imaju oni manje posla, jer ne trebaju nas otpuživat. Mi ćemo se pozabavit sobom, a ovo što ste vi gospodin Fermiću koliko sam ja vidio glavni akter ovoga, nikad niste radili u MZ. Vi ste teoretičar dobar, ali bogami praksa vas za kratko vrijeme bi sve vaše argumente praksa pobila. Izglasajte pa vrijeme će pokazati šta će bit od ovoga, a vi glasajte.

Vijećnik Hajrudin Fermić, - replika – hvala vama što vi meni dajete kompliment da ja izgledam mlađi nego što jesam. Ja i te kako imam puno iskustva u radu MZ, davno prije rata, a pored toga sam naravno i teoretičar. To je s jedne strane, s druge strane želim nešto posebno da potenciram. Velike riječi, teške riječi su danas izgovorene, krupe i kvalifikacije i sve samo iz jednog razloga što treba da se glasa po principu tajnosti. Ovo što vi govorite stranke žele ovo, oni žele ono, ovo je demokratija, meni zaista nije jasno. Umjesto da ovdje dođemo i da progovorimo o tome da li nama treba u ovakvoj funkciji izborna komisija. Da li nam treba? Da li nam treba deset dana roka ili pet, na koji način pospješit da uđu kako imamo zaštitu nacionalnu ravnopravnost, kako naseljena mjesta da zaštitimo, dakle, kako teritoriju u određenoj mjesnoj zajednici, kako da dobijemo te predstavnike, na koji način da sebi olakšamo bez obzira o kojem se Vijeću MZ radi, mi smo u startu napraviti kako vi rekoste blokove, ali nismo ga mi napravili. Nego ga je u startu od početka napravio sa ciljem ne ovo moramo da srušimo i nije bilo kvalitetne rasprave, s ove strane, niti je bilo kreativnih prijedloga. Ovo opet vraćam se ovo je sirovi materijal, a javna rasprava je tu pred vama i svi ste je dobili i mi smo danas trebali samo da kvalitetno napravimo jednu odluku. Sa ovim mojim prijedlozima, jedinim konkretnim prijedlozima smatram da pravimo puno bolju, kvalitetniju odluku nego što je ova sirova o kojoj ste se vi izjašnjavali i ovoliko teških riječi iznijeli. Puno je teških riječi bilo bez ikakvog razloga.

Vijećnik Safet Jašić, ako je ovo kraj diskusija, ja predlažem da glasamo tajno po ovoj odluci, ako prihvatate, tajno glasajmo pa da vidimo kako će se ljudi očitovati i poslije ovoga tražit ću pauzu.

Da ne čitam sve, zbog svega navedenog Klub vijećnika SDA neće podržati prijedlog Odluke..., te predlažemo da se odluka povuče iz procedure.

Pauza na zahtjev Kluba koalicije.

Pauza na zahtjev Kluba samostalnih vijećnika Delić i Bešić.

Predsjedavajuća OV, dajem na glasanje prijedlog Kluba SDA da se glasanje po ovoj tački dnevnog reda vrši tajnim putem, ko je za ovakav prijedlog Kluba SDA.

Glasalo 11 glasova za : Adis Abdurahmanović, Nedžad Alispahić, Selma Avdić, Mirsad Bejzić, Delić Edib, Hasanić Šefka, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić samostalni vijećnik.

Glasalo 13 glasova protiv : Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić,(SBB), Elvir Vehabović (SBiH), Hajrudin Fermić (DF) Mustafa Bešić, Kanita Bašić samostalni vijećnici,

Glasalo 1 uzdržan : Josip Jurišić (HDZ).

Konstatujem da prijedlog SDA nije dobio potrebnu većinu, dakle glasanje će biti javno.

Predsjedavajuća OV, dajem na glasanje dopunjen prijedlog Odluke o postupku, rokovima i uslovima/uvjetima provođenja izbora kao i utvrđivanju rezultata izbora za članove Vijeća mjesnih zajednica na području općine Maglaj sa predloženim setom prijedloga koje je iznio vijećnik Hajrudin Fermić i predlažem

Z A K L J U Č A K

- 4.1. Donosi se Odluka o postupku, rokovima i uslovima/uvjetima provođenja izbora kao i utvrđivanju rezultata izbora za članove Vijeća mjesnih zajednica na području općine Maglaj, uz dopune i set zaključaka iznesenih od strane dopredsjedavajućeg.
- 4.2. Izbori za organe u MZ će se provesti po odredbama ove Odluke za sve mjesne zajednice u periodu od 13 do 28. aprila 2018.
- 4.3. Funkciju izborne komisije obavljat će Komisija za izbor i imenovanje OV Maglaj, kao i predstavnik SDA, kojeg će ovaj politički subjekt dostaviti Komisiji pisanim putem i predstavnik općinske uprave kojeg će odrediti Općinski načelnik, pisanim putem i svoju odluku dostaviti Komisiji.
- 4.4. Izborna komisija će u roku od 30 dana od dana stupanja na snagu ove Odluke, pripremiti Uputstvo za rad biračkih odbora i isti dostavi predsjednicima Vijeća MZ.
- 4.5. Članovima Vijeća MZ kojima je istekao ili ističe aktuelni mandat, nastavljaju sa radom do provođenja izbora na osnovu ove Odluke do provođenja novih izbora za članove Vijeća MZ, koji će provesti na temelju odredbi ove Odluke
- 4.6. One MZ koje su provele izbore za članove Vijeća MZ do dana stupanja na snagu ove Odluke, a kojom prilikom nisu ispoštovane odredbe Statuta MZ o propisanom kvorumu, kao i odredbe o koordinaciji sa nadležnom Službom Općine Maglaj, provest će nove izbore za članove Vijeća MZ u postupku, roku i datumu određenim ovom Odlukom.

Glasalo 13 glasova za : Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić,(SBB), Elvir Vehabović (SBiH), Hajrudin Fermić (DF), Mustafa Bešić, Kanita Bašić samostalni vijećnici,

Glasalo 11 glasova protiv : Adis Abdurahmanović, Nedžad Alispahić, Selma Avdić, Mirsad Bejzić, Delić Edib, Hasanić Šefka, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić samostalni vijećnik.

Glasalo 1 uzdržan : Josip Jurišić (HDZ).

Vijećnik Safet Jašić, sve vrijeme mi što predlažemo javno, a vi kažete da treba tajno, a mi kažemo hajmo tajno, a vi hoćete javno. Koga vi pravite nekim debilima ovdje. Ovo je čist primjer halal vjera. Borite se za tajno glasanje, i mi kažemo hajde da glasamo tajno, a vi kažete ne nećemo mi hoćemo javno.

Predsjedavajuća OV, replika – kad se govorilo i neću više otvarati diskusiju po ovoj tački dnevnog reda obzirom da je diskusija završena, ali moram ispraviti ove navode od gospodina Jašića. Prijedlog u odluci vezano za izjašnjavanje u MZ je isto kao glasanje na izborima, dakle mi tajno glasamo o kandidatima, o imenima se tajno glasa i na općim i na lokalnim izborima i to je i prijedlog i za MZ. A glasanje unutar Vijeća koje je jednako OV je javno, a ne tajno. Znači da samo otklonim tu dilemu, što pogrešno u javnosti širite dezinformacije.

Predložena je pauza od 30 minuta za ručak. Vidimo se ponovo u 15,40 minuta.

U nastavku sjednice nije prisutan vijećnik Alispahić Nedžad.

AD – 5 Prijedlog Odluka o usvajanju izmjene Regulacionog plana Centar Maglaj-južni dio «Herceg « d.o.o. Maglaj;

Sjednicom u nastavku predsjedava dopredsjedavajući gospodin Hajrudin Fermić.

Fuad Hajrulahović - obrazloženje Odluke.

Bilo bi dobro da se stavi u zaključak da firma „Herceg“ nema pravo uslovljati budućeg korisnika tj. Općinu Maglaj koja bude to prodavala ili ustupila na neki drugi način, da taj objekat mora biti puno više udaljen nego što je sada njegov.

Znači u konkretnom slučaju kompletna procedura je provedena u skladu sa Zakonom, malo je duže trajalo iako je bio skraćeni postupak ali trajalo je više od godinu dana.

Vijećnik Muhamed Hrnjić, predsjednik Komisije za privredu...

Fudo je sve lijepo objasnio, 23.02. 2018. godine Komisija je održala sastanak na kome su bili prisutni svi članovi Komisije. Mi smo ovaj dan imali tri tačke dnevnog reda koje su danas na sjednici. Po ovom pitanju Komisija predlaže Općinskom vijeću da se donese Odluka o usvajanju izmjene Regulacionog plana Centar Maglaj-južni dio «Herceg « d.o.o. Maglaj.

Otvaram raspravu

Vijećnik Armin Hrnjić, Klub SDP-a je razmatrao prijedlog Odluke o usvajanju izmjene Regulacionog plana Centar Maglaj-južni dio, po zahtjevu firme «Herceg « d.o.o. Maglaj i podržat ćemo stav Komisije, kao i prijedlog ove Odluke.

Vijećnik Mirsad Bejzić, Klub vijećnika SDA prihvata prijedlog Odluke o usvajanju izmjene Regulacionog plana Centar Maglaj-južni dio «Herceg « d.o.o. Maglaj.

Dopredsjedavajući OV, zaključujem raspravu i dajem na glasanje

ZAKLJUČAK

5.1. Donosi se Odluka o usvajanju izmjene Regulacionog plana Centar Maglaj-južni dio «Herceg « d.o.o. Maglaj;

5.2. Firma „Herceg“ nema pravo uslovljavati budućeg korisnika tj. Općinu Maglaj koja bude to prodavala ili ustupila na neki drugi način, da taj objekat mora biti puno više udaljen nego što je sada njegov

Glasalo 24 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Elvir Vehabović (SBiH), Hajrudin Ferić (DF), Mustafa Bešić, Fikret Delić, Kanita Bašić, samostalni vijećnici, Josip Jurišić (HDZ), Adis Abdurahmanović, Selma Avdić, Mirsad Bejzić, Delić Edib, Hasanić Šefka, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić, samostalni vijećnik.

AD – 6 Prijedlog Odluke o pristupanju izmjene Regulacionog plana «Centar Maglaj-sjeverni dio» Biljinac Bekrija;

Fuad Hajrulahović, - obrazloženje Odluke.

Razlog za ovakvo postupanje izmjene Regulacionog plana Centar Maglaj, potekao je od pisanog zahtjeva vlasnika zemljišta gospodina Biljinac Bekrije. On u vlasništvu i posjedu ima zemljište kao što ste vidjeli parcela 1453/1. Radi se o zemljištu koje tu neposredno tu koje graniči sa zgradom koje mi zovemo „stambeno“. Gospodin Bekrija Biljinac je vlasnik ove parcele koja graniči dijelom sa zgradom tzv. „stambenog“ i dole skroz ulice Srebreničkih žrtava, on je kupio tu kuću koja je kod Delibegovog hana. Njegov zahtjev je bio da se tu predvidi jedan stambeni objekat dimenzija cca 20x22 metra, spratnosti P+3+potkrovlje. Kada je Služba razmatrala ovaj njegov zahtjev, onda smo došli do zaključka da u okviru postojećeg Regulacionog plana koji je na snazi koji je važeći da je na tom dijelu i na dijelu općinske zemlje predviđena izgradnja jednog stambeno-poslovnog niza od više lamela. S obzirom da su određene promjene nastale u prostoru, a nastale su izgradnjom ovog stambenog objekta od Herceg Edina i njegovog sina, Služba je smatrala da ne može u okviru svojih ovlasti po pitanju provođenja Regulacionog plana odlučivati sama i onda je dala prijedlog Odluke da OV ukoliko se slaže da se donese danas Odluka o pokretanju inicijative za djelimičnu izmjenu Regulacionog plana u ovom dijelu grada Maglaja. Jedan od drugih razloga zašto bi trebalo da se radi, radi se o samom objektu koji je na samom uglu ulice Srebreničkih žrtava i Sulejmana Omerovića Cara, koji je u ruševnom stanju i koji sigurno onakav kakav jest niko ga ne može ni adaptirati ni popraviti jer su to velike investicije i zato je Služba smatrala da bi ovaj čitav dio od ulice Sulejmana Omerovića do dijela sa stambenim i ovamo do dijela iza zgrade Hana, da se provede procedura i da se taj prostor organizacije onako kako struka nalaže i onako kako postojeći objekti koji bi trebali tu da ostanu da se tako i uradi. U zahtjevu koji je gospodin Biljinac podnio, znači dio saobraćajnice koja predviđa parking prostor i koja omogućava život budućem stambeno poslovnom nizu od pet lamela ne bi se mogla izgraditi saobraćajnica, bio bi upitan prilaz parking prostoru, a ono što je u svemu tome najbitnije ta njegova želja i taj njegov objekt koje on planira da gradi bi se približio prozorima postojećih stanova i poslovnih prostora u zgradi neposrednoj. Zato Služba smatra da ovaj dio treba u cijelosti sagledati i dati konačno rješenje da ne budu ni jedni objekti ugroženi, a da se po mogućnosti udovolji u onoj mjeri koja neće uticati na okolinu i postojeći budući objekat. Zakon o prostornom uređenju kaže da se izmjena regulacionog plana donosi na isti način kako se i donosi regulacioni plan. Postoje dvije varijante, jedna je varijanta po skraćenom postupku, jedna je po redovnom. Po skraćenom postupku mogu da se rade ove sitne izmjene koje bitno ne utiču na samu promjenu u prostoru, s obzirom da se ovdje ipak radi o malo većoj površini i malo kompleksnijem zahvata, Služba smatra da bi ovo ipak trebalo da ide u redovnu proceduru s obzirom na okolne objekte i okolne stanare da im se da mogućnost izjašnjavanja i javni uvid u javnu raspravu da iskažu svoju želju. Ukoliko to sve prođe kako treba dođe opet na sjednicu Vijeća da se i vi konačno izjasnite o prijedlogu izmjene koja će se prihvatiti ili neće...

Vijećnik Muhamed Hrnjić, Komisija predlaže Općinskom vijeću da se donese Odluka o pristupanju izmjene Regulacionog plana Centar Maglaj-sjeverni dio za Biljinac Bekriju. Komisija predlaže da se postupak provede u redovnoj proceduri.

Otvaram raspravu

Vijećnik Mirsad Bejić, Klub vijećnika SDA prihvata prijedlog Odluke o pristupanju izmjene Regulacionog plana Centar Maglaj-sjeverni dio po zahtjevu Biljinac Bekrije.

Vijećnik Armin Hrnjić, Klub SDP-a je razmatrao i ovu tačku dnevnog reda, prijedlog Odluke o pristupanju izmjene Regulacionog plana Centar Maglaj-sjeverni dio po zahtjevu Biljinac Bekrije, i podržat ćemo isti uz stav komisije. Predlažemo i mi da ide u redovnu proceduru.

Vijećnik Hajrudin Ferić, pridružujem se onim koji predlažu redovan postupak, svakako i samo bih htio da napomenem Službu, onog ko bude radio izmjene Regulacionog plana, da nam dostavi i kroz nacrt, a i sve one dalje korake obavezne sastavne dijelove izmjena Regulacionog plana koji su regulisani po Uredbi o jedinstvenoj metodologiji, da nam se ne bi ponovilo ono što se desilo sa ovim ovdje objektom koji je u samom centru grada, koji je blizu Delibegovog konaka, koji ruši taj dio i molba. Ukoliko se može, a mislim da se može ne samo zbog stanara, da se vodi računa prilikom izmjena Regulacionog plana da se arhitektonski uredi i taj dio oko Delibegovog konaka, a svakako spada u taj dio.

Dopredsjedavajući OV, zaključujem raspravu i dajem na glasanje

Z A K L J U Č A K

6.1. Donosi se Odluka o pristupanju izmjene Regulacionog plana Centar Maglaj-sjeverni dio Biljinac Bekrija.

6.2. Općinsko vijeće Maglaj predlaže da se postupak izmjene Regulacionog plana Centar Maglaj – sjeverni dio, provede u redovnoj proceduri.

Glasalo 24 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Elvir Vehabović (SBIH), Hajrudin Ferić (DF), Mustafa Bešić, Fikret Delić, Kanita Bašić, samostalni vijećnici, Josip Jurišić (HDZ), Adis Abdurahmanović, Selma Avdić, Mirsad Bejić, Delić Edib, Hasanić Šefka, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić, samostalni vijećnik.

AD – 7 a) Nacrt Odluke o davanju u zakup građevinskog zemljišta u državnoj svojini;

b) Nacrt Odluke o privremenom korištenju javnih površina sa programom;

Dopredsjedavajući OV, da li ćemo sedmu tačku raditi odmah i pod a i b i c. To je ono što smo dopunili Odluka o davanju u zakup građevinskog zemljišta u državnoj svojini, Nacrt Odluke o privremenom korištenju javnih površina sa programom zauzimanja javnih površina za postavljanje ljetnih bašta.

Fuad Hajrulahović – obrazloženje

Vi ste danas u toku sjednice nekoliko puta govorili o zakonitosti, o nezakonitosti, znači jedan od tih naših prijedloga, odnosno na inicijativu OV da se s ve odluke usklade sa važećim zakonskim i podzakonskim aktima, došlo je na red da i ove Odluke da su urađene i one su u prijedlogu kao nacrt da idu. Vaša saglasnost nam danas treba da ako prihvatite ovo kao nacrt da mi možemo organizovati javnu raspravu i bilo bi dobro da se i vi uključite u javne rasprave. Što su nam bitne ove odluke, vrlo su bitne zato što Općina ima direktne prihode primjenom ovih odluka.

S obzirom da imamo četiri odluke, da imamo Odluku o komunalnom redu, sanitarno higijenskim mjerama u kojima je dosta stvari definisano gdje će se ovdje primjenjivati, mi imamo obavezu da u roku od 60 dana provedemo te, u narednoj sedmici imamo dvije. Što se tiče Službe mi možemo odraditi brzo na vama je samo da kažete kako vi možete to koliko je bitno. Mi možemo javnu raspravu po ove dvije odluke provesti u roku od 20 dana.

Otvaram raspravu

Vijećnica Svjetlana Zamboni, obzirom da se radi o nacrtu mi smo na pauzama koje smo imali prihvatajući ovu tačku dnevnog reda usaglasili se da obzirom da se radi o nacrtima i da se radi o iznimnom interesu Općine, odnosno Budžeta da to ide u javnu raspravu iako se nismo bavili samim materijalom te ćemo sve svoje sugestije dati u procesu javne rasprave i slažem se da ovaj predloženi rok za provođenje javne rasprave bude 20 dana.

Dopredsjedavajući OV, zaključujem raspravu i dajem na glasanje

Z A K L J U Č A K

7.1. a) Usvaja se Nacrt Odluke o davanju u zakup građevinskog zemljišta u državnoj svojini.

7.2. b) Usvaja se Nacrt Odluke o privremenom korištenju javnih površina.

7.3. c) Usvaja se Program zauzimanja javnih površina za postavljanje ljetnih bašti

7.4. Otvara se javna rasprava u trajanju od 20 dana.

7.5. Za sprovođenje javne rasprave zadužuje se Služba za urbanizam, geodetske i imovinsko pravne poslove.

Glasalo 13 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Elvir Vehabović (SBIH), Hajrudin Ferić (DF) Mustafa Bešić, Kanita Bašić samostalni vijećnici, Josip Jurišić (HDZ).

Konstatujem da prijedlozi SDA nisu dobili potrebnu većinu.

Glasalo 11 glasova uzdržano: Adis Abdurahmanović, Selma Avdić, Mirsad Bejzić, Delić Edib, Hasanić Šefka, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić samostalni vijećnik, Josip Jurišić (HDZ).

AD – 8. Program održavanja gradskog zelenila sa finansijskim pokazateljima za 2018. godinu;

Fuad Hajrulahović – mi svake godine imamo održavanje gradskog zelenila. Održavanje gradskog zelenila, mokrom održavanju javnih površina i realizaciji mini projekata iz oblasti zaštite životne sredine u 2018. Godini. Finansira se isto kao i dosadašnjih godina, znači iz sredstava doznačnih od Fonda za zaštitu okoliša ZDK za općinu Maglaj i obuhvaćeni poslovi će se realizovati po pravilu sredstava izvršenih uplata od Fonda. Znači mi imamo u Budžetu planiranih ove godine 100.000 KM. Ukoliko dođe 100.000 KM, potrošit ćemo, ako dođe manje potrošit ćemo manje, ako dođe više potrošit ćemo više. U ovim tabelama ovdje vidjeli ste da smo iskazali površine koje će se obrađivati, a u ove površine, odnosno djelatnosti koje će se raditi na održavanju zelenih površina to je mašinsko košenje trave, izgrablivanje i odstranjivanje otpada, orezivanje žive ograde, orezivanje grmlja, okopavanje, pljevljenje grmlja i žive ograde sa odstranjivanjem otpada, čišćenje obale rijeke Bosne, utovar i odvoz otpada, ono što e pokosi, pogradi znači da se i odveze. Za ovu 2018. Godinu po ovom programu predviđeno je da se pokosi negdje oko 87 duluma, da se izgrabi isto toliko, nešto manje, jer imamo neke površine koje realno ne grabimo, da se nekih 1690 m žive ograde ošiša, da se izvrši orezivanje grmlja i određenog niskog rastinja negdje oko 686 metara, okopavanje i pljevljenje žive ograde negdje oko 2200 m, čišćenje korita rijeke obale od Natrona do gradskog mosta i ispod gradskog mosta prema Domu zdravlja s obe strane u površini od nekih 12 duluma. Znači sve to kad se počisti, pokosi od prilike dosadašnja iskustva kažu da je to nekih 660 prostornih metara otpada. U okviru ovog programa osim što je planirano iz ovih 100.000 KM da se radi, isto tako su i predviđeni i projekti po pitanju mini projekti zaštite životne sredine, a to je konkretno. Radi se o hortikulturnom uređenju centralnog parka, također se radi o održavanju fontane u Parku ljljana, hortikulturno uređenje u kružnom toku u sjevnom dijelu grada i tu su uređenja spomen obilježja. Radi se o spomen obilježjima koja gravitiraju u gradu i u Novom Šeheru. Radi se o čišćenju gradine, spomen obilježja na Čakalovcu, u Novom Šeheru, spomen obilježja kod solitera, gore kod tunela Dancima i ono sve što je po pitanju spomen obilježja u samom gradu Maglaju. Zatim tu je predviđena određena količina nabavki klupa, korpi, i ovog drugo sitnog uličnog mobilijara i tu je i ono organizovanje takmičenja po pitanju najljepšeg balkon i najljepše uređeno dvorište. Znači po ovom Programu za održavanje zelenih površina i niskog rastinja i grmlja, predviđeno je 56.548,40 KM. Održavanje gradskih drvoreda to je 3.451,60 KM i mini projekti iz oblasti zaštite životne sredine je planirano 40.000,00 KM. Ovo su planirana sredstva i sredstva koja su predviđena u Budžetu, a Budžet koji ste vi usvojili na poziciji 613 951 u iznosu od 100.000 KM, realizacija ovih sredstava i ovog programa zavisit će od priliva sredstava koja dođu za 2018. godinu.

Vijećnik Muhamed Hrnjić, Komisija za privredu ... je raspravljala i o ovoj tački dnevnog reda. Komisija predlaže Općinskom vijeću da se usvoji Program održavanja gradskog zelenila sa finansijskim pokazateljima za 2018. Godinu. Komisija predlaže da se Program dopuni sa jediničnom cijenom i ovdje što ću još podvuć da je za ovu godinu tako lijepo napravljen Program, ova tabela da se tačno vidi gdje će se šta i koliko uraditi.

Otvaram raspravu

Vijećnica Edina Jašić, Klub vijećnika SDA ne prihvata Program održavanja gradskog zelenila sa finansijskim pokazateljima za 2018. godinu.

Mehmed Bradarić, ne bih ponavljao što je šef Službe rekao. Program je jasno definisano tamo sve piše, mi znamo šta nam je raditi. Imam molbu prema vijećnicima da je na pravi način interpretiraju. Vi ste prošli mjesec usvojili Program higijene i zimskog održavanja i ja imam već pojavu da se ona na terenu pogrešno interpretira pa to stvara određene zabune ukoliko se one nastave takve pogrešne interpretacije, ja ću se javno i oglasiti. Kao što vidite ove rubrike su potpuno prazne, eliminisali smo ono koliko ćemo puta šišati nema pantljike kao što je ranije bilo ja jedino mogu obećati da neće biti zapuštenih površina, tako da nam ovo apsolutno ništa ne znači. I ovo bih želio reći ovaj Program je uglavnom skoncentrisan na grad i nešto malo na Šeher, ali ja mogu obećati da ćemo na novošeherском kraju imati jednog radnika koji će biti stalno zaposlen, on će gore samo raditi i obuhvatat će čitavo područje, tako da će on raditi, čistiti i u Šeheru, Kopicama, Čobama i kad uključimo Mladoševicu u odvoz smeća. On će gore stalno raditi već od sredine marta ili početka aprila. Mi tu stvar i do sad radimo... Puno više angažovat ćemo se nego što piše ovdje u ovom Programu...

Na kraju da kažem da smo mi već puno toga posadili i ni jednu jedinu marku iz Budžeta i KJD nismo potrošili za te sadnice, to su sve donacije. Preko 300 novih stabala je u gradu posađeno bit će toga još i također će to biti donacije. Poruka i ljudima u mjesnim zajednicama i stambenim jedinicama, prostorima da se snađu da sade cvijeće, ruže, a mi ćemo uraditi sve što je u našoj moći.

Vijećnik Edib Delić, Direktor je jednom riječju spomenuo da se Odluka o komunalnom redu odnosno odvozu smeća pogrešno interpretira, pa sam indirektno osjećao se prozvanim i da kažem par stvari. Ja sam sa Dišrektorom u pauzi razgovarao i hvala mu na informaciji. Ja sam tu optužen kao predsjednik MZ od strane nekog građanina sa mog prostora i navodno je došla informacija da sam ja protiv i da ja širim dezinformacije i kako nagovaram ljude da ne plaćaju smeće, odnosno da se ne odvozi smeće sa područja moje MZ. Vi vrlo dobro znate da MZ Moševac je među

prvim MZ koja je potpisala sporazum o odvozu smeća i ja radim na tome i poslije samog imenovanja novog direktora u KJD tamo smo dogovorili način kako da poboljšamo naplatu odvoza smeća sa području MZ Moševac. Samo bi želio da se saslušaju i druga strana da se ne donose odluke jednostrano. Ja imam osjećaj da je i Načelnik meni rekao da ja širim, pa imam osjećaj da je to u pitanju pa kažem ovdje javno. Ne pravdam se nikome ali ovo je čista izmišljotina i budaleština za mene.

Vijećnik Mustafa Bešić, što se tiče Programa naš klub će ovo podržati. Ono što mi je jako drago što je Direktor iznio a to je za novošeherski kraj da ćemo imati jednog radnika koji će svaki dan po potrebi u nekoj MZ ili naselju raditi na čišćenju.

Dopredsjedavajući OV, ja želim da kao predsjedavajući iskažem malo jednu dilemu. Predsjednik Komisije u svom prijedlogu je između ostalog predložio da se dopuni sa jediničnim cijenama, niko se nije izjasnio o tome kad je u pitanju zaključak. Da li da to ostavimo da se vi tamo u nekim procedurama dogovarate o tome.

Općinski načelnik, Hoću da kažem zašto smo se vodili ovakvom tabelom bez unosa jediničnih cijena. Površine tu nisu ažurirane ima netačnih površina, ima netačnih dužina. Pogledajte kod Hotela svake godine se uredno ispostavljalo da je ograda šišana nekoliko puta, nema je i ne postoji. Direktora su malo i prevarili kada je počistio ovaj dio u Liješnici da ispostavi fakturu Općini. Ta gore površina nije bila u ovom Programu i zato smo ovaj put krenuli da izvršimo ažuriranje i ovog programa za ubuduće. Navedene su sve površine koje su do sad bile i navedeno je nešto novih površina i ima tamo stoji i druge površine. Dakle, ukupno košenje će biti veće nego što je bilo do sada, a za isti novac. U hodu kako bude tekla godina tako ćemo ažurirati i površine i dužine i onda ćemo imati iduće godine pravu sliku. Do sad je bilo problema, probleme sam osjećao čitavu ovu godinu dana. Prvo sam zatekao da se naplaćuje hidrant tamo koji se ne koristi. Ova fontana, smeće od Općine gdje sam pratio prvo koliko se odvozi, a koliko se naplaćuje. Pa je onda bilo koliko puta kupim, šta grabim, šta ne grabim. Dođe faktura za grabljenje a tamo ostalo na terenu nepograbljeno itd. Bilo je da se kamion fakturiše da radi cijeli dan onaj u koji se kupilo granje, taj kamion se pomjerao pomalo i nije radio punih 8 i po sati koliko glasi na fakturi itd. Dakle, sad smo rekli radit ćemo sve to što je rađeno, radit ćemo više. Nećemo reći da je to tri puta košenje, ako bude godina takva da treba 5 ili 6 puta kositi kositi će se i 5 i 6 puta. Zbog toga se nismo htjeli da vežemo sebi ruke, ovo je malo na štetu KJD, ali da ne bi sutra kazali u programu je bilo 4 puta, mi smo 4 puta pokosili i šta nas briga do idućeg proljeća. Radit će se, kositi će se i Maglaj je puno čišći nego što je bio. Isto tako će biti i puno uredniji ovu godinu nego što je bio, a KJD neće biti oštećeno u tom procesu.

Dopredsjedavajući OV, zaključujem raspravu i dajem na glasanje

ZAKLJUČAK

8.1. Usvaja se Program održavanja gradskog zelenila sa finansijskim pokazateljima za 2018. godinu;

Glasalo 13 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Elvir Vehabović (SBiH), Hajrudin Ferić (DF) Mustafa Bešić, Kanita Bašić samostalni vijećnici, Josip Jurišić (HDZ).

Konstatujem da prijedlozi SDA nisu dobili potrebnu većinu.

Glasalo 10 glasova protiv: Adis Abdurahmanović, Selma Avdić, Mirsad Bejić, Delić Edib, Hasanić Šefka, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić samostalni vijećnik,

Glasalo 1 uzdržan: Josip Jurišić (HDZ).

AD – 9 Nacrt Programa poticaja u poljoprivrednoj proizvodnji općine Maglaj za 2018. godinu;

Ferhat Bradarić, ovaj dokument ide redovno u proceduru svake godine poslije usvajanja Budžeta. U proteklom periodu to je obrazlagao naš bivši kolega Dragomir Dunder. Mi sad nemamo uposlenog čovjeka na poslovima poljoprivrede i to radimo u okviru redovnog rada Odjeljenja.

Kada je u pitanju Program, to su sredstva koja su opredjeljena kroz Budžet na poziciji subvencioniranje projekata u oblasti poljoprivrede u iznosu od 185.000 KM. U poređenju sa 2017. Godinom kad je bilo planirano 142.500 KM, a izvršenje bilo cca preko 50%, ove godine je povećanje te pozicije za nekih 23%, tako da u suštini sve je definisano kroz Program poticaja i u suštini je na nivou prethodnih godina. Plan je da s sufinansiranjem programi i projekti iz oblasti animalne proizvodnje na nivou 60% planiranih sredstava, a biljna proizvodnja i ono ostalo sve što spada kroz biljnu proizvodnju na 40%. Kroz Program je planirano da to bude odstupanje od nekih 5% + i – s tim da ukoliko planirana sredstva za pojedine pozicije budu premašena po pitanju podnesenih zahtjeva od strane naših aplikantata konkretno poljoprivrednika, udruženja, registrovanih obrtnika i firmi koje su u oblasti poljoprivrede da se to može kasnije korigovati po ovom planu. Obzirom da je teško na početku godine predvidjeti šta će sve biti ostvareno kroz proizvodnju na nivou godine, to su neke stvari koje se moraju kao takve i definisati. Ovo je dokument u formi nacrtu i naravno poslije usvajanja ovog dokumenta, trebao bi da bude dat na javnu raspravu da se ispoštuje ta transparentnost da se da prilika našim poljoprivrednim proizvođačima, nosiocima poljoprivrednih gazdinstava, predstavnicima udruženja i zadruga i ovih ostalih koji se bave srodnom djelatnosti poljoprivrede da izraze svoje prijedloge i sugestije i naravno da kao takve mi nama predočimo na jednoj od narednih sjednica gdje bi se ovaj dokument usvojio. Po ovom programu poticaja u oblasti poljoprivrede predviđeno je da sva sredstva osim sredstava koja se dodjeljuju proizvođačima sirovog kravljeg mlijeka do kojih dolazimo na nivou kvartalnog isplaćivanja sredstava po dostavljenim

spiskovima organizovanih otkupljivača, sva ostala sredstva bi bila raspoređena kroz javne pozive, a naši poljoprivrednici, zadruge, udruženja i nosioci poljoprivrednih gazdinstava bi bil upoznati putem lokalnih medija i mjesnih zajednica, svih onih instrumenata kojima raspolaže Općina Maglaj.

Otvaram raspravu

Vijećnik Bešić Mustafa, što se tiče Nacrta, naš klub će podržati Programa poticaja u poljoprivrednoj proizvodnji općine Maglaj za 2018. Godinu. Ono što mi je drago kao poljoprivredniku koji se bavi jednom od grana da se našlo ovdje prostora da se povećaju stavke za izdvajanje poticaja u poljoprivredi. Imali smo u prethodnoj godini 142.500 KM, za 23% je povećano. Želim još da iznesem da je prvi put u prošloj godini na općini Maglaj isplaćeno 50 feninga za poticaj za maline po kg. Želim da pohvalim kompletno Općinsko vijeće koje je donijelo Odluku za prošlu godinu po pitanju pčelarstva. Rekli su mi ljudi da se zahvalim da je prvi puta doneseno 7 KM po košnici i ljudi se zahvaljuju. Vjerujemo da će to biti još povećanja i da će se naši što veća podrška za poljoprivrednu proizvodnju. Naš klub će podržati ovaj Nacrt Programa.

Vijećnik Adis Abdurahmanović, Klub vijećnika SDA ne prihvata Prijedlog nacrta poticaja u poljoprivrednoj proizvodnji općine Maglaj za 2018. Godinu, zbog toga što smo protiv svakog umanjavanja poticaja bez obzira na obim proizvodnje, a što smo isticali i kod donošenja rebalansa Budžeta. Poticaj za poljoprivrednu proizvodnju trebaju biti stimulativni s ciljem povećanja proizvodnje, a ne da se u tom slučaju umanjuje, što bi djelovalo destimulativno za poljoprivredne proizvođače.

Vijećnica Irena Herceg, Klub vijećnika SDP-a je razmatrao nacrt Programa poticaja u poljoprivrednoj proizvodnji općine Maglaj za 2018. godinu i smatra ga dobrom osnovom za javnu raspravu. Što se tiče roka za sprovođenje javne rasprave prihvatit ćemo prijedlog Službe. .

Vijećnik Hajrudin Fermić, i ja želim da izrazim zadovoljstvo što je i ove godine planirano tih 180 i nešto hiljada KM u Budžetu za poticaj u poljoprivredi i mislim da na ovaj način i pratimo i realizujemo i onu strategiju razvoja poljoprivrede koju smo usvojili prošle godine na području općine Maglaj, a evo i pohvale ne samo odavde, nego i sa terena pokazuju da je ovaj Program zaista kvalitetan i ono što je najbitnije barem za nas i transparentan. Ja bih obzirom da ulazimo u fazu javne rasprave sugerisao da se pokušaju tu rezervisat određena finansijska sredstva za interventne mjere prilikom nepogoda, a sjetimo se da je prošle godine najmanje dva puta bilo početkom aprila a i onda nešto kasnije, tako da se čuvaju u rezervi neka interventna sredstva za namjene poljoprivrednicima, a isto tako bi sugerisao da se pokuša naći i mogućnost da se uvede nova linija poticaja koja bi bila podrška poljoprivrednim proizvođačima prilikom certificiranja organske proizvodnje. Mislim da nam je to i doktor Tanović sugerisao, a mislim da već postoje i neke inicijative na području općine Maglaj da se ide u tom pravcu, pa da se pokuša to kroz javnu raspravu malo i pogledati.

Dopredsjedavajući OV, zaključujem raspravu i dajem na glasanje

ZAKLJUČAK

9.1. Usvaja se Nacrt Programa poticaja u poljoprivrednoj proizvodnji općine Maglaj za 2018. godinu.

9.2. Otvara se javna rasprava u trajanju od 15 dana.

9.3. Za provođenje javne rasprave zadužuje se Služba za privredu, finansije i razvoj poduzetništva.

Glasalo 13 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Elvir Vehabović (SBiH), Hajrudin Fermić (DF), Mustafa Bešić, Kanita Bašić samostalni vijećnici.

Konstatujem da prijedlozi SDA nisu dobili potrebnu većinu.

Glasalo 10 glasova protiv: Adis Abdurahmanović, Selma Avdić, Mirsad Bežić, Delić Edib, Hasanić Šefka, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić samostalni vijećnik,

Glasalo 1 uzdržan: Josip Jurišić (HDZ).

AD - 10. Nacrt Programa utroška sredstava - Poticaj u zapošljavanju mladih poduzetnika za 2018. godinu;

Ferhat Bradarić, kao i prošle godine Općina Maglaj je i 2018. godine opredijelila 15.000 KM kroz Budžet za poticaj mladim poduzetnicima. Da bi ta sredstva stavili na raspolaganje našim sugrađanima koji žele da pokrenu privatni biznis mi moramo napraviti program po kojem bi se postupalo, to znači na osnovu kojeg bi se raspisao javni poziv, izvršila evaluacija, ocjena tih korisnika i dala mogućnost da ti naši eventualno budući poduzetnici registruju svoj privatni biznis. To je pozicija koja je predviđena u Budžetu na poziciji 615 211 Poticaj mladom poduzetništvu, a korisnici ovog programa su mladi poduzetnici i znači nije definisan vremenski starosnom dobi, da se nalazi na evidenciji nezaposlenih da imaju mjesto prebivališta na području općine Maglaj, da imaju minimalno III stepen stručne spreme bilo koje struke i naravno da imaju želju za pokretanje privatnog biznisa. Naravno ovo je dokument koji stavljamo u formi nacrta, znači da damo priliku našim sugrađanima da izraze svoje stavove i mišljenja po ovom dokumentu, a nakon ovog dokumenta po odluci Načelnika pokrenule bi se aktivnosti a to je raspisao bi se javni poziv i dala prilika da naši sugrađani izvrše registraciju biznisa sa jednim iznosom poticaja koji bi bio od strane općinskog Budžeta. Za vašu informaciju prošle godine je u ovom programu ostavljena mogućnost da to bude u rasponu od 3.000 do 5.000 KM gdje naravno Komisija vrši procjenu o kvaliteti tih biznisa i ideja. Prošle godine je dodijeljeno 5

grantova za naših 5 sugrađana i oni su izvršili registraciju uredno kod općinske Službe za privredu i finansije i kao takvi su i dalje u funkciji i imaju tu obavezu do 12 mjeseci minimalno da drže taj biznis. U dosadašnjim kontaktima sa njima koje smo imali sve je uredno nemaju nekih posebnih problema. Znači tu podršku koju su dobili u tom momentu i koju sad imaju od strane općine je uredna. Predložili bi period za javnu raspravu 15 dana.

Otvaram raspravu

Vijećnica Anida Šahman, budući da Općinsko vijeće donosi Program poticaja u zapošljavanju mladih poduzetnika, kao što i šef Službe Ferhat reče, materijal je dostavljen u vidu nacrt, stoga s pozivaju svi da dođu na javnu raspravu ukoliko smatraju da na bilo koji način mogu doprinijeti što boljem krajnjem izgledu ovog programa. Na javnoj raspravi će moći svoje mišljenje, sugestije iznijeti te sigurno i sam program unaprijediti. Pozivamo i sve potencijalne mlade poduzetnike sa područja naše općine da već od danas počnu razmišljati kakvu bi oni djelatnost mogli započeti.

Klub vijećnika SDP-a je stava da je Nacrt Programa utroška sredstava - Poticaj u zapošljavanju mladih poduzetnika za 2018. godinu realan i u skladu sa mogućnostima općine, a svim aplikantima želimo puno sreće i poslovni uspjeh.

Vijećnik Hajrudin Fermić, ja predlažem zaključak bez obzira što je ovo nacrt Programa da Općinsko vijeće odnosno Služba za privredu, uputi zahtjev Vladi ZDK za sufinansiranje učešća u ovom projektu i to što prije. Naime, u 2017. Godini oni koji su pratili Vlada ZDK je sufinansirala ovakve ili slične projekte na općinskim nivoima u Kaknju, Žepču i u Tešnju i to sa finim sredstvima po 16 do 30.000 KM je sufinansirala ovakve projekte ove Startap programe. Nas ne košta ništa, a na kraju nam neće moći niko ni da prigovori ako nas Vlada odbije, a ako ne odbije dobro i jest i taman bi to povećali sredstva koja bi dali mladim.

Dopredsjedavajući OV, zaključujem raspravu i dajem na glasanje

ZAKLJUČAK

10.1. Usvaja se Nacrt Programa utroška sredstava – Poticaj u zapošljavanju mladih poduzetnika za 2018. godinu.

10.2. Otvora se javna rasprava u trajanju od 15 dana.

10.3. Za provođenje javne rasprave zadužuje se Služba za privredu, finansije i razvoj poduzetništva.

10.4. Zadužuje se Služba za privredu, finansije i razvoj poduzetništva da uputi dopis Vladi ZDK za sufinansiranje ovakvih projekata.

Glasalo 14 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Elvir Vehabović (SBIH), Hajrudin Fermić (DF) Mustafa Bešić, Kanita Bašić samostalni vijećnici, Josip Jurišić (HDZ).

Konstatujem da prijedlozi SDA nisu dobili potrebnu većinu.

Glasalo 10 glasova uzdržano : Adis Abdurahmanović, Selma Avdić, Mirsad Bejzić, Delić Edib, Hasanić Šefka, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić samostalni vijećnik,

AD - 11. Nacrt Odluke o obilježavanju značajnih događaja i datuma na općini Maglaj sa Kalendarom

Otvaram raspravu

Vijećnik Edib Delić, iako je Nacrt ja ću ispred Kluba iznijeti stav. Kad je u pitanju Odluka o obilježavanju datuma i događaja od značaja za općinu Maglaj, Klub SDA je razmatrao ovu Odluku i iznijet će par svojih zapažanja na istu.

Stara Odluka o obilježavanju datuma i događaja od značaja općine Maglaj je donesena 2004.godine. Tada je SDA imala većinu u vlasti, odnosno iznad 50%, nismo htjeli nametati odluku, ova tema treba biti tema koja se tiče svih nas i dobro bi bilo da se o njoj izjasnimo koncenzusom. Bitno je napomenuti da su u sastavu Komisije koja je radila ovu staru Odluku, bili predstavnici SDA sa 2 člana, SDP-a sa dva člana i bio je predstavnik penzionera. Cijelo vrijeme u radu Komisije su učestvovali i predstavnici RVI, JOB-a, PŠ i PB, i SUBNOR-a. Cilj je tada bio da se donese Odluka za buduće generacije, a svi datumi koji su uvršteni u Odluku imaju za cilj nastavak daljeg njegovanja i razvijanje antifašizma i oslobodilačkog duha mladih naraštaja sa ovih prostora. To je duh, ideja važeće Odluke. A to stoji i u preambuli ove stare Odluke i neko se sada našao da nam predloži da se to poništi. Postavlja se pitanje ko je sve učestvovao u izradi i pripremi ovog nacrt Odluke. Postavlja se pitanje i za datume koji su stajali u staroj Odluci, a nisu se obilježavali kao što je obilježavanje i formiranje Prve jedinice na ovim prostorima, pa se nije obilježavala deblokada grada Maglaja 1994. Godine, kao da se taj događaj nije ni desio.

U prijedlogu kojeg ste nam dostavili ima i netačnih datuma, kao što je Dan formiranja patriotske lige, tako da i to ukazuje koliko se prišlo ozbiljno u donošenju ove Odluke. Nisu se konsultovali oni koji su se trebali konsultovati, tako da bi ovaj Nacrt izgledao daleko bolje i preciznije. Sve što je dodato u ovom prijedlogu vidio sam pod tačkom 1. A to je dodjela paketića za Novu godinu, što je lijep gest naravno ali se ne može porediti sa jednim značajnim bitkama kao što su Pazarić i ostale kad je u pitanju rang i samo postavljanje tih datuma. Neke značajne datume ste izbrisali, govorim na predlagачa ove odluke, pitam se s kojim pravom. Npr. 01.06.1992. godine to je prvi otpor agresoru na ovim prostorima, a desio se na području MZ Moševac i Bijela Ploča. Mjesna zajednica obilježava taj dan i obilježava ga kao svoj dan mjesne zajednice, bez obzira i obilježavat će ga i u budućem vremenu bez obzira da li on bio sastavni dio ove odluke ili ne.

Predlažemo da se stara Odluka ostane na snazi, a da ukoliko ima potrebe možemo ovdje tretirati nacrt u izmjenama i dopunama ove postojeće odluke.

Vijećnik Fikret Delić, naš klub samostalnih vijećnika će podržati ovu odluku. Drago mi je zaista što je ovaj datum 06.04. koji spominje gospodin Delić ušao i uvrstio se u ovu Odluku. Ovaj datum 06.04. je jedan od najznačajnijih datuma za koju MZ Kopice, a vjerujem i za općinu Maglaj. 6. Aprila 1992. Godine je formirana prva vojna jedinica i to je činjenica i to trebamo svih nas 25 vijećnika ovdje podržati. Zašto se to prije nije obilježavalo iz kojih razloga, ja ne znam, ali zaista mi je drago, a vjerujem i svim mještanima mojim saborcima u Kopicama, borcima, da je ovaj datum došao na red da se uvrsti nakon 25 i 26 godina od rata 1992.godine i da ga počemo napokon, od prošle godine obilježavati i tako ćemo nastaviti ako bog da i ubuduće.

Vijećnica Svjetlana Zamboni, ja se javljam da odgovorim na par pitanja koja je postavio gospodin Edib Delić i u svojstvu predsjednice Komisije za obilježavanje značajnih događaja i ličnosti iz historije Maglaja. Dakle, komisija u sastavu Svjetlana Zamboni, predsjednik, Senad Mehinagić zamjenik predsjednika, Amel Bradarić, član, Mario Dević, član i Fatima Mahmutagić, član je radila na izradi ovog nacrtu, naravno uz pomoć Službe za BiZ, opću upravu i društvene djelatnosti općine Maglaj. Naime, prilikom održavanja našeg konstituirajućeg sastanka i pripremljena je naravno stara Odluka koja je još uvijek na snazi koja je donesena 2004.godine koja je poprilično obimna i koju ne prati nikakav kalendar obilježavanja. Naša namjera nije bila da brišemo bilo kakve događaje, naša namjera nije bila da poništimo bilo kakve značajne datume, a posebno ne taj prefix koje nose ove Odluke o značajnim događajima a to je ideja suprotstavlja fašizmu, ta antifašistička ideja. Prilikom izrade kako to stoji u obrazloženju mi smo smatrali da je potrebno napraviti kalendar. Ovaj nacrt koji se nalazi pred vama urađen je na osnovu odluke koja postoji na općini Novo Sarajevo i ona nam je bila zapravo ideja vodilja onoga što smo mi radili jer smo se svi angažovali da pokušamo da vidimo kako bi to bilo najlakše nama kao građanima pratiti sve ono što je, sve te datume koji se nalaze u odluci a da to nije dio teksta, nego da postoji određeni kalendar na koji se svi mi i kao vijećnici ali i kao građani možemo osloniti. Još jednom napominjem da se radi o nacrtu. Prilikom održavanja našeg prvog sastanka, svi smo se jednoglasno složili i uvijek je komisija radila u punom sastavu i sve su odluke donesene jednoglasno. Pošto gospođa Fatima predsjednica Udruženja, zamolili smo nju da ona okupi ta boračka udruženja i da oni prođu kroz onu odluku iz 2004. godine da se očitaju po tome da dodaju ono što treba i svakako da i mi svi povedemo računa o tome da postoje neki datumu iz novije historije a ne nalaze se u postojećoj Odluci iz 2004.godine. Posebno želim da naglasim da je to između ostalog i Dan obilježavanja ČZR, da imamo Dan RVI koji je uvršten u novu Odluku. Naravno nije nam bilo ni na kraj pameti da mi kažemo da je to ono što treba da bude. Naime, rekli smo to je ono što su svi predložili ni jedan jedini prijedlog koji je došao na komisiju nije odbačen, bilo da se radilo o događajima 92-95, bitnim datumima ili pak nešto što se odnosi na vjerske praznike, svaki član Komisije iznio svoje prijedloge i sve što je predloženo na komisiji je uvršteno u ovaj kalendar. Obzirom da se radi o nacrtu i da će to ići građanima na uvid koji će se očitati, opet kažem i svim onim Udruženjima kojih se tiče obilježavanje, pa i mjesnim zajednicama na kraju krajeva, ne vidim razloga zašto e svi ne bi maksimalno uključili u javnu raspravu dali svoje sugestije i ako je potrebno proširiti ili suziti ovu odluku bez razlike, dodavati ili nešto skidati iz ovog nacrtu ne vidim šta bi tu trebalo biti problem. Da naglasim još jednom gospođa Fatima je tu, bila je prisutna na svim sjednicama komisije, da ničija namjera nije bila loša posebno kad je u pitanju 92-95. Godina u pitanju niti obilježavanje nekog događaja da je trebao biti zanemaren ili posebno istaknut. Naša je namjera bila da ona se malo revidira da građani se ponovo očitaju o tome, da imamo jedan kalendar koji je zaista sad pregledan i ovaj datum koji ste spomenuli da jeste 07.02. a ne 02.07. vidjeli smo i mi da je došlo do greške, tako da ne vidim zašto ne bismo to stavili u javnu raspravu i da se o tome nakon 14 godina opet nešto kaže.

Vijećnica Šefka Hasanić, kako sam iznijela u svojoj diskusiji vezano za usvajanje dnevnog reda, ja bih zamolila kada ovaj nacrt koji imamo pred vijećnicima, kada bude prijedlog odluke, da to bude izmjene i dopune Odluke, a da ne bude samo naziv odluke. Kao što sam objasnila u stavu Kluba vijećnika SDA prilikom usvajanja dnevnog reda.

Vijećnik Hajrudin Fermić, ne bih izašao da kolega Delić nije rekao neko je izbrisao. Zbog ove kamere koja tu stoji mora se zaista reagovati na te male naizgled jednostavne riječi, a u stvari koje puno znače i zveckaju i zastrašuju ko ne zna njihovo značenje. Ja ovdje želim samo nešto da skrenem, zašto bilo koji prijedlog, bilo kakve promjene nailazi na takve otpore s ove desne strane. Da li je to neki znak, ono ne dirajte ništa, ne smijete dirati to je apsolutno, ne smijete propitivati, ne smijete tražiti mišljenja? Zaista mi to nije jasno. Ako je neko napravio radnu verziju neke odluke koja treba da izađe i ugleda svjetlo dana nakon ove sjednice OV, da se pitaju stotine i stotine građana jel to to, što predlažemo jel ono što je bilo jel ono dobro, ili je loše ili ima nešto da se popravi, ja apsolutno ne vidim tu nikakvog problema i nikakvih zlih i zadnjih namjera. Hajmo ovako ruku na srce, gledam gospodina Bajrića koji je došao tu po nekoj drugoj tački dnevnog reda i sjetim se Skupštine ZDK i bivšeg njegovog partijskog kolege, a još uvijek aktuelnog poslanika Hasana Handžića koji je pokrenuo inicijativu gore u Skupštini ZDK i prihvaćena je ta inicijativa da se zakonom utvrde, obaveze, odgovornosti i sve ono što ide, dakle i taj zakon ide paralelno s tim. Samo mi ovdje nešto ne smijemo ništa da pitamo ili da predložimo. Niko da se sjeti i da kaže stanite, možda smo i fulali sa pojedinim mjesnim zajednicama koje smo stavljali, a objektivno taj neki značaj je bio za mjesnu zajednicu da li za općinski nivo ili smo negdje pogriješili. Šta je sa ljudima koji su bili u HVO? Vi znate svi sjedite pola vas da su postojali zaključci i odluke da se ovdje dodaju nekakva imena za bojovnike HVO koji su ginuli itd. I nikad to nije realizovano. Pa imaju također datumi koji su regularno, legalno, zakonski bitni. Imamo puno datuma koje smo zaista zanemarili a važni su. I vi svi znate da kad je u pitanju hronika tog perioda, tog rata 92-95. Barem ga ja znam i zaista znam da je bilo puno stvari koje jesu zapuštene i zaboravljene. I još nešto mislim da zaista i mi moramo konačno revidirati, ovo je za mene prilično siromašno, ali moramo revidirati način i u postojećoj odluci način obilježavanja pojedinih datuma i događaja. Moram da osvježimo i da ponovo dođemo u tu situaciju i da kažemo jel to to, jel mi na taj način odajemo pijetet svim poginulim, svim šehidima i svim onim koji su dali svoje živote. Dajte da razgovaramo da otvorimo jednu široku javnu raspravu. Predlažem Komisiji odnosno Službi koja to bude vodila da uradi i okrugli sto, da uradimo i emisije na RTV

Maglaj sa debatom, prije nego što nam dođe konačno. Ali nemojte sve ono što je u startu odmah na nož i nemojte ništa dirat.

Vijećnik Edib Delić, replika - moram replicirati gospodinu Fermiću, ja sam iznio stav Kluba u kojem se vidljivo je da u ovom novom prijedlogu nema datuma 01.06. i fino sam pitao ko je i s kojim pravom ga skinuo. Znači ako sam ja ukazao, možda je nečiji propust, možda je to neko namjerno skinuo, ne znam, zato pitam jer to se tiče moje MZ. Možda moje kolege iz MZ znaju šta je razlog, ne znam. Ja sam izašao pa pitam i sad je to problem ja sam protiv nečega. Ako je nacrt, kad ću pitati ako neću sad. Da se te stvari pokušaju ispraviti, možda je greška, košto je bila greška i u datumu formiranja Patriotske lige. Ako smo ovdje parlamentarni onda iznosimo svoje stavove, mišljenja i pitanja. Ne treba nas se napadati.

Vijećnica Svjetlana Zamboni, samo još jedna mala dopuna a vezano za Komisiju. Imali smo ponekad prigovora i mi kao građani, predstavnici nekih političkih partija, imali smo prigovora od naših sugrađana da prilikom obilježavanja značajnih datuma zaboravi se ovaj spomenik, onaj spomenik ili nešto u tom smislu i naša namjera je bila da se tačno zna za koji značajan datum, ko je nosilac te aktivnosti da se zna opis događaja, imenom i prezimenom, datum obilježavanja, nosilac aktivnosti, ko će biti zadužen i na kraju ono ako ste pročitali i da se dostave ako su to neke manifestacije po mjesnim zajednicama, ako to boračka udruženja nose da se dostavi 15-tak dana ranije do Službe ili do komisije, pa da se može to i odraditi kako treba. I ono što je jako važno to je način obilježavanja. Da li način obilježavanja tog datuma podrazumijeva neku čestitku, ili emisiju na TV ili nešto u tom smislu, ili pak podrazumijeva obilazak svih pa pobrojanih, kojih spomenika gdje je to polaganje cvijeća. Na kraju krajeva ovo nudi i mogućnost da e nekakav Budžet odredi za obilježavanje značajnih događaja na području općine Maglaj, da se vidi koliko je to svečanih sjednica, akademija, koliko je to manifestacija po mjesnim zajednicama, da li ta sredstva idu putem mjesnih zajednica. Ovdje se otvaraju mnoga pitanja, naravno gospodine Deliću bilo kakav propust bilo koje vrste nije bila loša namjera, i ako je i došlo do nekog propusta nego upravo ovo što je rekao dopredsjedavajući. Neka ide, neka se ljudi maksimalno uključe i neka daju svoje sugestije za obilježavanje značajnih događaja na području općine Maglaj.

Fatima Mahmutagić, ovdje sam u funkciji člana Komisije za izmjenu ove odluke, odnosno sačinjavanja nove. Bezbroj puta na Općinskim vijećima, a i prilikom obilježavanja određenih značajnih datuma po odluci koja je još uvijek važeća imali smo komentare, nemate odziva, puno vam je datuma, za to nemate masovnosti, mora se mijenjat odluka, ovakva je, ovakva je. Iz tog razloga krenulo se u inicijativu da uradimo drugu. Međutim, desilo se prije ovog našeg prijedloga Odluke koji smo mi dobili kao Komisija desilo se na nivou kantona da je poslanik u kantonu donio i dao inicijativu za značajne datume na nivou kantona, gdje određenih datuma koji su zaista bitni za kanton, nije bilo. Onda je otvorena javna rasprava svi moramo slušati jedni druge, ima kvalitetnih prijedloga. Mi smo u nekim stvarima i kao Komisija rekli javna rasprava će dodati još nekih stvari sigurno. Nije namjerno zaista preskočen ni jedan datum. Boračke organizacije, predsjednici organizacija su imali dva sastanka na kojim smo pregledali cijelu staru Odluku, nastojali da neke stvari i ostanu i dodamo koje moraju bit u sastavu ove odluke „Hatkine njive“ i tu formiranje prve jedinice je vrlo bitno za općinu Maglaj, odatle je krenula odbrana ovoga grada i cijene njene teritorije. Međutim, ima tu još datuma koji su vrlo bitni. RVI u Maglaju nema ih malo dosta ih je a do sad nisu imali svog datuma, a većina drugih općina u okviru kantona je imala. Vrijeme je bilo da im vratimo dostojanstvo. Dan ČŽR, znate koliko imamo civilnih žrtava morao je doć na red i taj datum. Moramo to imat. Desilo se vjerovatno da je Bistrica po staroj Odluci, moj prijedlog je bio a to će se možda u javnoj raspravi pokazati da kroz ovu Odluku trebaju biti precizirani i datumi obilježavanja mjesnih zajednica. Ja se sjećam da je nekad u nekom periodu da je Liješnica imala svoj datum pa je to bio ili decembar ili nešto vezano uz Pazarić. Svaka druga mjesna zajednica je sigurno imala datum koji obilježava kao svoj datum formiranje mjesne zajednice. Pokazat će se to kroz javnu raspravu. Međutim, poslije toga su nas susretali i građani jer su čuli da se redi na tome, pa s pitali a gdje vam je jestel stavili Dan vozača koji se primjeti i vidi u ovom gradu, pa jestel mislili na populaciju penzionera i njihov datum je u 12.0m mjesecu, tako da će tek javna rasprava u kojoj se i vi trebate i svi zajedno građani uključiti i napraviti jednu kvalitetnu odluku. Ono što se meni trenutno u ovom sviđa što je Odluka dvije stranice, kalendar datuma iza toga poredan hronološki po datumima u svakom mjesecu imamo šta obilježavamo, ko je nosioc aktivnosti, na koji način. Neće biti mogućnosti kao do sad da prebacujemo lopticu s jednih na druge. Vjerujte u prethodnom periodu bilo je dosta toga, sad sam govori9la kao član Komisije. Ali kao predsjednik Organizacije kad je dan šehida u pitanju, kad je čišćenje spomenika i mezarja bile su tri adrese na koje su nas prebacivali ko treba da očisti Podborik, gdje je ukopano 100 i nešto šehida. Da ne dovodimo više sebe u tu situaciju sad pred sobom imamo i nosioce aktivnosti i način obilježavanja, daj Bože da se još samo finansijski može ovo pokrit.

Pauza za Klub SDA

Vijećnik Edib Delić, ja ću iznijeti stav Kluba SDA i Klub SDA ostaje pri svom ranijem prijedlogu i predlaže da se ne ide u donošenje nove odluke, odnosno da se ide u nacrt izmjena i dopuna odluke o obilježavanju značajnih događaja i datuma postojeće odluke.

Vijećnik Mustafa Bešić, ja sam pratio gospođu Fatimu, što je iznijela vezano za čišćenje šehidskih mezara. Ne bih želio nikog optužiti, imam često imam rahmetli babu ukopanog, želim da skrenem pažnju ako ste vidjeli kako izgledaju nišani naših šehida, ono nije u redu ono je sramota svih nas. Uvrnuti i nageti, sugerišem i Načelniku i Općinskom vijeću da izađu da se to sanira, da se to uredi i da to bude prostor zašto su ljudi položili svoje živote.

Vijećnik Josip Jurišić, vezano za ovu tačku dnevnog reda, ja ću podržati da li to išlo u formi nacrta kao prijedlog dopune one odluke, ili neka nova odluka, sasvim je svejedno. Bitno je da na javnoj raspravi se uvaži one stvari koje budu došle na javnu raspravu da ne bude kao s nekim nacrtima do sad. Naravno gospodin Fermić je spomenuo neke

stvari, bit će tu i s naše strane prijedloga nekakvih gdje bi jedan će biti zanimljiv baš s moje strane, a koji će biti vidjet ćete na javnoj raspravi.

Fatima Mahmutagić, meni će biti drago da odluka bude prihvaćena i da se odluka provodi, a u kojem obliku to ćete odlučiti vi vijećnici. Gospodinu Bešiću, što se tiče mezarja Podborik i stanja nišana prošle godine smo konkurisali kod Ministarstva za boračka pitanja za popravku mnogih nišana koji su nageți, oštećeni i sl. A to je najočitiye na Podboriku gdje je dosta nišana za ovu godinu su predviđena sredstva, a i naša organizacija je predviđjela 1.500 KM jeste malo ali za početak sasvim dovoljno da krenemo sa popravkama i ispravljanjem, a kasnije će se vjerovatno idejnim rješenjem urediti područje Podborika mezarja.

Vijećnik Mustafa Bešić, replika predsjednica je iznijela koliko su oni u mogućnosti obezbjediti 1.500 KM, samo sugerišem Načelniku i Općini ako je moguće da Općina tu pripomogne da se to sanira i da se uredi. Narod dolazi tu pogotovo Podborik ako to može u ovoj godini da se uredi. Evo ide nam i Ramazan. Nema tu nekog velikog troška, ako ne mogu da se saniraju nišani da se bar poprave.

Dopredsjedavajući OV, ima grantova i na kantonalnom i federalnom nivou i to bi bilo dobro da se iskoriste. Bilo je prijedloga se da se ovaj nacrt Odluke o obilježavanju značajnih događaja i datuma na općini Maglaj sa kalendarom da se tretira kao nacrt Odluke o izmjeni i dopuni odluke o obilježavanju značajnih događaja i datuma, to je prvi prijedlog zaključujem raspravu i dajem na glasanje prvi prijedlog koji je došao u sazivu uz materijal.

Evo stavljam prvo na glasanje Nacrt Odluke sa kalendarom kako smo ga dobili u materijalu i trebamo dati rok za javnu raspravu ja predlažem 60 dana.

ZAKLJUČAK

11.1. Usvaja se Nacrt Odluke o obilježavanju značajnih događaja i datuma na općini Maglaj sa Kalendarom.

11.2. Otvara se javna rasprava u trajanju od 60 dana.

11.3. Za provođenje javne rasprave zadužuje se Služba Općinskog načelnika i Općinskog vijeća i Komisija za obilježavanje značajnih događaja i datuma iz historije Maglaja.

Glasalo 14 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Elvir Vehabović (SBiH), Hajrudin Ferić (DF) Mustafa Bešić, Kanita Bašić samostalni vijećnici, Josip Jurišić (HDZ).

Konstatujem da prijedlozi SDA nisu dobili potrebnu većinu.

Glasalo 10 glasova protiv: Adis Abdurahmanović, Selma Avdić, Mirsad Bežić, Delić Edib, Hasanić Šefka, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić samostalni vijećnik,

AD – 12 Zaključak o davanju saglasnosti na ranije donesenu Odluku Općinskog vijeća Maglaj broj: 02-05-1-2636/15 od 29.12.2015. godine za provođenje postupka dodjele koncesije po zahtjevu Ministarstva za poljoprivredu, šumarstvo i vodoprivredu ZE-DO kantona - saglasnost za provođenje postupka dodjele koncesije za crpljenje i zahvaćanje vode sa izvorišta „Rakovac“.

Ferhat Bradarić, Općinsko vijeće Maglaj je na svojoj sjednici održanoj 29.12.2015.godine, donijelo je Odluku o davanju saglasnosti za provođenje postupka dodjele koncesije na navedenom izvorištu Rakovac. To je bilo po zahtjevu Privrednog društva d.o.o. „Nerken“ Maglaj. Na osnovu ove Odluke Općinskog vijeća Ministarstvo za poljoprivredu, vodoprivredu i šumarstvo ZDK raspisalo je javni poziv za dodjelu koncesije za navedeno izvorište, međutim zbog tehničke stvari, a to je da Privrednog društvo „Nerken“ pored one potrebne dokumentacije, nije dostavilo jedan dokument a to je Studija izvodljivosti tog izvorišta na osnovu čega se i utvrđuje koncesiona naknada. Navedeno Ministarstvo nije moglo sprovesti taj postupak dodjele koncesije, tako da je taj poziv koji je bio u početku 2016. Godine je bio kao takav obustavljen. Na osnovu tog zaključka Ministarstvo Privredno društvo „Nerken“ je provelo dalju proceduru da upotpuni taj svoj zahtjev znači sa pratećom dokumentacijom tako da je na osnovu tih i takvih aktivnosti dostavljen dopis Općini Maglaj početkom januara 2018. Godine u kojem je tražilo davanje saglasnosti od strane Općinskog vijeća Maglaj na provođenju postupka dodjele koncesije. Obzirom da u navedenom dopisu nije bilo direktno navedeno šta su te i koje su to radnje koje treba da provede Općina, odnosno Općinsko vijeće obzirom da je Općinsko vijeće donijelo Odluku kao opći pravni akt koji nije bio vremenski ograničeno, mi smo zatražili od njih tumačenje i instrukcije po pitanju tog njihovog dopisa u kom pravcu da mi pripremimo ove akte. Tako da je i kroz razgovor sa predstavnicima Ministarstva rečeno da Općinsko vijeće treba samo da potvrdi ovu ranije donesenu Odluku, odnosno da se izjasni da li je došlo do kakvih promjena u međuvremenu u odnosu na stanje iz 2015. Godine kad je dalo saglasnost, odnosno odluku za provođenje ovog postupka. Na osnovu ovih radnji mi smo i kontaktirali zajedno sa Službom za urbanizam i utvrdili to stanje da je kako i jest 2015. Da nije bilo nikakvih promjena, tako da je na osnovu tih radnji i aktivnosti predložen ovaj zaključak o davanju saglasnosti na ranije donesenu odluku, a nakon ovoga kad se usvoji od strane Općinskog vijeća Maglaj, Općina je dužna da vrsti sve te projekte i dokumente koje su oni nama dostavili kao Službi, tako da će nakon toga Ministarstvo raspisati javni poziv i pozvati Privredno društvo „Nerken“ s obzirom da su oni i podnosioci te inicijative i vlasnici tog zemljišta da krenu u postupak dodjele koncesije. Ovdje bi mi ispred Službe podržali ove aktivnosti, ovo je jedan od privrednih subjekata koji želi da koristi prirodna bogatstva i mislimo i očekujemo da će u narednom periodu i drugi privredni subjekti po pitanju korištenja energije i eksploatacije vode za flaširanje i proizvodnju bezalkoholnih pića podnositi inicijative. Ovo je jedan lijep primjer i gest da damo podršku našim privrednim subjektima.

Otvaram raspravu

Vijećnica Selma Avdić, prvo bih da iznesem sv o j lični stav, jer ipak ovo je jedno privredno društvo koje radi i koje je zaposlilo 2-3 mlada insana. Mi u „Natron-Hayat“ koristimo njihovu vodu već jedan duži vremenski period i mislio da svim takvim privrednim društvima danas, pogotovo koji koriste resurse naše općine trebamo dati šansu.

Stav Kluba SDA podržava davanje saglasnosti za provođenje postupka dodjele koncesije za crpljenje i zahvaćanje vode sa izvorišta Rakovac.

Vijećnik Hajrudin Fermić, razumijem ja ovaj formalni pristup ovoj tački dnevnog reda svih nas. Naravno i ja sam za to i glasat ću za prihvatanje ovog zaključka ali zapravo želim nešto drugo reći i upitati.

Puno stvari se može promijenit za tri godine i puno stvari objektivno i promijenilo se svugdje, pa između ostalog može da se promijeni i u onim uslovima koji su prethodili uslovima i svim onim procedurama koje su prethodile donošenju odluke 2015. Godine za ovo privredno društvo. Najbitnije je da mi tu provedemo proceduru kakva jest. Ja koliko se sjećam u 2015. Godini bilo je mišljenje Mjesne zajednice kad je ovdje donesena ta odluka. Znači prethodno je pribavljeno mišljenje MZ i mi ne znamo ovdje je li se šta i gore promijenilo, ali hajde da pretpostavimo da nije, tako da se slažem s tim da treba svakako omogućiti ovom privrednom društvu da konačno legalno krene da radi.

Vijećnik Mustafa Bešić, dobro se sjećam ovog materijala kad smo imali u prošlom sazivu kad je bilo i ovo što gospodin Fermić kaže pitanje mjesne zajednice. Vjerujem da je to doneseno da pristaju ljudi na ovo i da ne donesemo nikakav krivi zaključak. Ono što je meni drago ovdje ako bude sve to u redu da to zaživi da mi imamo jednu fabriku koja proizvodi flaširanu vodu.

Neki dan sam na internetu našao da BiH uvozi 125 miliona vrijednosti flaširane vode. Mislim da je to na ovakvo bogatstvo koje imamo vodu, rijeke mislim da mi uvozimo vodu. Nemoguće je da mi nemamo takvih ljudi u BiH da naprave neke projekte da te pare ostaju ovdje da dajemo nekom, a rijeke nam teku. Bit će mi drago ako mi ovo riješimo.

Vijećnica Svjetlana Zamobni, u ime Kluba SDP-a osjećam potrebu da iznesem podršku ovakvim projektima, kao što je ovaj projekat firme „Nerken“ da pohvalim naravno njihova nastojanja i razvoj ovog preduzeća. Naravno upravo ovo što je gospođa Avdić rekla, tamo su uposleni mladi momci i pohvalno je to što oni rade i nadam se da će poslužiti kao primjeri i drugima na području općine Maglaj da razvija tu vrstu biznisa, pa da kao što reče i gospodin Bešić mnogo je tih izvorišta koja se mogu iskoristiti a mogu poslužiti, ovaj primjer može poslužiti kao dobar primjer i drugima da krenu u slične projekte.

Dopredsjedavajući OV, ja bih ipak sugerisao da vi to malo i usmeno provjerite u mjesnoj zajednici dok ovo ne ode gore, zaključujem raspravu i dajem na glasanje

ZAKLJUČAK

12.1. Donosi se Zaključak o davanju saglasnosti na ranije donesenu Odluku Općinskog vijeća Maglaj broj: 02-05-1-2636/15 od 29.12.2015. godine za provođenje postupka dodjele koncesije po zahtjevu Ministarstva za poljoprivredu, šumarstvo i vodoprivredu ZE-DO kantona - saglasnost za provođenje postupka dodjele koncesije za crpljenje i zahvaćanje vode sa izvorišta „Rakovac“

Glasalo 24 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Elvir Vehabović (SBIH), Hajrudin Fermić (DF), Mustafa Bešić, Fikret Delić, Kanita Bašić, samostalni vijećnici, Josip Jurišić (HDZ), Adis Abdurahmanović, Selma Avdić, Mirsad Bejić, Delić Edib, Hasanić Šefka, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić, samostalni vijećnik.

AD – 13 Informacija o provedbi Odluke o organizaciji organa uprave Općine Maglaj i Strategija upravljanja ljudskim resursima na općini Maglaj;

Dopredsjedavajući OV, važna tačka, uvodno izlaganje ima li potrebe

Otvaram raspravu

Vijećnica Šefka Hasanić, Klub vijećnika SDA je razmatrao ovu Informaciju i prima je k znanju.

Imamo par kratkih pitanja a odnose se u materijalu koji smo dobili u zadnjoj stavi kaže uz Informaciju se prilaže Strategija upravljanja razvojem ljudskih resursa, rađena u okviru aktivnosti projekta razvoja općina za period 2007-2012.godina a u narednom periodu slijedi izrada nove Strategije. Ja kao ni članovi Kluba SDA nismo dobili ovu Strategiju, pa molimo da nam se dostavi naknado, može i mailom. U printanoj formi je isto tako nismo dobili.

Ništa ipak je predsjednik Kluba dobio. Da se odredi rok za donošenje nove Strategije upravljanja razvojem ljudskih resursa od tri mjeseca. Da Strategija obuhvati podatke koji će biti iskorišteni za donošenje ovo je sugestija da se revidira odluka o sistematizaciji uposlenih u Općini Maglaj. Da se broj uposlenih uskladi sa evropskim standardima u smislu da broj zaposlenih u općinskom organu bude adekvatan broju građana koje opslužuju, površini i svim drugim elementima koji utiču na broj uposlenih. Također predlažemo do donošenja nove Strategije i eventualnih izmjena Pravilnika o sistematizaciji da se donese moratorij na zapošljavanje u općinskom organu.

Vijećnik Hajrudin Fermić, i članovi Kolegija znaju koliko dugo sam potencirao da dođe ova informacija na sjednicu Općinskog vijeća čak i u prošloj godini, pa smo je evo dočekali nakon 8 sati rada, mi bi trebali nešto pametno, duboko, analitički i politički mudro da kažemo što je praktično nemoguće. Tako da ćemo ovu informaciju samo provesti

formalno, ali zaista ima potrebe da se u nekom periodu razgovara o organizaciji organa uprave, ne u ovom smislu kako to predlažu u Klubu SDA, nego prije svega da se zaista tamo učine napori na jednom planskom educiranju prije svega zaposlenih, zatim da se te službe a ja ću početi od Službe Općinskog načelnika i Općinskog vijeća da se dovedu u stanje normalnog funkcionisanja jer zaista to čini prilično velike, traži, zahtijeva velike napore i zahtjeve i Predsjedavajućoj i meni dobrim dijelom ali tu su jedno ili dvoje. Ta Služba, ali isto tako ima potrebe i u ostalim službama i to ima nešto djelimično u ovoj informaciji napisano i naravno Načelnice, prije svega kako i piše da vodite računa o toj edukaciji o slanju zaposlenih, onoliko koliko možete i na seminare i na doškolovanje, pa i unutrašnjoj toj edukaciji, jer dobar dio ovih papira gdje danas po prvoj tački dnevnog reda bilo je i kritika na račun Vijeća, dobrim dijelom su zasluga to usporavanje ili prilično nekvalitetna obrada i stručno opsluživanje unutar službi. Naravno da to ide sve bolje i bolje, ali mislim da treba taj tempo malo pojačat. Ne bi bilo loše da se razmisli pošto je ova Strategija davno već istekla, a imaju nove strategije da vi kao interni, ili eksterni akt učinite nešto i za Strategiju upravljanja ljudskim resursima u organima uprave za period 2018-2028.godine. Žao mi je što ne možemo malo analitičnije razgovarat o ovoj temi.

Općinski načelnik, žao mi je kad ste već pročitali informaciju da niste se osvrnuli na dio informacije koji se odnosi na nanesenu štetu Općini Maglaj od nekoliko stotina hiljada KM, zbog nepoštivanja zakona kojeg danas potežete ovdje ix puta, nešto vrlo ozbiljno desetine hiljada maraka idu samo advokatima na piskaranje copy pejs tužbi koje su bile, znaju to uposlenici koji su tužili Općinu, koji su dobili i čije su presude izvršne. Znaju to uposlenici sa kojima sam razgovarao i pokušavam da razgovaram da taj belaj nekako nuliramo i ne diram nikog po strani, a ogromna je šteta nanesena.

Što se tiče Strategije ne znam da li bi se smijao ili plakao da se Strategija donese za tri mjeseca gdje predlažu vijećnici koji su u Vijeću bili i znaju da nikad se nije raspravljalo niti je dolazila informacija niti strategija i da je ta istekla 2012. Godine i da nije ništa rađeno po tom pitanju. Još je čudnije reći moratorij na zapošljavanje. Neću komentarisat osim što ću reći nema nikakvog moratorija.

Što se tiče sistematizacije ja sam bio rekao da ću ranije uraditi sistematizaciju, moram biti iskren iako je držim mjesecima u računaru, ne donosim, želim je još malo iskorigovati. Dešava se da i dio uposlenika ide u penziju i ovo dana. Uposlenici odlaze u penziju, uposlenici koji znaju raditi svoj posao, umjesto njih će doći novi uposlenici. Svaki novi uposlenik koji dođe treba mu iskustva na poslovima steće će ih, ali uvijek po pravilu dolaze mlađi ljudi koji više barataju i računarima i softverima i stranim jezicima, što je dobra stvar. Ono što je loša stvar sve ove godine nije se pokušalo educirati administracija. Svaki uposlenik je bio prepušten sam sebi. Ko je šta naučio od softvera od računarskih tehnika to zna. Posljednji slučaj gdje sam se ja malo iznervirao jeste pitanje korištenja exela. Rekao sam Adi Spahiću da se pripremi jedan kurs kako bi bili efikasniji. Vrlo efikasan program za korištenje u pojedinim službama ili pojedinim dijelovima službe, a ne koristi se da ne govorim o nekim drugim stvarima. O stranim jezicima mlade osobe koje dolaze oni ih redovito koriste. Što se tiče sistematizacije u pitanju je dakle, ključna stvar pred nama je BFC, pred nama je formiranje tzv. JULR i to je ono što treba da ide i to je ono što je skopčano i sa onom kancelarijom i za privredu i to će biti vrlo brzo. Što se tiče ove Strategije ovdje je možda ružno napisana rečenica da je u prilogu, ali su predstavnici klubova dobili i imali su priliku između sebe da to pregledaju, da u doglednom vremenu treba raditi na educiranju uposlenih treba, ne samo uposlenih tu idemo od portira do Načelnika da treba raditi na novoj Strategiji treba i to, da se strategije mogu donositi za tri mjeseca to je igra sa idejama i da treba da bude ozbiljan dokument. Treba, ozbiljan dokument trebat će koristiti i eksternu pamet i to ćemo i koristiti.

Dopredsjedavajući OV, zaključujem raspravu i konstatujem

- Informacija o provedbi Odluke o organizaciji organa uprave Općine Maglaj i Strategija upravljanja ljudskim resursima na općini Maglaj, prima se k znanju.

AD – 14 Informacija o rješavanju upravnih predmeta za 2016. godinu;

Dopredsjedavajući OV, ja mislim da je to Služba za društvene djelatnosti obradila i dostavila ne vidim nikog ovdje, ako ima neko od predstavnika administracije da da uvodno izlaganje, ali ja mislim da nema nikakve potrebe. Iznijet ću svoje mišljenje ovo je jedna zakonska obaveza da formalno prođe kroz Općinsko vijeće. Naravno ni jednom riječju ne želim sputat bilo kog vijećnika ili gosta da diskutuje ako želi.

Dopredsjedavajući OV zaključujem raspravu i konstatujem

- Informacija o rješavanju upravnih predmeta za 2016. godinu, prima se k znanju.

AD – 15 Informacija o kretanju zapošljavanja i nezaposlenosti na području općine Maglaj za 2017. godinu;

Otvaram raspravu

Vijećnik Firuz Galijašević, 4.350 nikad manje otkako ja pratim stanje kretanja zapošljavanja i nezaposlenosti, a pratim 17 godina nikad nije bilo manje. Za prošlu godinu je registrovano 1528 zaposlenih osoba sa evidencije nezaposlenih. Moram napomenuti da je 188 zaposleno po poticajnim sredstvima federalnog Zavoda i Kantonalne službe za zapošljavanje tj. 12,3 %, to nije malo. Registrovano je i zapošljavanje za prošlu godinu oko 120 u inostranstvu. Znači došlo je vrijeme da naši radnici moraju napuštati naše firme i ići vani. Ne znam zašto. Pretprošle godine je bilo registrovano 48 zaposlenih. Prošle godine se objavilo sa evidencije po raznim osnovama 80-tak. Mnogi

su otišli u inostranstvo zbog spajanja porodice. I to je problem, ali moram pohvaliti da nikada nije bilo manje nezaposlenih.

Klub SDP-a će primiti k znanju Informaciju o kretanju zapošljavanja i nezaposlenosti na području općine Maglaj za 2017. Godinu.

Vijećnica Kanita Bašić, što se tiče ove Informacije prije nego što je primim k znanju molila bih samo da se ubuduće unese u tačku 23. Posrdovanje u zapošljavanju 2017. Godine, neće biti to u 2017. Nego u budućnosti za npr. 2018. Godinu. Koliko je to osoba koje su zaposlene posredstvom Službe za zapošljavanje? Znači tačan broj osoba koje su zaposlene posredstvom Službe za zapošljavanje.

Vijećnica Svjetlana Zamboni, ja sam mislila da će to gospodin Galijašević reći, ovdje se vjerovato potkrala jedna greška na posljednjoj strani gdje ste dali komentar pa stoji da je 1857 visoko obrazovanih nezaposlenih osoba, pa samo bih molila kad ova Informacija bude i zvanična da se otkloni ova greška. Ovo bi bilo strašno da je ovoliko visoko obrazovanih a nezaposlenih osoba na području općine Maglaj.

Vijećnik Muhamed Hrnjić, ja bih rekao da se i prošli izvještaj Biroa za zapošljavanje potkrala greška i sad je isto. Tamo se lijepo vodi da se na Birou na evidenciji nezaposlenih vodi 150 krojača što nije istina. Ja tvrdim ovdje da nije istina, to sam i prošli put isto govorio i ako se sjećate damo smo mi tražili javnu raspravu ovdje sa provesjetom i glavna tema je bila to oko upisa kadra koji privreda traži. Ovdje ima pravo direktor SMŠ da me demantuje zato što kaže mi ne trebamo kadar na Birou imate 150 tekstilaca, nije istina. Ja iza ove govornice odgovorno govorim direktor Biroa ovdje sjedi nek mi sutra ujutro pošalje 50 krojača da ih primim u stalni radni odnos.

Vijećnica Smajlović Dženita, Klub vijećnika SDA prima k znanju Informaciju o kretanju zapošljavanja i nezaposlenosti na području općine Maglaj za 2017. Godinu i ističemo da se osjećaju pozitivni efekti u trendu zapošljavanja, a zahvaljujući mjerama, aktivnostima i programima koje provodi Federalna i kantonalna Vlada preko Federalnog i Kantonalnog Zavoda za zapošljavanje.

Samir Bajrić, Šef Biroa za zapošljavanje

Ovdje je dobro primijećena greška u Informaciji gdje je navedeno da ima cca 1800 ljudi sa visokom stručnom spremom na evidenciji. Naime, radi se o 158 ljudi sa VSS na evidenciji, a ova cifra se odnosi na NK i njih ima 1857. Također vijećnik Hrnjić Muhamed je dobro primjetio ovdje je sastavljeno KV krojači i PK krojači. Sastavljene su te dvije cifre. Ja sam danas razgovarao sa predstavnicima vaše firme i mi ćemo dostaviti ujutro spisak KV krojača na uvid, a sve što bude trebalo mi stojimo na raspolaganju kao i do sad za posredovanje bilo kome po bilo kom osnovu.

Fatima Mahmutagić, u saradnji sa Zavodom za zapošljavanje u Maglaju, mi smo prošle godine usaglasili našu bazu podataka djece šehida i poginulih boraca koji se vodi na evidenciji Biroa. Od prošle godine zapošljavaju se djeca u dva smjera, preko Ministarstva za boračka pitanja dodjelom sredstava poticajnih sredstava za pravna lica, odnosno firme koji primaju našu djecu u radni odnos i isti način zapošljavanja u pravnom licu preko Zavoda za zapošljavanje zajedničkim sredstvima Zavoda, Federalnog ministarstva za boračka pitanja i kantonalnog. Ove godine također ide ponovo na evidenciji Biroa u Maglaju je oko 60 i nešto djece šehida i poginulih boraca koji se vode kao nezaposlena lica.

Ja postavljam pitanje ovdje. Ko će nam pomoći da smanjimo rad na crno? Ne želim prozivati i da budem ta koja će dovesti u opasnost šehidsko dijete, odnosno dijete poginulog borca a znamo se između sebe u ovom gradu. Imamo ogroman broj naše djece koja rade, ali nisu prijavljena. Šta uraditi, na koji način, ko može da preduzme mjere, kako prisiliti poslodavce, odnosno udobrovoljiti da uzmu ova poticajna sredstva a da ipak šehidsku djecu prime u radni odnos i da im ide radni staž. To će im biti potrebno. Ko je nadležan da li samo inspekcije, ne želim prijavljivati i ne želim ugroziti dijete, ali da li postoji neki drugi način odobrovljavanja, buđenja svijesti ili možda uticaja na nekoga da konačno to dijete dovede u pravi status da zarađuje, da mu ide radni staž da svojim radom izdržava svoju porodicu. Ako to može Vijeće, ili Zavod, volila bi da znam.

Vijećnik Safet Jašić, nije ovo teško pitanje, mi i ne znamo da ovo što je gospođa iznijela. Ako imate te podatke to je baš jednostavno. To treba prijaviti i da se riješe ta djeca. Neka firme plate što treba da plate. Neće dijete ni jedno dobit otkaz, hajmo se zalagati svi za to. Ako imate podatke to je jednostavno, može se prijaviti i anonimno, dosta je bilo iskorištavanja djece. Ono što treba, ali ovaj problem sami možete riješiti. Svi ćemo se staviti na raspolaganje, ali nismo mi oni koji mogu ići i pojedinačno prijavljivati. Jedini način je da se prijavi inspekciji, i ja sam za rješavanje ovih stvari.

Samir Bajrić, u ovakvoj situaciji moramo biti izuzetno oprezni i svima nam je cilj da pomognemo svim nezaposlenim, a pogotovo ovim osjetljivim populacijama djeci šehida. Ovdje trebamo voditi računa da vršimo informisanje na sve moguće načine i edukaciju poslodavaca i potencijalnih poslodavaca da koriste poticajna sredstva koja dodjeljuje Kanton, odnosno Federalni zavod i resorna ministarstva, a da nam kao krajnja mjera ostane prijavljivanje inspekcijama. U slučaju da dođe do prijavljivanja inspekciji da dođe do zaticanja tih ljudi na radu na crno, ta djeca bi bila uskraćena za korištenje poticajnih sredstava. Ovdje moramo raditi na edukaciji svi zajedno, mi kroz našu Službu za zapošljavanje, svako od nas shodno svojim mogućnostima trebamo gledati kakao da pomognemo a krajnja nužda da nam bude da idemo na prijavljivanje. U tom slučaju nažalost osvetit ćemo se toj djeci.

Vijećnik Safet Jašić, ja mislim da je ovo izrabljivanje ove djece. Nećemo mu pomoći. Šta ako to dijete provede deset godina u takvom radnom odnosu. I onda hajmo blokirati M-17 nije nam uplaćen penzijsko, zdravstveno itd. mislim da je ovo izrabljivanje djece boraca koji su dali svoj život za ovu državu i mislim da to nije. Ja imam dva brata šehida i znam kako to djeca doživljavaju i mislim da ovo treba odmah iz korijena rješavati bar ovu djecu.

Vijećnica Šefka Hasanić, ja bih ovdje apelirala, teško da će djeca poginulih boraca i šehida svoja prava ostvariti u nekim privatnim firmama. Jedino gdje mogu tražiti svoja prava i gdje se to uvažava su državne institucije.

Dopredsjedavajući OV, zaključujem raspravu i predlažem

- Informacija o kretanju zapošljavanja i nezaposlenosti na području općine Maglaj za 2017. godinu, prima se k znanju.

Brifing Općinskog načelnika:

Imate priliku pratiti sve aktivnosti općinske administracije na novoj web stranici Općine Maglaj vrlo pregledno, informisat se putem maglajske televizije, ja ću navesti nekoliko usputnih stvari koje su se dešavale u odnosu na posljednju sjednicu.

- Vi ste čuli da sam pominjao ITC certifikat Općine, pa da kažem za tu priču ide i priča sa obrazovanjem IT unutar Gimnazije «Edhem Mulabdić» Maglaj. To je jedna lijepa priča i vjerovatno ste imali priliku da čujete da je odrađeno nekoliko koraka i sa kantonalnom Vladom, resornim ministarstvom, Zavodom za obrazovanje i ta priča je prepoznata. U Gračanici su prepisali od Maglaja. Vezano za IT certifikat je pitanje projekta Koder Dodžo i vjerovatno i IT inkubator u svrhu toga, da kažem s ciljem prikupljanja poena za ovaj projekat imali ste priliku da poslušate i uvaženog profesora Velimira Sriću koji je imao jednu sjajnu prezentaciju u objektu Gimnazije. Vezano za taj certifikat ja sam pominjao i polako počinjemo kolutati tu priču i kad je u pitanju BFC certifikat.

- Od posljednje sjednice do sad imali ste priliku da čujete i javne pozive za sport i kulturu, pa koliko ima zainteresovanih na pomolu i sportskim klubovima i različitim udruženjima kad je u pitanju sfera kulture ili su uključeni unutar tih klubova ili udruženja. Poziv je po principu LOD metodologije i završava se 09.03.

- Uveli smo praksu da posljednji četvrtak u mjesecu sjedimo zajedno predsjednici svih sportskih klubova nešto u smislu sportskog savjeta, dok ne ozvaničimo to kao vid udruženja ili vid Sportskog saveza općine Maglaj. Ovo je prvi korak da vidimo gdje se nalazimo, s kojim se problemima susrećemo i imamo nekoliko projekata unutar toga, tako da očekujemo da će to biti lijepa priča.

- Ono što bih pohvali što se u posljednje vrijeme dešava to je saradnja direktorica «Merhameta» i Centra za socijalni rad koje su se udružile sa određenim pozitivnim projektima i ja im se zahvaljujem na tome. To je primjer i ono što ja stalno govorim mogućnost da različita udruženja, i različite osobe uvijek mogu surađivati za dobrobit pozitivnih projekata.

- S obzirom da se radi o snježnim padavinama, želim vam skrenuti pažnju da na sve strane pokušavamo da očistimo i da održavamo saobraćajnice kad je u pitanju zimsko održavanje. Održava se više nego što je uneseno u Program, mjestimično bude nekih problema, negdje zbog uskog puta, negdje prolaza otežanog, negdje zbog vrste tla, negdje se vozilo ne može okrenuti. Tu se uglavnom radi i malim sokacima, ali pokušava se. Šef urbanizma gospodin Hajrulahović je danonoćno na telefonu i pokušava to održavati na visokom nivou. Naravno bude malo i zabuna od strane pojedinaca koji nazovu da bi zadovoljili svoju ličnu potrebu, pa se onda unese zabuna u kvalitet održavanja. Za sad možemo da kažemo da smo zadovoljni kvalitetom. Ono gdje se može poboljšati ukoliko imate sugestija možete javiti i na općinski broj telefona, možete se javiti i u Službu za urbanizam, a možete se javiti i meni. Ono što smo apelirali preko stranice Općine Maglaj jeste malo više ažurnosti pojedinaca kod čišćenja malih sokaka, prilaza zgradama itd.

Želim pomenuti rekonstrukciju ulične rasvjete, danas nisam reagovao u nekoliko navrata. Iza ove govornice su iznesene neistine. Priča se o održavanju Ugovor za održavanje javne rasvjete, da se pri tome moli za zamjenu sijalica. To su potpune neistine. Onog trenutka kad sam došao na funkciju Načelnika smo maksimalno za ono sredstava koliko smo imali u tom trenutku na raspolaganju što smo mogli smo pokrpili uličnu rasvjetu. Vi to svi dobro znate mogli ste primjetiti na sve strane tamo gdje je postojala. Ima mjesnih zajednica u kojima se nije zalagalo da se to riješi. Mislim da ćemo to riješiti. 80.000 KM u Budžetu iznijeti ovdje da su to ugovori o održavanju, to je totalna neistina i zlonamjerna interpretacija. Vi znate i možete vidjeti grad prelijep, osvijetljen, naveče kao da je po dana. To je projekat od 180.000 KM, a mi smo sa 80.000 KM i redovno održavanje i dogradnju, zna se gdje je bilo dogradnje. Zna se i u Kopicama da je bilo određene dogradnje koji su imali javnu rasvjetu gdje se vršila dogradnja, Stari grad itd. i plus ugovor o održavanju i plus ovaj projekat sa UNDP-om završavamo ga. Projekat je bio i opet kažem zlonamjerne interpretacije ima od pojedinaca, po principu zašto se to mijenja tamo, zašto ne gradi tamo gdje nema uopće rasvjete. Dakle, projekat sa UNDP-i je bio povećavanje energetske efikasnosti sistema javne rasvjete. Povećanje energetske efikasnosti nije s nule, to je kad nešto imate, pa ćete povećati energetske efikasnost. Ako smo kroz to negdje po neku lampu više provukli, mislim da je to osjeti i Šeherski kraj, mislim da će to osjetiti i Stari grad. Vidite i u gradu na svakom ovom stubu imate duplo manje potrošnju, negdje i puno više 10 puta kao što je u ulici 1. marta, a imate puno bolje osvijetljenje i sve to uz garanciju od 5 godina. Ja se nadam da ćemo i ove godine proći u projekat i da ćemo nastaviti sa zamjenom sa povećanjem energetske efikasnosti i dio sredstava od ovih 80.000 KM, da ne bi pogrešno tumačili, dio sredstava ćemo usmjeriti i tamo gdje uopće nema ulične rasvjete kao poticaj za sanaciju.

Zahvaljujem se i direktoru KJD, što su se zauzeli i u zimskom periodu na sadnji zelenila, dobra stvar i nastaviti će se to kad prođu ovi vremenski uslovi kakvi jesu. To je direktor Bradarić već i pomenuo tako da idemo u dalje aktivnosti.

VIJEĆNIČKA PITANJA I INICIJATIVE

Vijećnik Hajrudin Ferić,

Želim da se zahvalim Službi za urbanizam, odnosno Kantonalnoj agenciji za ceste na odgovoru koji sam dobio na pitanje koje sam postavio na slijedećoj sjednici OV. Zadovoljan sam i ja ću ga javno obznaniiti.

Vijećničko pitanje i inicijativu

Vijećničko pitanje a može se reći i inicijativa, iz Mjesne zajednice Liješnica dobio sam zahtjev za poboljšanje uslova rada područne ambulante u Liješnici.

U Mjesnoj zajednici Liješnica u prostorijama mjesnog doma smještene su prostorije Porodične medicine Doma zdravlja Maglaj. U navedenim prostorijama već duže vrijeme evidentan je zabrinjavajući problem kako za pacijente, tako i za osoblje, nedostatak adekvatnog zagrijavanja prostorija još 2011. godine od samog otvaranja taj problem je evidentiran. Navedene prostorije cca 120 m² se trenutno zagrijavaju sa kaminom peć koja nije adekvatna i funkcionalna.

Napominjemo da je u navedenim prostorijama Porodične medicine ugrađen sistem centralnog grijanja koji ne radi. Rješenje navedenog problema je ugradnja peći na pelet čime i se otklonili i poboljšali uslovi u navedenoj ustanovi. Ovdje ima jedna alternativa, varijanta kaže grupa mještana da je spremna čak i sufinansirati realizaciju ovog projekta ako je to baš potrebno.

Inicijativa, iniciram da Komisija za propise predloži nacrt ili prijedlog Pravila i postupaka za izradu odluka i drugih propisa Općine Maglaj i da je dostavi na jednu od narednih sjednica Općinskog vijeća.

Vijećnik Elvir Vehabović, da odmah odgovorim, postoji taj problem zagrijavanja, međutim veći je problem što je u pitanju neadekvatna stolarija, što su stari prozori i to se ne može nikako zagrijati. Nije ni to problem, nego što po novom certifikatu koji treba dobiti, ne mogu postojati ambulante koje nemaju pristup invalidnim osobama. Ja sam pokrenuo inicijativu u razgovoru sa rukovodstvom mjesne zajednice da daju neki drugi prostor koji bi se osposobio. Oni imaju u prizemlju prostor i da mi taj prostor uredimo. Međutim, oni nisu voljni, to neko drugi koristi. Uglavnom bit će problem u svim Porodičnim ambulantom kasnije i Kosova, Ulišnjak, Liješnica, svi oni koji su na spratu nemaju uređen pristup za invalidne osobe, imat ćemo problem u narednom periodu jer iz AKAZ-a nam ne dozvoljavaju takve ambulante. Tako da ću se morati obratiti svim mjesnim zajednicama za alternativnim rješenjima. Iz tog razloga nije to neko veliko ulaganje, ali bi mi više volili da je prizemna prostorija, nego ova gore na spratu koju trenutno koristimo. I ako se bude ulagalo gore, to je ulaganje za jednu zimu ili će se morati seliti ili tako nešto.

Vijećnik Mustafa Bešić, imam potrebu da se obratim ovdje kao demobilisani borac i RVI, želim da obavijestim javnost da ćemo mi sutra ako Bog da priključiti se svim demobilisanim borcima u FBiH, znači dat ćemo podršku tj. s općine Maglaj. Skrećem pozornost ljudima i pozivam ih da izađemo i na dostojanstven način obilježimo te proteste, da dokažemo kao pravi demobilisani borci koji smo branili BiH. Mi ćemo ako Bog da sa novošeherskog kraja imati organizovan prijevoz, iće autobus i ovom prilikom pozivam sve demobilisane borce da nam se pridruže. Naše odredite će biti na Karušama. To je za nas jedan simboličan i velik datum, na Karušama se desila jedna velika pobjednička bitna Armije BiH u prethodnom periodu, mi ćemo i sad stati dole i pokazati da smo pravi borci Armije BiH. Molimo javnost da se strpi, mi nemamo drugog izbora, moramo tražiti svoja prava.

Vijećnica Irena Herceg, Da li postoji mogućnost da se utiče na Policijsku stanicu da svaki dan u šest sati kada se završava nastava ispred Prve osnovne škole stoji jedna policijska patrola. Prošle sedmice je tamo bio jedan nesretan slučaj ina svu sreću djetetu nije bilo ništa. Završilo se sa nekim lakšim povredama. Policijska patrola koja se inače navodi da su prisutni tamo, oni su dan tamo, dan nisu i onda dolazi do tih nesretnih slučajeva, gdje vozači, imamo i učenika koji imaju vozačke dozvole koji u šest sati kad napuštaju MSS voze i dokazauju se na razne načine, da ne bi došlo do nekog ozbiljnijeg slučaja, ukoliko je moguće da utičemo na njih da pod obavezno tamo bude jedna policijska ptrola.

Vijećnica Šefka Hasanić, ja ću ponoviti pitanje koje sam postavio ispred Kluba vijećnika SDA prilikom razmatranja Odluke o razrješavanju članova OIK-a. Da nam se dostave podatci o svim angažovanim pojedincima u toku lokalnih izbora 2016. godine sa spiskom plaćenih i oni koji nisu plaćeni u pisanoj formi.

Također molila bih informaciju ko uređuje općinsku web stranicu. Neki dan sam trebala neke podatke sa stranice, vidim sve je to fino posloženo uređeno. Međutim, naišla sam na jednu neugodnost svojstveno možda nekakvim lažnim profilima na društvenim mrežama twitera, fejsbuka, instagrama, da je moja slika sa fejsbuka skinuta i upotrebljena kao slika za službenu web stranicu Općine Maglaj, gdje sam predstavljena kao općinski vijećnik. Znači slika s mog profila na fejsbuku je završila na službenoj stranici Općine Maglaj. Molim informaciju ko je to uradio.

Vijećnik Fikret Delić,

Pitanje za Načelnika, pošto dolazim iz jedne mjesne zajednice gdje nema doma mladih, isto tako ni prostor za Vijeće mjesne zajednice, niti bilo kakvo okupljanje, gdje bi se održavali skupovi, zborovi, sastanci. To se radi sve na ulici na javnim mjestima. Pitam vas da li ima ikakav plan ili program da će se raditi Dom mladih u Mjesnoj zajednici Kopice i kada? Ovaj projekat je zaista potreban jednoj ovako velikoj mjesnoj zajednici kao što je naša mjesna zajednica i od velikog je značaja. Da li je zaista došlo vrijeme za gradnju Doma mladih u Mjesnoj zajednici Kopice.

Vijećnik Josip Jurišić,

Ja sam ovakvu vijećničku inicijativu već jednom izlagao, a sam sam je i napisao vezano za našeg Načelnika.

Pokrećem vijećničku inicijativu da se brifing Općinskog načelnika prebaci na početak sjednice i pretvorimo u tzv.

AKTUALNI SAT. To ima većina općina a i većina kantona i Vlada Federacije. Da ga pretvorimo u tzv. aktualni sat gdje bi vijećnici postavili Načelniku aktualna pitanja koja ih muče, Načelnik da odgovor, ovi izađu kažu jesul zadovoljni ili nisu i nema rasprave dalje. Onda Načelnik ne bi trebao sjednici 8-10 sati i slušat svega i svačega.

Vijećnik Mirza Bradarić,

Svi smo svjedoci zadnjih dana, mjeseci, pa čak i godina da na razno raznim društvenim na ulicama itd. i mi i naši sugrađani jako često spominju Borik. Borik tj. u lošem kontekstu kako je zapušten, kako je prljav, kako se gore ništa ne održava itd. Ima još jedan razlog, zima je skoro pri kraju, ovih dana imamo zimske padavine i minuse itd., ali

nažalost nakon ovih snježnih padavina nemate priliku ako ne odete van grada odvesti dijete na sanjkanje, na skijanje. Ako imate novaca možete se zaputiti prema Vlašiću, Jahorini, Igmanu itd. a svjedoci smo svi šta je Maglaj imao prije rata. Od Borika, kao restorana, od Babovače, ski lifta itd. Ja znam da je to prosto nemoguće vratiti ono prijašnje od prije rata u nekom kratkom periodu, ali mislim da se narednih par godina zaista može nešto odraditi.

Pokrećem inicijativu da do naredne zimske sezone, pokrećem inicijativu prema Načelniku i prema KJD da Načelnik zajedno sa KJD pokuša uraditi i pokrenuti nešto na sređivanju tzv. Babovače. Vi znate svi da je gore jako zaraslo i šiblje i drveće itd. ali sam siguran da jedna akcija može sve ono gore očistiti i pripremiti za eventualno neku ski sezonu, za sanjkanje itd. Automatski mnogi ljudi kažu da restoran Borik nema efekta da radi, a sređivanjem te Babovače vjerovatno će se pojaviti neko zainteresovan ko bi volio otvoriti i restoran. Automatski će to povući da naši ljudi ne idu i ne daju pare na Vlašić, Igman, Bjelašnicu, nego da na svojoj općini mogu iskoristiti sve te zimske pogodnosti.

Načelniče, molim Vas da u saradnji sa KJD u toku ove godine do naredne zimske sezone pokušate naći rješenje barem za početak za sređivanje Babovače.

Što se tiče vijećničkih pitanja,

1. Sanacija puteva. Prva dionica tiče se mjesta Šiprage, put do šehidske česme. Da li je moguće da barem jedan greder obzirom da je kamenjar tu i da je put pun rupa, da li je moguće da se pošalje tu jedan greder. kako bi se barem taj put poravnao.

2. Mjesna zajednica Liješnica, naselje Tujnica i konkretno puta prema šehidskom mezarstvu. Mislim da nema potrebe da iko ikome priča šta znači šehidsko mezarstvo. Nažalost put do šehidskog mezarstva u naselju Tujnica, je u jako lošem stanju. Moje konkretno pitanje je da li se može u toku 2018.godine ista uraditi na sanaciji i konkretno izraditi tog puta?

Vijećnik Nedžad Lokmić, dvije inicijative:

1. Pitanje Općini ili KJD, a tiče se velike deponije odlagališta pepela na Bijeloj Ploči na pravcu prema Rječici kod stare rampe. Mi smo pokušavali malo uvesti reda da se to koristi samo za papeo, međutim, mještani ne poštuju, pa svašta tu odlažu, tkao da je ta deponija već poprilično velika i ugrožava čak i prugu. Može li se učiniti šta grejna sezona je pri kraju da se to odvuče.
2. Ne znam dokle je moja inicijativa sa prošle sjednice, pa može odgovor i poslije ne ora danas.

15 sjednica završena u 18,48 sati.

Zapisničar,
Nisveta Bašić

Sastavni dio zapisnika čini tonski zapis, a CD cjelokupne sjednice dobit će sve političke stranke koje participiraju u Općinskom vijeću Maglaj.

